

يا رسول الله




يا رسول الله



سازمان اسناد و کتابخانه ملی
جمهوری اسلامی ایران

پارچه‌های



مکتب: اتیان و غیره

سارے حق سانچے

.....☆☆.....

| | |
|---|-----------------|
| یا رسول اللہ ﷺ | کتاب |
| میاں اقبال زخمی | مرتب |
| ادارہ پنجابی لکھاریاں جیاموسی شاہدرہ لاہور فون ۷۹۲۰۹۲۹ | ناشر |
| لکھاری کمپوزرز جیاموسی لاہور فون ۷۹۲۰۹۲۹ | کمپوزنگ |
| امجد اقبال امجد | کمپوزر |
| امجد اقبال لکھاری گرافکن جیاموسی شاہدرہ لاہور فون ۷۹۲۰۹۲۹ | سرورق |
| خادم پرنٹنگ پریس چیئر مین روڈ لاہور | پریس |
| ۲۰۰۳ء | پہلی وار |
| ۱۰۱ ادارہ رود پاک پڑھ کے حضور ﷺ دے حضور پیش کیا جائے | ہدیہ عام ایڈیشن |
| روپے | لائبریری ایڈیشن |

ورقاوے

ادارہ پنجابی لکھاریاں جیاموسی شاہدرہ لاہور فون ۷۹۲۰۹۲۹

نذر

صبا جاویں مدینے استغاثے نال لے جاویں
تے آکھیں نذر زخمی نے گھلائی یا رسول اللہ ﷺ

ﷺ

کرم دے نال دیکھیں اک واری یا رسول اللہ ﷺ
میں بے کس بے نوا ہاں اک بھکاری یا رسول اللہ ﷺ

تری فرقت دے زخماں نوں میں دل دے داغ کیوں آکھاں
ہے سینے وچ مرے فصل بہاری یا رسول اللہ ﷺ

توہیں تسکین ہیں دل دی توہیں ہیں جان دی راحت
دکھا چہرہ تے جاوے بے قراری یا رسول اللہ ﷺ

توہیں مولاً توہیں آقا توہیں وارث ترے باجھوں
کرے گا کون میری غم گساری یا رسول اللہ ﷺ

نزع دے وقت بھی کھڑا دکھاویں اپنے جامی نوں
ایہو امید ہے مینوں میں واری یا رسول اللہ ﷺ
مولانا جامی / پنجابی روپ اعظم جشی

شیشہ

- بسم اللہ
 ۱۱ بروفسر عبدالجبار شاہ کر
 ۱۷ ڈاکٹر آفتاب احمد نقوی
 ۱۸ ابن صدیق محمد حسین
 ۱۹ اثر انصاری
 ۲۰ احسان اللہ طاہر
 ۲۱ احمد جلیل
 ۲۲ محمد احمد شاد
 ۲۳ حاجی اختر حافظ آبادی
 ۲۴ اختر شاہ
 ۲۵ اختر ہاشمی
 ۲۶ ارشد اقبال ارشد
 ۲۷ ارشد شاہد
 ۲۸ حکیم ارشد شہزاد
 ۲۹ اعلیٰ کمرل
 ۳۰ اسیر سولوی
 ۳۱ اصغر ڈار
 ۳۲ اصغر علی اصغر
 ۳۳ اعظم چشتی
 ۳۴ افضل انور
 ۳۵ اقبال زخمی
 ۳۶ اقبال مساجد
 ۳۷ اقبال مجی
 ۳۸ اکرم دانش
 ۳۹ اکرم رضا
 ۴۰ اکرم ساغر
 ۴۱ اکرم سعید
 ۴۲ اکرم شاہ جیلانی
- ایہ حسرت اے مدینے میں وی آواں یا رسول اللہ ﷺ
 ایہ حسرت اے مدینے نوں میں جاواں یا رسول اللہ ﷺ
 تیرے ہاں دے ڈگے وجے نیں ہر جا یا رسول اللہ ﷺ
 تھاؤی سوئی عادت میں صدقے یا رسول اللہ ﷺ
 تیری کمبلی دیاں ٹھنڈیاں نیں چھاواں یا رسول اللہ ﷺ
 تھاڈا ناں ای ایڈا اے رسیلہ یا رسول اللہ ﷺ
 سدا داجھور نا کے خدا را یا رسول اللہ ﷺ
 کدے سد لے مدینے میں وی آواں یا رسول اللہ ﷺ
 کرم دی اک نظر ہووے خدا را یا رسول اللہ ﷺ
 تسیں محبوب رب دے او پیارے یا رسول اللہ ﷺ
 کدی بن کے پراؤ نا یا رسول اللہ ﷺ
 تیرا ہی نام میں ہر دم چتاراں یا رسول اللہ ﷺ
 ترے باجھوں نہیں کوئی سہارا یا رسول اللہ ﷺ
 عطا امتحان دا کرو پو خزینہ یا رسول اللہ ﷺ
 مدینے شہر دار ستاد کھادے یا رسول اللہ ﷺ
 کدی وچ خواب دے ہووے نظارا یا رسول اللہ ﷺ
 سنو جے میرے دکھڑے تے سداواں یا رسول اللہ ﷺ
 تسان دے بو ہے تھکدی اے عظمت یا رسول اللہ ﷺ
 کدوں مکن گیاں خورے جدا نیاں یا رسول اللہ ﷺ
 لگے مینوں تراناں ای پیارا یا رسول اللہ ﷺ
 مرے سرتوں ایہ ٹیل جاواں بلاواں یا رسول اللہ ﷺ
 مرا دل کردا میں روئے تے آواں یا رسول اللہ ﷺ
 تسیں آئے تے کٹھ پیاں بہاراں یا رسول اللہ ﷺ
 مرے وگڑے نصیبیاں نوں بناؤ یا رسول اللہ ﷺ
 ہے چلی آپ دے گھر چوں طیسی یا رسول اللہ ﷺ
 گنہگاراں نوں ہے تیرا سہارا یا رسول اللہ ﷺ

- ۳۳ اکرم قلندر ی بلا لومینوں وی اپنے دوارے یار رسول اللہ ﷺ
۳۴ اللہ دتاری منور نور تیرے توں زمانہ یار رسول اللہ ﷺ
۳۵ محمد الہاس جٹس دے راتیں میں تیرے گیت گاواں یار رسول اللہ ﷺ
۳۶ امین انجم دکھاؤ مینوں وی سوہنا مدینہ یار رسول اللہ ﷺ
۳۷ امین ہاجر ڈراو رات دن مینوں خطاواں یار رسول اللہ ﷺ
۳۸ امین خیال میں ایسے آس تے ایہ دن گزارے یار رسول اللہ ﷺ
۳۹ انور اداس کوں ہجر اں دیاں راتاں گزاراں یار رسول اللہ ﷺ
۵۰ انور عقیل حیدری سہارا آپ داہرویلے چاہواں یار رسول اللہ ﷺ
۵۱ انور رمی اختر آبادی مرا قبلہ تے کعبہ اے مدینہ یار رسول اللہ ﷺ
۵۲ انور بھٹی ہناں تیرے میں کس درہور جاواں یار رسول اللہ ﷺ
۵۳ ایم اے آزاد کوکھر میں اتھی آپ دامنگاں سہارا یار رسول اللہ ﷺ
۵۴ بشیر الماس ہائی مینوں رہندی اے سک تیری گھنیری یار رسول اللہ ﷺ
۵۵ حکیم محمد کاوش مری ایہ آس مدتاں دی بچاؤ یار رسول اللہ ﷺ
۵۶ پرویز محمد دکھاں درداں داماں راہاں کرم کر یار رسول اللہ ﷺ
۵۷ ڈاکٹر تنویر احمد مری بھکی ہوئی سوچاں دی منزل یار رسول اللہ ﷺ
۵۸ تنویر بخاری تڑپدے نیں غماں دکھاں دے مارے یار رسول اللہ ﷺ
۵۹ جاوید اقبال کرم ہو دے ترے درتے میں آواں یار رسول اللہ ﷺ
۶۰ جاوید اقبال خاں نیازی ایہ دل تیری نہ سہہ سکدا جدائی یار رسول اللہ ﷺ
۶۱ حسن ملک جھڑی دی چھہ تے ہے ذکر جاری یار رسول اللہ ﷺ
۶۲ ڈاکٹر حفیظ احمد مدینے شہر مینوں وی بلاؤ یار رسول اللہ ﷺ
۶۳ پرویز حفیظ تاب بنی اے جان تے بھارتی مصیبت یار رسول اللہ ﷺ
۶۴ حمید سرفی مرے دل وی بے ہو جان لگا ہواں یار رسول اللہ ﷺ
۶۵ حمید نقاشی جو تیرے عشق دے ہجرے تڑپے یار رسول اللہ ﷺ
۶۶ حنیف حق التجا میری ہو گئی بڑی دیری جھولی خیر پاؤ یار رسول اللہ ﷺ
۶۷ حنیف صاحب بلاؤ تے میں در تیرے تے آواں یار رسول اللہ ﷺ
۶۸ حنیف قادری ترے صدقے ترے جاواں میں واری یار رسول اللہ ﷺ
۶۹ حنیف نازش غماں فکر اں دی نصیری فیہر چلی یار رسول اللہ ﷺ
۷۰ خالد جاوید خاکی میں تیرا ہاں میں تیرا ہاں میں حیرا یار رسول اللہ ﷺ
۷۱ دلشاد جن کرو ہن دور دکھاں دے میرے یار رسول اللہ ﷺ
۷۲

- ۷۳ کرم اپنے چہیں بھر دے میری جھولی یار رسول اللہ ﷺ
- ۷۴ تہاڑے درتے چھاں رحمت دی سسٹھ گھنی یار رسول اللہ ﷺ
- ۷۵ کرم ہووے مدینے میں وی آواں یار رسول اللہ ﷺ
- ۷۶ تہاں دے روئے تے آواں بلاو یار رسول اللہ ﷺ
- ۷۷ جیہڑے بندے میں جے جاوندے تل یار رسول اللہ ﷺ
- ۷۸ میں او گھہارتے عاصی و چار یار رسول اللہ ﷺ
- ۷۹ تہاں تے آ کے کی اے نبوت یار رسول اللہ ﷺ
- ۸۰ سچائے ہین اکھاں تے ستارے یار رسول اللہ ﷺ
- ۸۱ ترے درجہا نہیں کوئی دوارا یار رسول اللہ ﷺ
- ۸۲ توں محسن دو جہاناں دا ایں والی یار رسول اللہ ﷺ
- ۸۳ میں اکواری مدینے پہنچ جاواں یار رسول اللہ ﷺ
- ۸۴ تہاڑی شان کل نیماں توں عالی یار رسول اللہ ﷺ
- ۸۵ تہاڑے درتے جس گردن جھکا ئی یار رسول اللہ ﷺ
- ۸۶ بھراں گھبرا کے غم توں جدوی ہاواں یار رسول اللہ ﷺ
- ۸۷ مری بر باد مگری نوں وساؤ یار رسول اللہ ﷺ
- ۸۸ جتے ٹریوں کدی ویکھاں اودہ تھاواں یار رسول اللہ ﷺ
- ۸۹ کدی مینوں وی اپنے در بلاؤ یار رسول اللہ ﷺ
- ۹۰ تہاڑی شان اے کیڈی نرالی یار رسول اللہ ﷺ
- ۹۱ تہاں بن کون میرا اے سہارا یار رسول اللہ ﷺ
- ۹۲ حیاتی میں مدینے وچ لگھاواں یار رسول اللہ ﷺ
- ۹۳ ترے بن کون دنیا نوں سنورے یار رسول اللہ ﷺ
- ۹۴ تہیں لوکاں نوں وٹھ دے اوخزانے یار رسول اللہ ﷺ
- ۹۵ کرم ہووے تے میں وی فیر آواں یار رسول اللہ ﷺ
- ۹۶ تہاڑی سک مرے ولدا خزینہ یار رسول اللہ ﷺ
- ۹۷ مرے گھر دے بچے ویدھڑے سچاؤ یار رسول اللہ ﷺ
- ۹۸ دیوچا آسرا مینوں خدا را یار رسول اللہ ﷺ
- ۹۹ مدینہ شہراے میرے توں اولھے یار رسول اللہ ﷺ
- ۱۰۰ حیرتی بندہ نوازی نوں نہ بھلاں یار رسول اللہ ﷺ
- ۱۰۱ تہیں لچ پال تے میں ہاں بے لمبی یار رسول اللہ ﷺ
- ۷۳ راجا رسالو
- ۷۴ راجا رشید محمود
- ۷۵ رحمت علی رحمت
- ۷۶ رشید احمد ارشد
- ۷۷ رشید ملتان
- ۷۸ رفاقت علی رفاقت
- ۷۹ رؤف شیخ
- ۸۰ ریاض قادری
- ۸۱ ریاض توقیر
- ۸۲ ریاض حسین ارم
- ۸۳ زاہد صدیقی
- ۸۴ ساغر بٹ
- ۸۵ ساقی سمجھراتی
- ۸۶ سجاد مرزا
- ۸۷ سردار احمد سردار
- ۸۸ سرور رندھاوا
- ۸۹ سلکی ناز
- ۹۰ سلیم آفتاب سلیم
- ۹۱ شا کر لکھی
- ۹۲ شبیر نازش
- ۹۳ شریف انجم
- ۹۴ شریف ساجد
- ۹۵ شریف مشتاق
- ۹۶ ڈاکٹر شوکت علی قر
- ۹۷ شہزاد احمد شاہد
- ۹۸ صابر نوید
- ۹۹ صادق جمیل
- ۱۰۰ صادق صابری
- ۱۰۱ صائم چشتی

- ۱۰۲ اپنے وودھ سے چارے پاسے میں منیرے یا رسول اللہ ﷺ صدیق تاثر
- ۱۰۳ تسلیں آئے تے آئیاں میں بہاراں یا رسول اللہ ﷺ صدیق مبرقادی
- ۱۰۴ کدوں پہنچاں گا میں دارا سکینے یا رسول اللہ ﷺ ڈاکٹر طارق قمری
- ۱۰۵ ایہو منگاں دعاواں یا رسول اللہ ﷺ ظفر ساقی
- ۱۰۶ کراں دن رات میں ایہوای باتاں یا رسول اللہ ﷺ ظفر مقبول
- ۱۰۷ تری ہستی دا پرچھاواں یا رسول اللہ ﷺ عارف محمود عارف
- ۱۰۸ در اقدس تے میں اکواریاں یا رسول اللہ ﷺ عاشق رحیل
- ۱۰۹ کوئی دکھیا جو در تیرے تے آیا یا رسول اللہ ﷺ عثمان سالک
- ۱۱۰ گلاں کس نوں ستاواں یا رسول اللہ ﷺ عبدالرزاق محسن
- ۱۱۱ سنو مکتے دیاں وی۔ جے پکاراں یا رسول اللہ ﷺ عبدالستار شانی
- ۱۱۲ غماں کجیا اے کلیر یا رسول اللہ ﷺ عبدالقدوس کیفی
- ۱۱۳ مدینے دی فضا دیکھاں سدا میں یا رسول اللہ ﷺ عبداللہ قاضی
- ۱۱۴ کدوں ہووے گی پوری دل دی حسرت یا رسول اللہ ﷺ عقیل شانی
- ۱۱۵ رہوے یاداں والا یہ مسکن مراد دل یا رسول اللہ ﷺ علی محمد ملوک
- ۱۱۶ دچھوڑے دے میں صدے روز جھلاں یا رسول اللہ ﷺ محمد علی ظہوری
- ۱۱۷ ونے راتیں کریند اہاں دعاواں یا رسول اللہ ﷺ عمران نقوی
- ۱۱۸ تہاڈ اور جو ہر دکھ دی دوا ہے یا رسول اللہ ﷺ عمر غنی
- ۱۱۹ ازل توں میریاں سوچاں دامحوں یا رسول اللہ ﷺ غلام رسول ساقی
- ۱۲۰ میں چاہندا ہاں مدینے میں دی آواں یا رسول اللہ ﷺ غلام شبیر رانا
- ۱۲۱ تیرے سوہنے فکر چوں ہو کے آئی یا رسول اللہ ﷺ غلام فرید شوکت
- ۱۲۲ کوئی دکھیاں دیاں لیند انہ ساراں یا رسول اللہ ﷺ غلام مصطفیٰ بسل
- ۱۲۳ غربی آن نہیں دیندی بہاراں یا رسول اللہ ﷺ غلام مصطفیٰ زار
- ۱۲۶ مرے بلھاں تے رہندا ایہو نخریاں یا رسول اللہ ﷺ فضل حق گلشن
- ۱۲۷ تری خاطر بنی ایہ سب خدائی یا رسول اللہ ﷺ فیض چشمی
- ۱۲۸ جہدے لب تے تہاڈی نعت ہوندی یا رسول اللہ ﷺ فیض رسول فیضان
- ۱۳۰ تنہا اے ترے در تے میں آواں یا رسول اللہ ﷺ قمر حجازی
- ۱۳۱ تنہا حاضری دی ایہ مرے دل وچ درینہ یا رسول اللہ ﷺ کاشف کلیل کاشف
- ۱۳۲ کسے راتیں جے ہو جاوے عنایت یا رسول اللہ ﷺ کبیر احمد مظہر
- ۱۳۳ تری چوکھت دے میں سب نوں سہارے یا رسول اللہ ﷺ کلیم شہزاد

- مرے غم داوی سن تے لے فسانہ یا رسول اللہ ﷺ
 ۱۳۶ گل شیر اختر شبیر
 ۱۳۸ صوفی محمد الدین چشتی
 ۱۳۹ محمود ساقی
 ۱۴۰ مسعود ہاشمی
 ۱۴۱ معراج انصاری
 ۱۴۲ مقصود ناصر چودھری
 ۱۴۳ پروفیسر منصور احمد خالد
 ۱۴۴ منظور احمد نوری
 ۱۴۵ منظور الحسن بغدادی
 ۱۴۶ پروفیسر منور غنی
 ۱۴۷ منیر کمال
 ۱۴۸ پروفیسر منیر الحق کھٹی
 ۱۴۹ مہر دین شاہد
 ۱۵۰ نادر حاجوی
 ۱۵۱ ناصر چشتی
 ۱۵۲ شارق قدیل
 ۱۵۳ نصر اللہ صابر
 ۱۵۴ نعیم ارشد شمر
 ۱۵۵ نور احمد ریحانوی
 ۱۵۸ محمد یوسف بگینہ
 ۱۵۷ محمد یوسف ورک
 ۱۵۸ ڈاکٹر یونس احقر
 ۱۵۹ یونس حسرت امرتسری
 ۱۶۰ اقبال زنجی
 ۱۶۱ -
 ۱۶۲ -
 ۱۶۳ -
 ۱۶۴ -
- کدی خواہاں دے وچ صورت وکھاؤ یا رسول اللہ ﷺ
 دراڑے رہ کے نہیں ہوندا گزرا یا رسول اللہ ﷺ
 میں ہر ویلے کریندہاں دعاواں یا رسول اللہ ﷺ
 مدد فرماؤ تا سادھی خدا را یا رسول اللہ ﷺ
 نہیں بھلے اندینے دانظارا یا رسول اللہ ﷺ
 عمر بھر تیریاں نعتاں سناواں یا رسول اللہ ﷺ
 کتے ڈب جان نہ آساں دے تارے یا رسول اللہ ﷺ
 کراں میں کس طرحاں تیرا نظارا یا رسول اللہ ﷺ
 جگر دے زخم کس کس نوں وکھاواں یا رسول اللہ ﷺ
 مری وگڑی بناویں یا رسول اللہ ﷺ
 کدی میری وی سن لو آہ و زاری یا رسول اللہ ﷺ
 دیاں میں رات دن تیری دہائی یا رسول اللہ ﷺ
 نہ جنت والے چاہمینوں نہ حوراں یا رسول اللہ ﷺ
 سنوا کواری وکھیاں دی کہانی یا رسول اللہ ﷺ
 سنو مصہوم ہونٹاں دے بلارے یا رسول اللہ ﷺ
 تری رحمت دامنوں ہے سہارا یا رسول اللہ ﷺ
 نظر تک تک کے راہ تیرا اے ہاری یا رسول اللہ ﷺ
 سنو جے عرض میری تے سناواں یا رسول اللہ ﷺ
 تری رحمت دے بدلے بلے بلے یا رسول اللہ ﷺ
 تہاڑے ہجر وچ اکھاں میں پر غم یا رسول اللہ ﷺ
 جے مل جاوے ترا مینوں دودارا یا رسول اللہ ﷺ
 تہاڑے ہجر نے کچا اے گھاٹل یا رسول اللہ ﷺ
 ہجر وچ نین میرے وی نہیں روئے یا رسول اللہ ﷺ
 کدوں کن گیاں خورے جدا تیاں یا رسول اللہ ﷺ
 نہ جھل جاوندی میٹھوں جدائی یا رسول اللہ ﷺ



سانجھی گل

نعت کہنا، نعت لکھنا، نعت پڑھنا، نعت سننا، نعت دی محفل کروانا، محفل وچ جانا تے نعت چھاپن دا اہتمام کرنا حضور ﷺ دے خاص کرم نال ہوندا اے۔ کوئی بندہ اپنے آپ کچھ نہیں کر سکتا۔ ایہ حضور ﷺ دا خاص کرم اے کہ میں نعتاں دی ایہ چون ”یا رسول اللہ“ پیش کر رہیاں۔ میری جنتوں تک کوشش ہو سکی میں کیتی اے ایس کوشش وچ کتنوں تک کامیابی ہوئی اے ایہ تے پارکھ ای دس سکتے نیں۔ ترتیب حروف حجازی دے حساب نال اے جمیدی وجہ توں کچھ مینتر شاعراں دیاں نعتاں بعد وچ لکیاں نیں تے جو نیز پہلے آ گئے نیں۔

جہاں جہاں کتاب دی اشاعت وچ میری بھرپور مدد کیتی اوہناں دا شکریہ ادا نہ کرنا کم ظرفی ہووے گی۔ شکر یہ اپنے اوس جن دا چھپے اک ہزار روپا میری مٹھ وچ دے کے کہیا ایہد ا ذکر میراناں لے کے نہیں کرنا یہ میں حضور ﷺ دی خوشنودی واسطے کتاب وچ حصہ پارہیاں ایس لئی میراناں کتے وی نہیں آنا چاہیدا۔ دعا اے حضور ﷺ اوہناں دی ایس ادالوں قبول فرمان۔ شکریہ پاکتن وسدے جناب عمر غنی ہوراں دا جہاں لکھیا ”ایس نیک کم وچ میرا دی حصہ ہونا چاہیدا اے تسمیں ککے ککے ثواب نہ لو، ایس کتاب وچ اپنا حصہ پارہیاں“ تے ایہدے نال ای اک ہزار روپا ارسال کیتا۔ حضور ﷺ قبول فرمان۔ شکریہ جناب مولانا محمد رمضان نوری خطیب ماسٹر پارک اوکاڑہ ہوراں دا جہاں نعت نمبر ۵ دے ۱۵ پرچے منگوا کے دوستان وچ تقسیم کیتے تے ہدیہ ۳۰۰ روپے مکمل دتا جیہڑا کتاب دے خرچ وچ شامل ہو گیا۔ شکریہ قصور وسدے جناب محمد الدین چشتی نظامی ہوراں دا جہاں حکم کیتا کہ کتاب دے لا بھریری ایڈیشن دے دس نسخے مینوں مکمل دینا تے ہدیہ کتاب دے خرچ وچ شامل کر دتا گیا۔

شکریہ جناب پروفیسر عبدالجبار شاہ ہوراں دا جہاں اپنے قیمتی وقت چوں ویلا کڈھ کے کتاب دا دیباچہ لکھیا۔ شکریہ پروفیسر ارشد اقبال ارشد دا چھپے نعتاں کلمیاں کرن وچ تس بیج کیتی شکریہ امجد اقبال امجد دا چھپے ایس کتاب دی کپور دیک کیتی تے شکریہ امجد اقبال دا چھپے ٹائیکل ڈیزائن کیتا تے چھپا کے دتا۔

میاں محمد اقبال دخی

بسم اللہ الرحمن الرحیم

ایس دھرتی تے حضرت محمد مصطفیٰ ﷺ دی ذات توں اڈ کوئی ہو ردو جی شخصیت اجہی نظر نہیں آندی جیدے نال رب سوئے مقدس فرشتیاں تے انساناں نے ایڈی بھریں تے گوڑھی محبت تے عقیدت دا اظہار کیا ہووے۔ مشاہور مستشرق ڈاکٹر اسپرگر ہوریں آکھدے نیں کہ حضور ﷺ دے اوصاف تے کمالات بیان کرن والیاں دی تعداد پنج لکھ توں زائد اے۔ ایس توصیف توں اڈ اج دنیا دی کوئی زندہ زبان اجہی نہیں جیدے وج لقم یا نثر وج کئی مدنی مابی ﷺ دی تعریف و توصیف نہ کیتی گئی ہووے۔

حضور ﷺ دی تعریف دے تذکرے آپ دی پیدائش تے جن توں پہلاں ایسانی کتاباں تے صحیفیاں وج موجود نیں۔ آپ دی آمد پاک دیاں بشارتاں نال کتاباں بھریاں پیاں نیں۔ اسانی کتاباں توں اڈ غیر اسانی مذاہب دیاں کتاباں وج وی آپ دی تشریف لیان دے تذکرے موجود نیں۔

کائنات دا پہلا نعت گو خود رب کریم جل شانہ دی ذات جیسے قرآن مجید راہیں آپ دی حقیقی صفت بیان کیتی اے۔ سچ پچھو تے جی تے جی نعت دا مہاندرا کیہ ہو تا چاہیدا اے لہندی پچان یاں تے قرآنی آیتاں کردیاں نیں یا فیر حدیث پاک وج صحابہ رضوان اللہ علیہم اجمعین نے آپ دے شامل تے فضائل نوں بیان کیا اے۔ ایس توں گروں تے فیر نعت دا ساون و سدا صدا اے۔ عقیدت دی جھڑی انج گئی اے کہ عقیدتاں دی پھوار نے ساری خدا کی تے لوکاں کی نوں موہ لیا اے۔ ایس توں دودھ نعت دا اجماز کیہ ہو سکدا اے کہ فیر مسلمان نوں رنج نعت کہن دا سلیقہ عطا ہو یا اے۔ ایس دھرتی دے سب توں وڈے انسان دی صفت وج ساری کائنات شامل اے۔ کاش اسیں حضرت سلیمان علیہ السلام طرحاں پرندیاں تے جناوراں دی آواز سمجھ دے تے جان دے ہوندے تے سانوں پتا لگ دا کہ ایہ جناور وی رب سوئے دی

حمد دے نال نال حضور ﷺ دے ناں دی مالا جب دے نہیں۔

عربی زبان وچ ”نعت“ داتن حرفی مادہ کسے چیز دی صفت تے وڈیائی بیان کرن دے معنی چ آندا اے۔ ہر سوہنی تے عمدہ چیز نوں نعت آکھ دے نہیں۔ عربی وچ ایہدی جمع نعت اے۔ ایس ادبی اصطلاح دے معنی خاص طور تے حضور ﷺ دی ذات تے صفات دے بیان لئی وقف نظر آندا اے۔ حضور نبی کریم ﷺ دے اسوہ اوصاف تے کمالات دی گل بات ازل توں ٹری ہوئی اے تے ابد دیھاڑے تک ایہدی چال انج ای مستانی دینی اے۔

زبانم قابل حمد خدا شد

کہ بانام محمد آشنا شد

حضور ﷺ دے پاک زمانے تے پاک زمین دے دو عرب نعت گوواں دے ناں ساڈے کول محفوظ نہیں۔ حضرت حسان بن ثابت تے عبداللہ بن رواحہ دے نعتیہ قصیدے پڑھیے تے دماغ وجد تے دل مستی محسوس کر دالے۔ عرب دے نعت گوواں توں بعد فارسی دے سینکڑے نعت گو عقیدت دے پھل پیش کر دے نظر آندا اے۔ اردو زبان وچ نعت دی ہاشنا اک وکھرا سواد پیش کر دی اے۔ برصغیر دے ہر علاقے وچ بولی جان والیاں بولیاں وچ آپ دی نعت دا بھرواں سامان موجود اے۔

ایس ایس تحقیقی کھدیچل تے گنجل وچ پئے بغیر کہ اردو زبان قدیم اے یا پنجابی۔ ایہ گل بڑے مان تران نال آکھ سکدے آں کہ جنیاں صفاں وچ پنجابی زبان وچ نعت کہی گئی اے ایہدا مقابلہ جگ دی کوئی ہوو زبان نہیں کر سکدی۔

ذرا پنجابی نعت دیاں صفاں دی ثور تے ویکھو بولیاں دوہڑے کافیاں سی حرفیاں باران ماہے اٹھوارے ست دارے قطع تے رباعیاں غزلاں تے قصیدے مثنوی مستزاد قوالی ترجیع بند ترکیب بند مسدس مخمس بیت داراں نظم دیاں ساریاں قسماں ہائیکو گیت تے سانیٹ ہر صنف وچ نعت کہی گئی اے۔ موضوعات دے حساب نال گوپڑ لاؤ تے مولود نانے

معراج تائے وفات تائے چوہر بی تائے جھوک، علیہ شریف، سلام، گلزاراں، اشتر تائے لوریاں، میلاد تائے جوگی تائے چرنے تائے تے ہو رکنی رنگاں وچ نعت کبی گئی اے۔ نعت دیاں صفیاں تے موضوعاں دا ایہ کھلار آپ دی دل کچویں سیرت تے من موئی صورت دا اک اظہار اے۔ نعت دافن پلصراط توں لکھن ورگا دشوار اے۔ وڈی تے بھروسے نعت دی ایہ لوڑ اے کہ عقیدت اک دوجے دے نال سنگی بن جان، نعت گوئی دی عزت حاصل کرن لئی جتھے آپ سرکار ﷺ دی ذات نال محبت تے عقیدت دی لوڑ اے، اوتھے آپ دی سیرت دا بھرواں مطالعہ وی ضروری اے۔ نعت گو نوں ایہدے فنی تقاضیاں دے نال جیہڑے نعت تے عروض دے فن نیں، ایہدے نال نال قرآن مجید تے احادیث مبارکہ دا ڈونگھا مطالعہ، سیرت پاک دیاں مستند کتاباں تے اسلام دی تاریخ نال گورھی یاری ہونی چاہیدی اے۔ نعت دے مضموناں وچ ادب تے احترام دی لوڑ اے۔ شعر وچ اظہارِ لطیف ڈھنگ ہونا چاہیدا اے۔ لفظاں دی چون دا خیال وی ضروری اے۔ نعت گو آپ دی محبت دے نال نال حضور ﷺ دی اطاعت دیاں شرطیں پوریاں کر دا ہووے۔ مقامِ محبوبیت آپ دی سیرت تے عمل کیتیاں بغیر نہیں مل سکدا۔ بے عملاں نوں حضور پاک ﷺ دی محبت نہیں لہے سکدی۔ ذکر رسول، فکر رسول توں بغیر رنگ نہیں پیدا کر دا۔ ایس گل نوں جان لئی قرآن مجید دے اسلوب سیرت تے گہری نظر ہونی چاہیدی اے۔

پنجابی زبان وچ نعت دی روایت بہت ڈونگھی اے۔ بابا فرید گنج شکر بابا نانک، عہدی تے نوشہ گنج بخش دے ناں ایس نعت دے پڑا پہلا پڑاؤ نیں۔ پنجابی شاعری جیہدے وچ دینی ادب تے تصوف دا ڈونگھا چسکا اے۔ ایہدی ہر صنف تے ایہدے ہر مجموعے دا مدھ ہمیش توں حمد تے نعت نال بھجیا اے۔ ایس ایہ گل من لینے آں کہ پنجابی نثر وچ سیرت دا ایمان بہت تھوڑا، پر ایہ کسر ساڈے لکھاریاں نے ہر دور وچ نظم راہیں پوری کر دی اے۔ اک تحقیق موجب میں ایہ گل کرن وچ حق بجانب آں کہ پنجابی وچ گھٹ گھٹ تن ہزار توں زائد شاعراں نے نعت آکھی

اے۔ ایہ نعت بھادویں دینی ادب وچ منظوم تفسیراں وچ ہووے تے بھادویں پنجابی مجموعیاں دے مذحلے شعراں راہیں بیان ہوئے۔ پنجابی دی کوئی منظوم ادبی کسچل نعت دے وجود توں خالی نہیں۔ ہزاراں شاعران واکلام ساڈی سانجھ نہ ہون پاروں ضائع تے برباد ہو چکیا۔

ویہویں صدی عیسوی وچ پنجابی صحافت نے اپنا رنگ جمایا تے ایہدے وچ بوہت سارے رسالے مختلف علاقیاں وچوں شائع ہوئے ایہناں رسالیاں وچ ہمیش توں حمد تے نعت دے پھل ایس چنگیر دی زینت بن دے رہے۔ خیر ہولی ہولی نعت دے خاص نمبر دی شائع ہون لگ پئے۔ ساڈے دوست تے سچے ادیب راجا رشید محمود ہوراں نے عجیب عشق دا کرشمہ دیکھیا کہ خاص نعت دے ناں نال اک رسالہ چھاپنا شروع کیتا جیہدے وچ اردو پنجابی دے ہر شاعروں جگہ دتی اے۔

حضور ﷺ دے عاشقاں دی ایس صف وچ اک بندہ ادوہ دی نظر آئدا اے جیہد اتناں "اقبال زخمی" اے۔ اوہنے اج توں ویہہ سال پہلاں "لکھاری" دے ناں نال اک کتاب لڑی شروع کیتی جیہنے اللہ پاک دے فضل نال بن اک اچے تے سموچے مہینہ دار رسالے دی شکل اختیار کر لی اے۔ 1983ء وچ کتاب لڑی دی بیہ نہ بھئی تے فروری 1983ء وچ ای کتاب لڑی دا خاص شمارا نعت نمبر شائع ہویا۔ جیہدے وچ پروفیسر حفیظ تائب ہوراں دا اک بھرواں مضمون "پنجابی نعت تے اک تردی جہات" دے عنوان نال لکھیا۔ تے اخیر لے سارے حصے وچ پنجابی نعتاں دی سوغات دی ہاشا کھنڈ کے ساہواں نوں مہکا رہی اے۔ نومبر 1985ء وچ لکھاری دا اک ایڈا بھرواں نعت نمبر شائع ہویا جیہنے سورج دے چکارے وانگر پنجابی نعت دا نور دور دور تک وکھیر دتا۔ ایہدے وچ نعتاں توں اڈ تحقیقی تے تنقیدی مضمون دی شائع ہوئے۔ ساڈے تن سو محفیاں تے کھلریا ایہ نعت نمبر اج وی پنجابی نعت دی تاریخ وچ اک حوالے دی دستاویز اے۔

لکھاری دا تریچا نعت نمبر اکتوبر 1989ء وچ شائع ہو ہویا جیہد اپہلا مضمون

میرے مرحوم دوست مقصود ناصر دہری ہوراں لکھی سی تحقیقی تنقیدی مضموناں توں بعد نعتاں دا پراگا پیش کیا گیا اے۔

اقبال ڈبھی دے سینے وچ حب رسول ﷺ دا اک دیو اسدا جگ دار ہیا اے۔ پراس دیوے دی لاٹ 1998ء ایہناں نوں زمانے دے انصیریاں چوں کڈھ کے حرمین شریفین دی زیارت تے حج لئی مجاز دی سر زمین تے لے گئی۔ اگلے سال فیر تڑپ دے ڈبھی نے عمرہ ادا کیا تے واپسی تے ایس عقیدت دا ایہ ثبوت دتا پئی مدینہ یا مدینے دی ردیف نوں کھ رکھ دیاں جون 2001ء وچ چوتھے نعت نمبر داشوق پورا کرن واساں کیا۔ ڈبھی ہوراں دی اپنی نعت دی عجیب من کچھویں تے مستانی سی۔

صبح مدینے، شام مدینے دم دم پڑھاں سلام مدینے

لکھاری دے ایس چوتھے نعت نمبر وچ 127 شاعراں دا اک مخصوص ردیف وچ کلام جمع کیا گیا۔ فیر ڈبھی ہوراں نے ایسے نعتاں دے پراگے لوں کتابی شکل وچ چھاپ دتا، جیہڑا حشر دیھاڑے تک پنجابی نعت گوئی وچ اک نشان بنیا رہوے گا۔

نعت گوئی دی ایس محبت نے ڈبھی ہوراں نوں نوں توں نوں رستے بھھاوتے تے اوہناں اک نوں نعت نمبر لئی ہوکا مار یا کہ شاعر جن جن ”یا رسول اللہ“ دی اوکھی ردیف وچ اپنیاں نعتاں پیش کرن ایس ہوکے نوں سن کے 130 توں زائد شاعراں نے اپنا مخصوص ردیف وچ کلام پیش کر دتا۔ ”لکھاری“ دا ایہ نعت نمبر مئی 2003ء نوں چھاپے پڑھیا تے جن اگست 2003ء کچھ ہور وادیاں دے نال ایہ کتابی شکل وچ اک مستقل سرمائے دی شکل تے رنگ روپ نال پیش کیا جا رہیا اے۔ اوہناں دیاں پنجابی نعت دے روپ نوں ہنگارن دیاں ایہ ساریاں کوششاں سلاہن جوگ نیں۔ پر مینوں لگ دا کہ حضور پاک ﷺ دی محبت تے عقیدت دا جیہڑا سوا اوہناں دے دل تے دماغ وچ پھلایا اے ایہا جے بڑے رنگ دکھائے دا۔

دیہویں صدی عیسوی دی اخیر لی چوتھائی وچ پنجابی نعت نے اپنا بہت سارا زور تے

ذوق دکھایا اے۔ ایہ زمانہ تے دور خاص عکس کی مہارتاں تے مادیت دے کھو بے دازمانہ اے۔
 لہدے وچ مغرب دی انہی انہی نے ساریاں قوماں نوں صراط مستقیم توں ہٹان دازور لایا
 ہو یا اے۔ ایمان دی کھیتی، عشق رسولؐ دے پانی ہاجھوں بنجر ہو رہی سی پر نعت گوئی دی ایس
 پھوار نے لسوں فیر گل و گلزار بنادتا اے۔ پنجابی نعت دے ایس فروغ وچ جیہڑے سیکڑاں
 شاعران نے حصہ لیا اے اوہناں دی ایہ کوشش ایس دھرتی تے سلاہن جوگ اے تے حشر
 دیھاڑے ایہ اوہناں دی شفاعت داسامان اے۔ میں ایس موقع دی نسبت نال اپنے شاعر
 بھراواں نوں ایہ عرض کرنا چاہتا آں کہ آپؐ دے فضائل، شائستگی اوصاف دا بیان شعراں
 راہیں بڑا ضروری اے پر ہن زمانے تے لوکاں دی ایہ لوڑ اے کہ آپ ﷺ دے پیغام دی تبلیغ
 شعراں راہیں عام کیتی جاوے تے آپ دی باکمال سیرت نوں کھ رکھ کے نعت دے مضموناں دا
 نواں کھلار پیدا کیتا جائے۔ مینوں امید اے کہ ایس لوڑ لئی اقبال زخمی ہو ریں نعت نمبران دے
 نال نال ہن پنجابی وچ سیرت نمبران دا وی مڈھ نمھن گے۔ نعت جے شاعری دا دل اے تے
 سیرت اوہدا داغ اے۔ دل تے داغ دوواں دی صحت تے سلامتی دی لوڑ اے۔ لکھاری دے
 ایس نمبر دی کتابی اشاعت تے میں اقبال زخمی ہو ریاں نوں پوری پنجابی زبان بولن والیاں دی
 طرفوں سلام پیش کرنا آں۔ مینوں امید اے کہ ایس نعتیہ مجموعے دا اچھا استقبال کیتا جاوے گا۔
 انشاء اللہ العزیز

پروفیسر عبدالجبار شاہ

ڈائریکٹر پنجاب پبلک لائبریری

۱۶ جولائی ۲۰۰۳ء

ﷺ

ایہ حسرت اے مدینے میں وی آواں یا رسول اللہ ﷺ
 ہرے گنبد دیاں ماناں میں چھاواں یا رسول اللہ ﷺ
 تہاڈا در اوہ دروازا اے جس تے منگتیاں وانگر
 شہنشاہواں نے دتیاں نیں صداواں یا رسول اللہ ﷺ
 مرے لوں لوں دے اندر تاہنگ اے دیدار دی مولا
 کدی مقبول ہوں ایہ دعاواں یا رسول اللہ ﷺ
 تہاڈے تے مرے سینے دا اک اک داغ روشن اے
 دکھاواں جے تہانوں کیہ دکھاواں یا رسول اللہ ﷺ
 ایہ دلدی ڈولدی بیڑی کنارے تاکیں جا گے
 نظر اک مہر دی قربان جاواں یا رسول اللہ ﷺ
 سناں جے تے سناں میں سوہنی سیرت دے سدا نغمے
 جے گاواں تے تہاڈے گیت گاواں یا رسول اللہ ﷺ
 سلاماں تے دروداں نال بس میں لالواں یاری
 مقدر کیوں نہ انج اپنا جگاواں یا رسول اللہ ﷺ
 آفتاب احمد نقوی



ﷺ

ایہ حسرت ہے مدینے نوں میں جاواں یا رسول اللہ ﷺ
 تے سب دکھڑے تہانوں میں سناواں یا رسول اللہ ﷺ
 کدی آواں کدی جاواں رہواں بس پھیریاں پاندا
 تے ساری عمر میں انج ہی لنگھاواں یا رسول اللہ ﷺ
 مدینے دی میں گلیاں وچ پھراں تیرا گدا بن کے
 تے رحمت نال جھولی بھر کے آواں یا رسول اللہ ﷺ
 اوہ روضے پاک دی جالی جنہوں چم چم کے نہ رجاں
 میں نعتاں تیریاں اوتھے سناواں یا رسول اللہ ﷺ
 میں خاک پاک چم چم کے جو لاواں نال اکھیاں دے
 تے تھاں تھاں تے میں اپنا سر جھکاواں یا رسول اللہ ﷺ
 ترے در دے فقیراں دے قدم چماں زہے قسمت
 جو تیرے نیں دل اوہناں نال لاواں یا رسول اللہ ﷺ
 حسن تے وی کرو ظہر کرم دی ہک جھلک آقا
 ایہ دولت دین دنیا دی میں پاواں یا رسول اللہ ﷺ
 ابن صدیق محمد حسین



ﷺ

تیرے ناں دے ڈگے وجے نیں ہر جا یا رسول اللہ ﷺ
ازل توں ای ترا چہ چا اے ہویا یا رسول اللہ ﷺ

تسیں اسلام دے گلشن بہاراں لے کے آئے او
تساں ذہناں نوں وی دتا اے مہکا یا رسول اللہ ﷺ

تھاڈے واسطے کیجے نیں پیدا دو جہاں حق نیں
تساڈے نور چکایا زمانا یا رسول اللہ ﷺ

دنے راتیں تھاڈا ذکر میں کردا رہواں آقا
مری بیڑی نوں مل جاوے کنارا یا رسول اللہ ﷺ

تساں نے دان دتا سی جیویں رومی تے جامی نوں
کرو مینوں عطا مڑ فیض اوہوا یا رسول اللہ ﷺ

کدوں تیکر سہواں گا دوریاں دے دکھ یا حضرت
بلا لو اثر نوں دی ہن خدا را یا رسول اللہ ﷺ
اثر انصاری فیض پوری

صلی اللہ علیہ وسلم

تہاڑی سوئی عادت توں میں صدقے یا رسول اللہ ﷺ
تہاڑی خاص رحمت توں میں صدقے یا رسول اللہ ﷺ

دعاواں ویریاں نوں دی دنے راتیں پئے دیو
تہاڑے پیار چاہت توں میں صدقے یا رسول اللہ ﷺ

تسیں مختار او جگ دے تے پتھر ڈھڈھ تے بندھے او
تہاڑی اس قناعت توں میں صدقے یا رسول اللہ ﷺ

بجھایاں نیں اسانوں جس سبھے نیکی دیاں راہواں
اوہ چائن رنگی سیرت توں میں صدقے یا رسول اللہ ﷺ

جھڑی رنگن چ رنگیا اے تسان سارے صحابہ نوں
تہاڑی اوں رنگت توں میں صدقے یا رسول اللہ ﷺ

زمانے وچ تسان ونڈی اے سانجھی پیار دی دولت
تہاڑی ایس رحمت توں میں صدقے یا رسول اللہ ﷺ
احسان اللہ طاہر

ﷺ

تری کمبلی دیاں ٹھنڈیاں نہیں چھاواں یا رسول اللہ ﷺ
 تری رحمت دیاں ہر سو گھناواں یا رسول اللہ ﷺ
 مدینے دے گلی کوچے میں ویکھاں جی بڑا کردا
 میں ہر دم منگناواں ایہ دعاواں یا رسول اللہ ﷺ
 کدے تشریف لے آؤ مری نظراں دے ویہڑے وچ
 میں سوہنی دید نال اکھیاں سجاواں یا رسول اللہ ﷺ
 خیالاں وچ کدے تگناواں تیرے سوہنے روضے نوں
 کدی جالی نوں سینے نال لاواں یا رسول اللہ ﷺ
 مری نیندر اڈیکے روز تیری دید دے سفے
 بچھا کے اکھیاں تگنا ہاں میں راہواں یا رسول اللہ ﷺ
 جدائیاں دے ایہ موسم سوہنیا! کد ختم ہون گے
 میں کد تک ہجر دے صدمے اٹھاواں یا رسول اللہ ﷺ
 جہنم دا میں ڈر بھل جانا جد یاد کرناواں
 تری رحمت دیاں مٹھیاں اداواں یا رسول اللہ ﷺ
 کدے سد لو مدینے وچ جلیل ہجر دے مارے نوں
 مکا چھڈو ایہ ہن لمیاں سزاواں یا رسول اللہ ﷺ
 احم جلیل



ﷺ

تھاڑا ناں ای ایڈا اے رسیلہ یا رسول اللہ ﷺ
کہ مجمع ہوندا جاندا اے نسیلا یا رسول اللہ ﷺ

ترا رتبہ اے دو جگ توں جلیلہ یا رسول اللہ ﷺ
خدا تک پہنچنے دا اک وسیلہ یا رسول اللہ ﷺ

اوہ تیرے خلق دے پاروں محبت دا نشان بنیا
جیہڑا دشمن سی جاناں دا قبیلہ یا رسول اللہ ﷺ

کدوں تک غم دیاں سٹاں رہوے گا شاد ایہ سہندا
ایہ ہن ہو گیا جشہ اے نیلا یا رسول اللہ ﷺ
محمد احمد شاد

.....☆☆.....

111222

ﷺ

سدا دا جھورنا مکے خدارا یا رسول اللہ ﷺ
 نظارے باجھ ہن نہیں جے گزارا یا رسول اللہ ﷺ
 وچھوڑے دے غماں دا ہے سمندر ماردا ٹھاٹھاں
 وصالاں دا ملے چھیتی کنارا یا رسول اللہ ﷺ
 میں چم لیناواں اکھیاں میٹ کے خاکِ مدینہ تے
 عطا ہووے کسی صورت نظارا یا رسول اللہ ﷺ
 بہت میلاد تے ہوندی اے سنیا نور دی بارش
 محمد ﷺ نام عرشاں دا دلارا یا رسول اللہ ﷺ
 چکی پھردی اے بس اکو تہاڑے شوق دی گرمی
 شفاعت آپ جی دی ہے سہارا یا رسول اللہ ﷺ
 چراں توں چیک رہی اے پاک دھرتی شر دے نرغے وچ
 ہدایت دا دوو ہن تاں اشارا یا رسول اللہ ﷺ
 عرب دا چن تے کہنے آں اسیں سب پیار تھیں اختر
 ایہ پاکستان وی اے گھر تمہارا یا رسول اللہ ﷺ
 حاجی اختر حافظ آبادی



صلی اللہ علیہ وسلم

کدے سدے مدینے میں دی آواں یا رسول اللہ ﷺ
جو دل تے ہجر وچ گزری سداواں یا رسول اللہ ﷺ

نہ دل نوں چین آؤندا اے نہ اکھیاں وچ رہی نیندر
شدائیاں دانگ نکدی ہاں میں راہواں یا رسول اللہ ﷺ

سنہے ہتھ راہیاں دے مٹن کھلے واسطے دے کے
کرو میں کملی کوجھی دل نگاہواں یا رسول اللہ ﷺ

انہاں دے لیکھ چنگے میں جو رہندے وچ مدینے دے
بلاویں تے میں لیکھ اپنے جگاواں یا رسول اللہ ﷺ

ایہ حسرت دل وچ رہندی اے مرے دن رات اختر شاہ
زیارت پاک رضے دی میں پاواں یا رسول اللہ ﷺ
اختر شاہ



ﷺ

کرم دی اک نظر ہووے خدا را یا رسول اللہ ﷺ
 مری کشتی نوں مل جائے کنارا یا رسول اللہ ﷺ
 لواں بوسے میں پھر آ کے مدینے دی ہواواں دے
 کراں دم دم میں روضے دا نظارا یا رسول اللہ ﷺ
 ختم ہووے ہنیری رات روشن کر دیہو راہواں
 مرا چمکا دیہو جھیتی ستارا یا رسول اللہ ﷺ
 بھلا کیویں ستاون مشکلاں تے اوکڑاں مینوں
 میں ملیا آپ سوہنے دا دوارا یا رسول اللہ ﷺ
 میں چھالاں ماردا جنت دے دروازے چوں لنگھاں گا
 بس اک چھوٹا جہیا ہووے بلارا یا رسول اللہ ﷺ
 مچائی جیہوی مستی عشق دی دل وچ مدینے نے
 نہ ہوندا اوس دے بن ہن گزارا یا رسول اللہ ﷺ
 میں اختر ویکھدا اپنے پھیرے نور دے جلوے
 ذرا مینوں وی مل جائے سہارا یا رسول اللہ ﷺ
 اختر ہاشمی

.....☆☆.....

ﷺ

تسین محبوب رب دے او پیارے یا رسول اللہ ﷺ
اودھی مخلوق دے کلمے سہارے یا رسول اللہ ﷺ

ترے اچے مقامان دی گواہی دیوندے آقا
پڑھاں قرآن دے جد وی سہارے یا رسول اللہ ﷺ

انہاں اکھاں نوں دنیا دا کوئی منظر وی پوہندا نہیں
مدینے دے جہاں ویکھے عطارے یا رسول اللہ ﷺ

ازل توں ابد تک دنیا دے جنے وی کھارے نیں
ترے ای واسطے رب نے کھارے یا رسول اللہ ﷺ

بشارت دیوندے آئے ترے آون دی سمجھ ای
نبی جنے وی اللہ نے اتارے یا رسول اللہ ﷺ

ہمیرے غم دے جس ویلے نیں گھیرا پاوندے اس نوں
ترا ارشد تے تینوں ای پکارے یا رسول اللہ ﷺ
ارشد اقبال ارشد

ﷺ

کدی بن کے پراؤنا یا رسول اللہ ﷺ
مری کنیا وساؤنا یا رسول اللہ ﷺ

میں اوگتہار تے مسکین دے ولے
کرم دی جہات پاؤنا یا رسول اللہ ﷺ

نزع دے وقت جد تکلیف ہووے گی
تسیں درشن کراؤنا یا رسول اللہ ﷺ

شبیر و شبر دے صدقے مینوں آقا
ہرا گنبد دکھاؤنا یا رسول اللہ ﷺ

جے لیکھاں وچ کتے لکھیا مدینہ نہیں
مرے سفنے چ آؤنا یا رسول اللہ ﷺ

میں ہر پل نال کراں شاہد ایہ بنتی
مری بگڑی بناؤنا یا رسول اللہ ﷺ

ارشد شاہد

صلی اللہ علیہ وسلم

ترا ہی نام میں ہر دم چناراں یا رسول اللہ ﷺ
مقدر اس طرحاں اپنا سنواراں یا رسول اللہ ﷺ

معطر جسم اطہر دی میں خوشبو یاد کرنا واں
مرے ویڑے جدوں آون بہاراں یا رسول اللہ ﷺ

ہنگورے ملدے رہندے نیں مینوں مشکل کشائی دے
تیری میں آل نوں جد ویں پکاراں یا رسول اللہ ﷺ

کتے ”ڈھل“ نوں کتے ”بل“ نوں تیری درکار ہے نصرت
بڑے اتھرو وگائے نیں چناراں یا رسول اللہ ﷺ

تسین راہبر تسین مرشد تسین پیر شریعت او
کے نوں ہور میں کاہنوں پکاراں یا رسول اللہ ﷺ

میری ایہ آخری خواہش ہے آقا میں ترے درتے
بقایا زندگی اپنی گزاراں یا رسول اللہ ﷺ
حکیم ارشد شہزاد

ﷺ

ترے باجھوں نہیں کوئی سہارا یا رسول اللہ ﷺ
نہ کر دیناں مرا کدھرے وسارا یا رسول اللہ ﷺ

سبھے عرشاں دیاں راہواں سجاویاں آپ رب اکبر
کیڈا سوہنا توں اللہ دا دلارا یا رسول اللہ ﷺ

تری چاہت دے لئی سوہنا میں نت قرآن پڑھدا ہاں
ذکر تیرا جیہڑا دیکھاں سپارا یا رسول اللہ ﷺ

تری ساہواں دی خشبو توں فضاواں مہکیاں سبھے
جدھر دیکھاں ادھر تیرا نظارا یا رسول اللہ ﷺ

ترا کھرو گناہ دے بھار پٹھاں دبدا جاندا اے
توہناں محشر دے اندر دی ہیں چارا یا رسول اللہ ﷺ
محمد الحق کھل

.....☆☆.....

ﷺ

عطا نعتاں دا کر دیو خزینہ یا رسول اللہ ﷺ
 کہ نور و نور ہو جاوے ایہ سینہ یا رسول اللہ ﷺ
 ہے ایہو چاء مرے دل دا نہ منگاں ہور کچھ آقا
 سکھاؤ نعت آکھن دا قرینہ یا رسول اللہ ﷺ
 ایہ سمجھاں گا کہ ہو آیاواں میں خلد بریں وچوں
 جے ویکھاں آپ دا مکہ مدینہ یا رسول اللہ ﷺ
 تساں دی اک نظر نے عکرمہ دی زندگی بدلی
 بناؤ ایس کچ نوں وی نگینہ یا رسول اللہ ﷺ
 پھراں میں وانگ جھلیاں دے تہاڈے شہر وچ آکے
 ہے ایہو آرزو میری درینہ یا رسول اللہ ﷺ
 جدوں وی موتیے، زنگس دا کدھرے ذکر چھڑ دا اے
 تہاڈا یاد آ جاوے پسینہ یا رسول اللہ ﷺ
 جدوں آکے میں روضے پاک تے چماں گا جالی نوں
 اوہ کیمڑا سال ہووے گا مہینہ یا رسول اللہ ﷺ
 کرم دی جہات جے پاؤ، بھنور وچ کھاوند اڈولے
 مرا وی پار لگ جاوے سفینہ یا رسول اللہ ﷺ
 اسیر سولہوی



ﷺ

مدینے شہر دا رستا دکھا دے یار رسول اللہ ﷺ
لگے نیں روگ جو مینوں مٹا دے یار رسول اللہ ﷺ

خورے کھڑی جگہ جا کے اوہ گورھی نیند پئے مان
مرے تے نصیبیاں نوں جگا دے یار رسول اللہ ﷺ

مری آساں دی کھیتی وی تے سکدی جا رہی آقا
خدارا رحمتاں دا مینہ وسا دے یار رسول اللہ ﷺ

دنے راتی ترا اصغر دعاواں منکدا رہندا
کدی آکے ایہدا ویہڑا سجا دے یار رسول اللہ ﷺ

اصغر ڈار

ﷺ

کدی وچ خواب دے ہووے نظارا یا رسول اللہ ﷺ
 چمک جاوے مری قسمت دا تارا یا رسول اللہ ﷺ
 کسے نوں مان دنیا تے کسے نوں ہے عبادت تے
 تے مینوں صرف تیرا ہے سہارا یا رسول اللہ ﷺ
 گناہاں دی گھسن گھیری دے وچ گھیرے پئی کھاوے
 میری کشتی نوں مل جاوے کنارا یا رسول اللہ ﷺ
 حسین ابن علیؑ دا واسطہ مینوں بچا لینا
 جدوں ہووے گا عملاں دا نتارا یا رسول اللہ ﷺ
 ایہ عرش و کرسی و لوح و قلم تے لا مکاں سارے
 تری ہی ذات لئی سارا پیارا یا رسول اللہ ﷺ
 حشر اندر در احمد تے آ کے انبیاء سارے
 عرض کرن کرو امت دا چارا یا رسول اللہ ﷺ
 عرش توں فرش تک سارا زمانہ جان دا اصغر
 خدا تینوں خدا نوں توں پیارا یا رسول اللہ ﷺ
 صوفی اصغر علی اصغر



ﷺ

سنو جے میرے دکھڑے تے سناواں یا رسول اللہ ﷺ
 جے آکھو تے مدینے میں وی آواں یا رسول اللہ ﷺ
 میں اپنے شوق نوں ویکھاں کہ اپنے آپ نوں ویکھاں
 میں کیہڑے مان تے گھر وچ بلاواں یا رسول اللہ ﷺ
 بڑا چا اے زیارت دا بڑی حسرت اے ویکھن دی
 کدی آوو تے اکھاں تے بٹھاواں یا رسول اللہ ﷺ
 کدوں صورت وکھاوو گے کدوں حسرت مٹاوو گے
 کتے ویکھن توں پہلوں مر نہ جاواں یا رسول اللہ ﷺ
 تہاڈے ذکر وچ گزری اے ساری زندگی میری
 تہاڈے عشق وچ دنیا توں جاواں یا رسول اللہ ﷺ
 میں نظراں نیویاں کر کے پھراں میدان محشر وچ
 خدا دے سامنے کیہ مونہہ وکھاواں یا رسول اللہ ﷺ
 بناں دیدار نہیں دارو کوئی اعظم دے درواں دا
 میں کر کر ویکھیاں لکھاں دواواں یا رسول اللہ ﷺ
 اعظم چشتی



ﷺ

تساں دے بوہے تے جھکدی اے عظمت یا رسول اللہ ﷺ
تساں دے صدقے ای کھاندی اے خلقت یا رسول اللہ ﷺ
تساں داناں لیاں مٹ جائے کلفت یا رسول اللہ ﷺ
تے ٹل جاندی اے سرتوں ہر مصیبت یا رسول اللہ ﷺ
خدا دیندا اے سب نوں پر دوا دتا تھاڈے ہتھوں اے
جہانناں لئی تساں دی ذات رحمت یا رسول اللہ ﷺ
جیہدا جیوندا اے دل جیوندا اے تھاڈی نال الفت دے
حیاتی دا سبب اے تھاڈی نسبت یا رسول اللہ ﷺ
جو تھاڈا نہیں خدا دی سونہہ خدا دا کجھ نہیں لگدا
محبت رب دی اے تھاڈی محبت یا رسول اللہ ﷺ
تسانی یاد میری جان دی وی جان اے آقا
تساندا ذکر اے میری عبادت یا رسول اللہ ﷺ
تساں دے بعد بوہا رب نے ڈھو چھڈیا نبوت دا
ازل تک ہن تسانی اے شریعت یا رسول اللہ ﷺ
ایہ برہوں سڑدیاں اکھیاں ' مدینے پاک آٹھارے
جے اس کرماں سڑے نوں دیہو اجازت یا رسول اللہ ﷺ
خدا دے واسطے بخشو زیارت اپنے انور نوں
کرو عاجز کینے تے عنایت یا رسول اللہ ﷺ
پروفیسر افضل احمد انور

ﷺ

کدوں مکن گیاں خورے جدائیاں یا رسول اللہ ﷺ
 میں آساں حاضری لئی فیر لائیاں یا رسول اللہ ﷺ
 تساڈے کرم تھیں کئی وار ڈٹھا سبز گنبد نوں
 مری اکھیاں میں حالے وی تہائیاں یا رسول اللہ ﷺ
 تسیں او کرم فرماندے تے مڑوڑ آوتاں ور تے
 مری عمراں دیاں ایہو کمائیاں یا رسول اللہ ﷺ
 اکلیاں چھوڑ کے مینوں میں ٹر گئے قافلے والے
 میں اتھے رہ گیا دیندا ڈہائیاں یا رسول اللہ ﷺ
 اوہدے توں ودھ کے ہور کیکڑا مقدر والا ہووے گا
 مدینے جا کے جس نعتاں سنائیاں یا رسول اللہ ﷺ
 بڑے خوش بخت میں اوہ لوک اس واری وی جہاں نے
 مدینے جان لئی نکلاں کٹائیاں یا رسول اللہ ﷺ
 خورے اکوار فر مڑ کے بلاوا آ گیا زخمی
 مینوں بجن پئے دیندے ودھائیاں یا رسول اللہ ﷺ

اقبال زخمی

ﷺ

لگے مینوں تیرا ناں ای پیارا یا رسول اللہ ﷺ
ہے سب ناواں چوں ناں تیرا نیارا یا رسول اللہ ﷺ

خدا دے نور دی بارش سدا وسدی ترے در تے
کراں آکے میں وی اوہدا نظارا یا رسول اللہ ﷺ

ترے در تے روزانہ ای ہزاراں لوک آؤندے نیں
ترا ویکھاں کدی میں وی دوارا یا رسول اللہ ﷺ

خدا دی اس خدائی وجہ تساڈا نام کافی اے
بنے جیہڑا دکھی دل دا بہارا یا رسول اللہ ﷺ

دنے راتی ایہ نعتاں تیریاں لکھدا تے پڑھدا اے
ایہو ساجد دا ہر ویلے ہے کارا یا رسول اللہ ﷺ
اقبال ساجد



صلی اللہ علیہ وسلم

مرے سرتوں ایہ نل جاون بلاواں یا رسول اللہ ﷺ
 وسیلہ آپ دا جس دم میں چاہواں یا رسول اللہ ﷺ
 مری اکھیاں جج وں جاوے اوہ سدا نور دا گنبد
 مقدر وچ کرو میرے اوہ تھاواں یا رسول اللہ ﷺ
 جتھے عرشوں فرشتے وی سلامی آن دیندے نیں
 اوسے درتے ایہ دل اپنا جھکاواں یا رسول اللہ ﷺ
 تسلیں سایا او شفقت دا تسلیں رحمت جہاناں دی
 عطا ہون کرم پاروں رداواں یا رسول اللہ ﷺ
 ہنیرے چار پاسے توں پئے یلغار کردے نیں
 تہاڈے نور تھیں ایہناں نوں ڈھاواں یا رسول اللہ ﷺ
 مرے دل دی ایہ سدھر اے مرے دل دی تمنا اے
 سدا بردا تہاڈا ای سداواں یا رسول اللہ ﷺ
 طلب میری تے اپنی اے لمن مینوں وی ویکھن نوں
 مبارک پیاریاں اوہو فضاواں یا رسول اللہ ﷺ
 محمد اقبال جمی



ﷺ

مرا دل کردا میں روضے تے آواں یا رسول اللہ ﷺ
میری جو آرزو دل دی سناواں یا رسول اللہ ﷺ

تسیں دلدار رب دے او تسیں غنخوار سب دے او
تساں ہاتھوں کسے در تے نہ جاواں یا رسول اللہ ﷺ

جتنے راتاں نوں روندے رہے جتنے اجڑ چہرہ دے رہے
خدا دی سونہرہ مقدس نین اوہ تھاواں یا رسول اللہ ﷺ

تساں دی ذات دے صدقے بنے کون و مکاں آقا
تساں دا نام چم اکھیاں تے لاواں یا رسول اللہ ﷺ

نے ملکاں خدا خود وی دروہ پاک اے پڑھدا
تائیں نعتاں صبح شامی سناواں یا رسول اللہ ﷺ

کرو نظر کرم دانش دے سارے روگ مک جاوان
میں رو رو کے پیا منگاں دعاواں یا رسول اللہ ﷺ
محمد اکرم دانش

ﷺ

تسیں آئے تے کھڑ پیاں بہاراں یا رسول اللہ ﷺ
 دلاں دا چین پایا بے قراراں یا رسول اللہ ﷺ
 جہاں وچ بیٹھ کے آقا تاں امت دا غم کھادا
 زیارت گاہ بن گیاں اوہ غاراں یا رسول اللہ ﷺ
 تسیں یلین تے طہ منزل تے مدثر ہو
 میں کیمڑا کیمڑا ناں لے کے پکاراں یا رسول اللہ ﷺ
 مرے دل نے خبر دتی اے اج سرکار آؤنا ایں
 میں کیوں اپنی کلی نوں سنواراں یا رسول اللہ ﷺ
 ایہ خوش بختی مرے حصے چ آدے جے میں وی اکدن
 مدینے جا کے اپنی جان داراں یا رسول اللہ ﷺ
 تسیں ہو حاضر و ناظر مرے ول وی نگہ کرنا
 مصیبت وچ جدوں وی میں پکاراں یا رسول اللہ ﷺ
 سدا جتھے خدا دی رحمتاں نوں پیار آؤندا اے
 مبارک بن گیاں اوہ رہگواراں یا رسول اللہ ﷺ
 رضا دکھاں دے صحرا وچ کدے دا پیا ترفدا اے
 خدا دا واسطہ موڑو مہاراں یا رسول اللہ ﷺ

محمد اکرم رضا

صلی اللہ علیہ وسلم

مرے وگڑے نصییاں نوں بناؤ یا رسول اللہ ﷺ
کدی مینوں وی روئے تے بلاؤ یا رسول اللہ ﷺ

اوہ ہووے کج توں ہیرا سمندر بوند توں ہووے
تسیں مینہ اپنی رحمت دا جے پاؤ یا رسول اللہ ﷺ

کوئیں نہ اک دے بوئے نوں پھل لگن چنبیلی دے
پتا سے نم نوں لگن جے چاہو یا رسول اللہ ﷺ

حشر دے دن جدوں مینوں گناہواں گھیریا آقا
دہائی دیوندا آساں بچاؤ یا رسول اللہ ﷺ

کروڑاں خلق دی چتی اے لکھاں نے طہورا دی
مرا ساغر اچے خالی پلاؤ یا رسول اللہ ﷺ
اکرم ساغر



ﷺ

ہے چلی آپ دے گھر چوں حلیمی یا رسول اللہ ﷺ
تھاڑی گلاں دی خشبو اے وحشی یا رسول اللہ ﷺ

تسیں کوہ طوروں اگے عرشاں تے جا کیتیاں گلاں
تساں تے ناز کر دی اے کلیسی یا رسول اللہ ﷺ

جو چھائے رحماں بن بن کے باطل دے ویرانے تے
تساں نے بھن وگائے بت قدیمی یا رسول اللہ ﷺ

یتیمیاں نوں تساں وٹھی محبت کہ یتیمیاں نوں
کدے محسوس نہ ہوئی یتیمی یا رسول اللہ ﷺ

میں اکرم مندا ہاں گندا ہاں عاصی ہاں میں پاپی ہاں
کریمی یا رسول اللہ ﷺ رحیمی یا رسول اللہ ﷺ

اکرم سعید

صلی اللہ علیہ وسلم

گنہگاراں نوں ہے تیرا سہارا یا رسول اللہ ﷺ
 ترے باجھوں نہیں ہونا گزارا یا رسول اللہ ﷺ
 ترے باجھوں کھڑا وٹو دا خزانے میرے مولیٰ دے
 فقیراں نے ترا ملیا دوارا یا رسول اللہ ﷺ
 نہ جن سورج فلک ہوندے نہ ایہ جن و ملک ہوندے
 تری خاطر ایہ ہے سارا پھارا یا رسول اللہ ﷺ
 ایہ تن من آپ دی خاطر اے دل وی آپ دا شیدا
 تباہی دید سب مرضاں دا چارا یا رسول اللہ ﷺ
 ہزاراں عیب وچ میرے تے لکھاں شان وچ تیرے
 نہیں تینوں گنہگاراں دا بھارا یا رسول اللہ ﷺ
 مرے طاہر دے لچ پالا توں ای امت دا رکھوالا
 مری کشتی نوں مل جاوے کنارا یا رسول اللہ ﷺ
 نظارا تیرے روضے دا شفاعت ہے جیلانی دی
 بناں ڈٹھیاں نہ مر جاوے وچارا یا رسول اللہ ﷺ
 سید محمد اکرم شاہ جیلانی



صلی اللہ علیہ وسلم

بلاو مینوں دی اپنے دوارے یا رسول اللہ ﷺ
 میں ویکھاں پاک روضے دے نظارے یا رسول اللہ ﷺ
 ایہ دل وچ تاہنگ اے میرے مدینہ شہر ویکھاں میں
 میرے دل ہون رحمت دے اشارے یا رسول اللہ ﷺ
 میں چماں نال اکھیاں دے سنہری جالیاں جا کے
 بناں تیرے کبھوا قسمت سنوارے یا رسول اللہ ﷺ
 میں دیوانہ تیرے در دا میں آقا تیرا شیدائی
 مری دھڑکن تیرا ای ناں پکارے یا رسول اللہ ﷺ
 جے کھاوَن لئی ملن مینوں تیرے دربار دے کھڑے
 مرے ہودن بڑے چنگے گزارے یا رسول اللہ ﷺ
 میرے آقا تیرے باجھوں میرا کوئی نہیں دردی
 میں جیواں بن تیرے کس دے سہارے یا رسول اللہ ﷺ
 میرے لچمال آقا تیریاں قدماں دی دھوڑ اتوں
 قلندری لکھ واری جان وارے یا رسول اللہ ﷺ

محمد اکرم قلندری

ﷺ

منور نور تیرے توں زمانہ یار رسول اللہ ﷺ
 ترا دربار رحمت دا خزانہ یار رسول اللہ ﷺ
 ہے کعبہ ودھ خدائی توں تے ودھ کعبے توں عرش اعظم
 ترا عرشاں توں افضل آستانہ یار رسول اللہ ﷺ
 رہے کردے تے کردے پئے تے کردے حشر تائیں راہسن
 تری چوکھٹ تے سجدہ عاشقانہ یار رسول اللہ ﷺ
 گدائی آپ دے در دی ہے افضل بادشاہی توں
 ترے نعلین ہی تاج شہانہ یار رسول اللہ ﷺ
 خدا دے پیش ہوون لئی سند روزے نمازاں نہیں
 ترا ہی نام بخشش دا بہانہ یار رسول اللہ ﷺ
 ایویں حاضر تے ناظر دے پے جگ وچ شور مچدے ہن
 ترے باجھوں تے ہے دل دی ویرانہ یار رسول اللہ ﷺ
 سوالی آپ دے در دے سکندر بن و نجن اج وی
 بڑا لچال ہے تیرا گھرانہ یار رسول اللہ ﷺ
 ترے اسم مبارک دا لباب تے ورد جاری رہے
 ہووے دنیا توں راہی جد روانہ یار رسول اللہ ﷺ
 اللہ دتا راہی



ﷺ

دنے راتیں میں تیرے گیت گادوں یا رسول اللہ ﷺ
میں چم چم ناں ترا اکھیاں نوں لاواں یا رسول اللہ ﷺ

جو اک اک وصف دتا سی خدا نے دوجے نبیاں نوں
ترے دج وصف اوہ سارے میں پاواں یا رسول اللہ ﷺ

جہاں توں ہو کے توں عرشاں تے جا کے سیر کیتی سی
اوہ تارے بن کے لشکن اچ وی راہواں یا رسول اللہ ﷺ

مڑے سورج تے چن ٹٹ جاوندا تیرے اشارے تے
خدا نوں تیریاں بھاؤں اداواں یا رسول اللہ ﷺ

جے توں چاہویں تے رب قبلے دارخ وی موڑ دیندا اے
اوہ من لئے توں کریں جس دم دعاواں یا رسول اللہ ﷺ

گیا بس طور تے موسیٰ تے اوہ وی تنکیاں پھیریں
توں عرشاں تے گیا پا کے کھڑاواں یا رسول اللہ ﷺ
محمد الیاس جسٹس

ﷺ

دکھاؤ مینوں وی سوہنا مدینہ یا رسول اللہ ﷺ
کرو روشن کدی میرا وی سینہ یا رسول اللہ ﷺ

مدینے دی جدائی وچ اے دل دن رات روند اے
کدوں آوے گا اوہ دن تے مہینہ یا رسول اللہ ﷺ

ترے در تے گیا جیہڑا کدے خالی نہیں آیا
مری قسمت دا لشکاؤ ہنگیشہ یا رسول اللہ ﷺ

میں کد تک ظلمتاں وچ ٹھوکراں کھاواں مرے آقا
کدے مینوں وی بخشو چشم پینا یا رسول اللہ ﷺ

تلاطم کفر دے آقا بہت مونہہ زور ہوئے نیں
بچاؤ آن کے میرا سفینہ یا رسول اللہ ﷺ

ہنر جے نعت آکھن دا امین انجم نوں آ جاوے
مناوے نعتاں پڑھ پڑھ کے شبنہ یا رسول اللہ ﷺ
محمد امین انجم

ﷺ

ڈراون رات دن مینوں خطاواں یا رسول اللہ ﷺ
 کرم دی کر دیہو میں تے نگاہواں یا رسول اللہ ﷺ
 کسے وی ہوو جنت دی بھلا فر لوڑ کیہ مینوں
 تسیں جے دے دیہو در تے پناہواں یا رسول اللہ ﷺ
 مدینے آن دا مینوں شرف بخشو مرے آقا
 میں گجرے نعت دے کنھ کے لیاواں یا رسول اللہ ﷺ
 جدوں بولو تاں لگدا اے خدا اے بولدا آقا
 تبسم آپ دا ٹالے بلاواں یا رسول اللہ ﷺ
 مری عیاں بھری جندڑی تے پاؤ جہات رحمت دی
 تے روزِ حشر وی ہسدا میں جاواں یا رسول اللہ ﷺ
 تہاڈا در جے مل جاوے تے کوئی غم نہیں رہندا
 ویلے ایس دے ہر غم بھلاواں یا رسول اللہ ﷺ
 ایہو اک التجا اے روزِ محشر عاصی بابر دی
 ثنا خاناں جج بولے میرا ناداں یا رسول اللہ ﷺ

امین بابر

ﷺ

میں ایسے آس تے ایہ دن گزارے یا رسول اللہ ﷺ
 مرے لیکھاں جچ ہوون گے نظارے یا رسول اللہ ﷺ
 تسیں او مرکز علم و ہنر او دین و دنیا دے
 تہاتھوں یچ نیں سبھے ادارے یا رسول اللہ ﷺ
 توں اوہناں دا ہیں خادم حشر دا تینوں ہے ڈر کاہدا
 ہر اک دیندا اے مینوں ایہو بارے یا رسول اللہ ﷺ
 تساں دے اک اشارے نالہ سورج پرت آؤندا اے
 تہاڈی ٹھوکراں وچ نیں ستارے یا رسول اللہ ﷺ
 گناہاں دی سفارش لئی تہاڈی آس کافی اے
 کراں کیہ ہو رایدوں ودھ کے چارے یا رسول اللہ ﷺ
 تہانوں اپنے ورگا جان دے نیں انھے عقلاں دے
 کیہ جانن آپ دی عظمت وچارے یا رسول اللہ ﷺ
 خیال اکھیاں تے دل نوں اوس ویلے ٹھنڈ پینی ایں
 میں جد ویکھاں گا خضرئی دے منارے یا رسول اللہ ﷺ

امین خیال

ﷺ

کیوں ہجراں دیاں رتاں گزاراں یا رسول اللہ ﷺ
 مرے نیناں دیاں وگن جھلاراں یا رسول اللہ ﷺ
 تساں دے باجھ نہیں ہر سو سے ویرانیاں والے
 تسیں آؤ تے آ جاوَن بہاراں یا رسول اللہ ﷺ
 کدوں طیبہ دے سفرّاں دا اذن ہوئی نماں نوں
 میں دم دم نال تڑپاں تے پکاراں یا رسول اللہ ﷺ
 مقدر نہیں مرے ایوب دے وانگوں مگر فر دی
 میں گھر اپنا سجاواں تے سنواراں یا رسول اللہ ﷺ
 ایہ کیہ اولاد تے دولت تے کیہ ایہ جندڑی میری
 تساں دی ذات توں ہر چیز داراں یا رسول اللہ ﷺ
 مری روح تے رہوے چھایا تساں دی یاد دا موسم
 تساں دے عشق تھیں دل نوں نکھاراں یا رسول اللہ ﷺ
 وچھنی کونج دے وانگوں رہوے کرلا وندا انور
 مدینے جاندیاں جس وقت ڈاراں یا رسول اللہ ﷺ

انوراداس

صلی اللہ علیہ وسلم

سہارا آپ دا ہر ویلے چاہواں یا رسول اللہ ﷺ
 مرے دل وی کدے پھیرو لگاواں یا رسول اللہ ﷺ
 ترے صدقے ملی سب نوں حیاتی عربیا ڈھولا
 تیرا احسان کیہ کیہ میں گناواں یا رسول اللہ ﷺ
 منو حاکم نئی نوں سب جدوں کوئی معاملہ ہووے
 خدا دا حکم اے سب نوں سناواں یا رسول اللہ ﷺ
 توں قاسم این توں قاسم این توں قاسم این توں قاسم اس
 میں وی صدقہ شہ کرمل دا پاواں یا رسول اللہ ﷺ
 ترے باجھوں کھڑا دردی حیاتی وچ ممانی وچ
 تری میں قبر دے وچ دید پاواں یا رسول اللہ ﷺ
 جتھے لائیاں تساں تکیاں کڑاں جگدے میں اس تھاں تے
 میں وی اکھاں دے نال دیکھاں اوہ تھاواں یا رسول اللہ ﷺ
 نہ مکدے پندہ دوری دے میرے لیکھاں چوں غمخوارا
 ہجر دے نت میں صدے اٹھاواں یا رسول اللہ ﷺ
 مرے دل دا دھو شیشہ کرم دی جہات اک پا کے
 تری تصویر فیر دل وچ بٹھاواں یا رسول اللہ ﷺ
 مرے بچھے عامیاں دی توں سدا کہتی اے لبھالی
 میں وی سب غم زمانے دے بھلاواں یا رسول اللہ ﷺ
 میں پاپی تے نکما ہاں ایہو میرا اے سرتاواں
 ترا در چھوڑ کے کتھے میں جاواں یا رسول اللہ ﷺ
 کدی غصہ نوں سد آقا سبز گنبد دی چھاں تھلے
 میں تینوں زخم دل والے دکھاواں یا رسول اللہ ﷺ
 الصرعتیل حیدری

ﷺ

مرا قبلہ تے کعبہ اے مدینہ یا رسول اللہ ﷺ
 تری چاہت عبادت دا قرینہ یا رسول اللہ ﷺ
 مرے لہجہ رکھ لینا بھرم میری محبت دا
 پس مردن بنے طیبہ دینہ یا رسول اللہ ﷺ
 مینوں کیہ لوڑ تھیں دی تے تاج بادشاہی دی
 تری الفت دا کافی اے خزینہ یا رسول اللہ ﷺ
 بہاراں پھل تے کلیاں تیری مسکان دا صدقہ
 مشک عنبر تے نیں تیرا پسینہ یا رسول اللہ ﷺ
 تیری چاہت دا کعبہ اے میرے دل دی زمین اتے
 ترے ناواں دا پڑھنا ہاں شینہ یا رسول اللہ ﷺ
 کرم دے نال میرا وی گناہواں دے سمندر چوں
 کنارے لا دیوہو اللہ سفینہ یا رسول اللہ ﷺ
 بلا لو در تے انور نوں کتے نہ موت آ جاوے
 تساڑے در دا بردا ایہ دیرینہ یا رسول اللہ ﷺ

ایم انور بھٹی اختر آبادی

صلی اللہ علیہ وسلم

بناں تیرے میں کس در ہو جاواں یارسول اللہ ﷺ
 میں دکھڑے ہو۔ کس اگے سناواں یارسول اللہ ﷺ
 میں کیوں غیراں دے جاواں کاسنوں غیراں توں منگاں میں
 گدا تیرے ای در دا میں سداواں یارسول اللہ ﷺ
 ڈراؤنی رات جھکھڑ، مینہ ہنیری ڈولدی بیڑی
 نہ چپو کوئی مانجھی اے نہ ”لاواں“ یارسول اللہ ﷺ
 نہ کوئی در ترے باجھوں نہ کوئی تھاں نہ تھتھا اے
 مرا تھاں ای نہیں کوئی، نتھاواں یارسول اللہ ﷺ
 مکن دنیا دے غم سارے تے عقبی دا وی ڈر لھے
 نجف کربل مدینے جے میں جاواں یارسول اللہ ﷺ
 تمنا مال و دولت دی نہ شہرت دی غرض مینوں
 مدح خواں تیرے در دا میں سداواں یارسول اللہ ﷺ
 کسے نوں لمن ترانسی جتے کسے نوں دعوتاں دیندا
 کرے تیرے لئی خالق اداواں یارسول اللہ ﷺ
 جے اپنی شان برہانی دی مولا معرفت دے دو
 تے شاہاں نوں نہ خاطر وچ لیاواں یارسول اللہ ﷺ
 بناں شبیر دے غم دے نہ ہووے غم کوئی مینوں
 کرے انور دا ہر ساہ ایہ دعاواں یارسول اللہ ﷺ
 انور علی بھٹی

ﷺ

میں امتی آپ دا منگاں سہارا یا رسول اللہ ﷺ
 میں بیکس ہاں نکما تے نکارا یا رسول اللہ ﷺ
 میں جگ دی طلب اندر گوڈے گوڈے کھب گیا آقا
 میں سن دا نہیں مؤذن دا پکارا یا رسول اللہ ﷺ
 میری سستی میری کاہلی نے بیڑا غرق کیتا اے
 کوں ہوی قبر وچ جا گزارا یا رسول اللہ ﷺ
 تساں دے کرم دی جے تھوڑ رہی تے لٹ جاواں گا
 میری کشتی نوں ملنا نہیں کنارا یا رسول اللہ ﷺ
 تسیں نہیں موڑ دے خالی کدی در آئے منگتے نوں
 میں وی ہاں فیض دا طالب وچارا یا رسول اللہ ﷺ
 تساں دی منکدا شفقت شفاعت دا وی طالب ہاں
 نہ ہووے بریاں وچ ایہدا شمارا یا رسول اللہ ﷺ
 تساں دی نعت میں لکھاں تساں دے گیت میں گاواں
 ہووے مقبول نذرانہ خدارا یا رسول اللہ ﷺ
 کدے آزاد نوں وی بارگاہ وچ حاضری بخشو
 کراں دربار اقدس دا نظارا یا رسول اللہ ﷺ
 ایم اے آزاد کھوکر

صلی اللہ علیہ وسلم

میںوں رہندی اے سک تیری گھنیری یا رسول اللہ ﷺ
ہجر تیرے نے جند میری اے گھیری یا رسول اللہ ﷺ

بیشک عملوں وی خالی آں تے کچھ وی نہیں مرے ملے
مرے عیبوں تیری رحمت ودھیری یا رسول اللہ ﷺ

کروڑاں فیض پاؤندے نیں ترے دربار عالی توں
تری دستار تاجاں توں اچیری یا رسول اللہ ﷺ

عرش والے فرش والے سمجھے تیرے سلامی نیں
اچیری شان نبیاں توں ہے تیری یا رسول اللہ ﷺ

ذکر تیرا بلند کیتا ہے ایہ فرمان اللہ وا
خدا نوں وی تیری الفت چنگیری یا رسول اللہ ﷺ

جہاں پتھراں نوں تکیا اے تاں الماس بن گئے نیں
نظر کافی مری زندگی نوں تیری یا رسول اللہ ﷺ
بشیر الماس بائی

ﷺ

مری ایہ آس مدتوں دی بچاؤ یا رسول اللہ ﷺ
رکھی اے سانجھ مدتوں دی بلاؤ یا رسول اللہ ﷺ

بڑے گزرے نیں میرے دن مہینے سال اوکھے ایہ
مرے دن آخری دسدے بلاؤ یا رسول اللہ ﷺ

ہے چڑھا دن اڈیکاں وچ تے آخر شام پے جاندی
ایہ لائبو ہجر دی آگ دا بجھاؤ یا رسول اللہ ﷺ

میں سدھراں دل دے وچ رکھ کے پیا ویلا ٹپانا واں
کے منزل تے مینوں وی پہنچاؤ یا رسول اللہ ﷺ

تھاڑے در تے سائل آ کدی خالی نہ جاندے نیں
تے صدقہ دے کے بھکھے نوں رجاؤ یا رسول اللہ ﷺ

بڑی کاوش چ لنگھے نیں مرے دن سال اے کاوش
شمس ہن کامیابی دا چڑھاؤ یا رسول اللہ ﷺ
حکیم پیر محمد کاوش

ﷺ

دکھاں درداں دا مارا ہاں کرم کر یا رسول اللہ ﷺ
 رو رو کردا گزارا ہاں کرم کر یا رسول اللہ ﷺ
 گداگر بن محبت دا حیڈے در دے پنہاں کھڑے
 حیڈا منگتا بھکارا ہاں کرم کر یا رسول اللہ ﷺ
 گناہواں دی ہے سر گھڑی بھری جھولی خطاواں توں
 تینوں وت دی گوارا ہاں کرم کر یا رسول اللہ ﷺ
 بھنی کشتی ہے عملاں دی پھسی بھنوراں طوفاناں وچ
 حیڈا منگدا سہارا ہاں کرم کر یا رسول اللہ ﷺ
 جڈاں ڈہدا اڈائیں دھکڑے تے دھوڑے ہن غریباں لئی
 سارے جگ توں نکارا ہاں کرم کر یا رسول اللہ ﷺ
 چمباں روضے دی جالی نوں ڈیواں جھاڑو میں پلکاں دے
 ڈہدا سفے نظارا ہاں کرم کر یا رسول اللہ ﷺ
 حیڈا ملنا آ خواہاں وچ مینوں محسوس ہویا اے
 تینوں کتنا میں پیارا ہاں کرم کر یا رسول اللہ ﷺ
 حیڈا پرویز رو رو کے خطاواں توں منگے معافی
 ملی بیٹھا دوارا ہاں کرم کر یا رسول اللہ ﷺ
 پرویز جھمٹ

ﷺ

مری بھگی ہوئی سوچاں دی منزل یا رسول اللہ ﷺ
 مرے احساس دی کشتی دا ساحل یا رسول اللہ ﷺ
 اوہ کیویں چاکری کر لے کسے سلطان دے در دی
 تساں دے پاک در دا جیہڑا سائل یا رسول اللہ ﷺ
 ایہ تارے چن تے سورج کبھی راہی ترے در دے
 ہمیشہ توں ہر اک شے دی اے منزل یا رسول اللہ ﷺ
 تہاڈی ذات ای تخلیق عالم دا سبب ٹھہری
 توں جانِ جانِ میری روح تے دل یا رسول اللہ ﷺ
 میں اپنے آپ توں آقا لکا کے مونہہ پھردا ہاں
 ایہ وی ڈر دا نہ آکھاں خواب وچ مل، یا رسول اللہ ﷺ
 کثافت جس طرحاں کرناں دا رستا روک لیندی اے
 میں اپنی راہ وچ ہاں آپ حاکم یا رسول اللہ ﷺ
 تہاڈا نام لینا کس طرحاں تنویر چھڈ دیوے
 تہاڈا پیار رگ رگ وچ ہے شامل یا رسول اللہ ﷺ
 ڈاکٹر تنویر احمد ﴿گولڈ میڈلسٹ﴾

☆☆.....

صلی اللہ علیہ وسلم

تڑپے میں غماں دکھاں دے مارے یا رسول اللہ ﷺ
 تساڑے باجھ ہوندے نہیں گزارے یا رسول اللہ ﷺ
 کسوتے میں بڑے ہی لیکھ ساڑے وی سوارو چا
 تساں دنیا دے وگڑے کم سوارے یا رسول اللہ ﷺ
 تساڑی یاد دے لیکھے چا لائے میں ' خدا دی سونہہ
 اسیں آندے سی جیہڑے ساہ اڈھارے یا رسول اللہ ﷺ
 بناں شفقت تساڑی دے ' کوں لاپئے ' سراں اُتے
 غماں نے چاڑھ دتے میں جو بھارے یا رسول اللہ ﷺ
 بڑے مر مر کے ' محنت کر کے چھتے میں
 کوئی ظالم نہ ڈھا دیوے ایہ ڈھارے یا رسول اللہ ﷺ
 فلسطینی وی روندے میں تے افغانی وی روندے میں
 سنو پے پاندے میں ہاڑے ' وچارے یا رسول اللہ ﷺ
 ہے کس نوں تاب سننے دی کہ بت سکھے ای بولے میں
 بخاری آپ بن کس نوں پکارے یا رسول اللہ ﷺ

تنویر بخاری

ﷺ

کرم ہووے ترے درتے میں آواں یا رسول اللہ ﷺ
کراں دن رات بس ایہو دعاواں یا رسول اللہ ﷺ

میں اوگن ہار ہاں آقاؐ میں بد کردار ہاں آقاؐ
مینوں رحمت دیاں دینا پناہواں یا رسول اللہ ﷺ

مری بگڑی سنور جاوے مری دنیا بدل جاوے
ترے گنبد دیاں مل جان چھاواں یا رسول اللہ ﷺ

مری اوقات توں ودھ کے عطا ہویا کرم تیرا
ترا میلاد فیر کیوں نہ مناواں یا رسول اللہ ﷺ

مسلماناں دے حال زار تے للہ کرم کرنا
میں عاجز واسطہ ہتھ بنھ کے پاواں یا رسول اللہ ﷺ
جاوید اقبال



ﷺ

ایہ دل تیری نہ سہ سکدا جدائی یا رسول اللہ ﷺ
مری رو رو کے پئی جاندی بینائی یا رسول اللہ ﷺ

کدوں آؤسی مبارک دینہ جدوں مینوں بلاؤ گے
کدوں اس قید چوں ملسی رہائی یا رسول اللہ ﷺ

مری ساری جوانی جو کہ عیاں وچ گزر گئی اے
نہ کیتی نیک میں کوئی سکائی یا رسول اللہ ﷺ

انہاں ہتھاں تے پیراں نے گواہ میرے تے ہونا اے
مری کس پیش کرنی اے صفائی یا رسول اللہ ﷺ

مری آساں امیدیں دی دی بھر دیو کدی جھولی
چمک پئے ہن تے ہتھاں دی لکھائی یا رسول اللہ ﷺ
جاویداقبال خاں نیازی

.....☆☆.....

ﷺ

جیہڑی وی جیبھ تے ہے ذکر جاری یا رسول اللہ ﷺ
 لگے رب نوں وی ادھو ای پیاری یا رسول اللہ ﷺ
 پئے مہکن پھل دروداں۔ وے صلوتاں تے سلاماں دے
 کھڑی من دی رہوے کوئل کیاری یا رسول اللہ ﷺ
 مرا من لوچدا اے سینے دم دم تاہنگ رہندی اے
 مدینے لئی کراں میں دی تیاری یا رسول اللہ ﷺ
 مری روح وی اڈن دے لئی بڑا چوکھا مچدی اے
 ایہ پنچھی جد وی بھردے نیں اڈاری یا رسول اللہ ﷺ
 قلم نوں بخشو توفیقاں تہاڈی ای ثناء لکھے
 ثناء جو جگ نوں لگے ڈھیر پیاری یا رسول اللہ ﷺ
 جو نفرت تے کدورت دی بلی ڈھانڈی بجھاؤ پھر
 تہاڈی مہر نے نت اگ ٹھاری یا رسول اللہ ﷺ
 تسیں شفقت کریندے جے تے جاگاں لگدیاں نیں فر
 تے بختاں نوں مل جاوے بیداری یا رسول اللہ ﷺ

ہجر دے کٹھیاں نوں دیندے جے شربت وصالاں دا
 کرم دی بات ساری آوے واری یارسول اللہ ﷺ
 ایہ ڈر رہندا اے ساہواں دی کتے ڈوری نہ ٹٹ جاوے
 بخش دیہو استقامت ڈھیر ساری یارسول اللہ ﷺ
 ودھاؤ حوصلہ جیون دا ہمت ہار بیٹھی جے
 تہانوں چوکی اے امت پیاری یارسول اللہ ﷺ
 چوہیرے کافراں نے اج فر یلغار کیتی اے
 کوئی بھیجو عمر بوڈڑ غفاری یارسول اللہ ﷺ
 حسن نوں سرخرو مولا عمیں کرنا تسیں کرنا
 گناہواں دی ایہ پنڈھ ڈھیر بھاری یارسول اللہ ﷺ
 پروفیسر حسن ملک



ﷺ

مدینے شہر مینوں دی بلاؤ یا رسول اللہ ﷺ
 مرے نادیں دی چٹھی وی تے پاؤ یا رسول اللہ ﷺ
 مرے جتے دی وگن وچ ہمیرے ای ہمیرے نیں
 ایہ پردے ظلمات دے سبھ ہٹاؤ یا رسول اللہ ﷺ
 مرے بختاں دی سختی دے مقدر سور جاوَن گے
 تسیں جے پورنے رحمت دے پاؤ یا رسول اللہ ﷺ
 تساں جو درد کیتا اے عطا رومی تے جامی نوں
 مرے سینے چ درد ادھو جگاؤ یا رسول اللہ ﷺ
 مرے ہونٹھاں دے انبر توں درودی بارشاں وں
 مری نس نس چ ساہواں وچ سماؤ یا رسول اللہ ﷺ
 تسیں کونین دے وارث تسیں حاجت روا سب دے
 مری اس جھوک اُجڑی نوں وساؤ یا رسول اللہ ﷺ
 تساں دا نور سورج 'چن' ستارے 'کھکشاواں وچ
 میں ذرے نوں وی سورج اج بناؤ یا رسول اللہ ﷺ
 تھلاں داساڑ سوکا آ گئے جھکھرو چوہواں طرفوں
 خدارا میرے گلشن نوں بچاؤ یا رسول اللہ ﷺ
 تصور سبز گنبد دا حقیقت وچ بدل جاوے
 کرم اپنے حفیظ اتے کماؤ یا رسول اللہ ﷺ

ڈاکٹر حفیظ احمد

صلی اللہ علیہ وسلم

بنی اے جان تے بھاری مصیبت یا رسول اللہ ﷺ
لوو ساراں کہ وگڑی اے طبیعت یا رسول اللہ ﷺ

تھاڑے واسطے دے نال کرناں عرض رب اگے
کہ دیکھاں جھیتی میں صحت دی صورت یا رسول اللہ ﷺ

طریقہ صبر پچھوں شکر والا بھل دا جاندا اے
میں قائم رکھ سکاں کجھ تہاڑی سنت یا رسول اللہ ﷺ

ہے منزل ڈاہڑی اوکھی پیر نہ تھڑکے کتے میرا
ہمیشہ نال ہووے تہاڑی رحمت یا رسول اللہ ﷺ

معافی رب دے کولوں لے دیا جے اپنے نائب نوں
ہوئی یاں ہوئی اس کولوں جو غفلت یا رسول اللہ ﷺ

پروفیسر حفیظ نائب

ﷺ

مرے دل دی جے ہو جادوں نگاہوں یا رسول اللہ ﷺ
میں سترے لیکھ اپنے سب جگاواں یا رسول اللہ ﷺ

نہ رتے دی نہ دولت دی نہ جنت دی طلب مینوں
جے پاواں سبز گنبد دیاں چھاواں یا رسول اللہ ﷺ

میں تڑی نوں جے گل لاویں تاں جاگن بھاگ میرے دی
مراواں دل دیاں فر میں دی پاواں یا رسول اللہ ﷺ

وٹا کے بھیس جوگی دا براگن گل چچ پا ائی
ترے ہی نام دی مانگت سداواں یا رسول اللہ ﷺ

فصیباں وچ جے ہووے روز چھاں جالی روئے دی
میں چم چم خاک اکھیاں نال لاواں یا رسول اللہ ﷺ

کدے سفری دیوانے تے نگاہ کرم ہو جاوے
عمر ساری رہوے لکھدا ثناواں یا رسول اللہ ﷺ

حمید سفری

صلی اللہ علیہ وسلم

جو تیرے عشق دے پنجرے تڑپے یارسول اللہ ﷺ
 نہ دنیا تے کسے کولوں چھڑپے یارسول اللہ ﷺ
 اوہ بخشے جان گے سارے تساں دے اک اشارے تے
 حشر دے روز جو عاصی پھڑپے یارسول اللہ ﷺ
 زمانے دی اوہ ہر نعمت تھیں مالا مال ہوندے نیں
 تساں دے عشق وچ جیہڑے لٹپچے یارسول اللہ ﷺ
 انہاں نے پا لیا اے رازِ مر کے امر ہوون دا
 جو تیرے عشق دے اندر کھڑپے یارسول اللہ ﷺ
 مٹے جو عشق وچ تیرے رہے قائم اوہ دنیا تے
 انہاں دے نام جگ توں نہ مٹپچے یارسول اللہ ﷺ
 میں اس دنیا دی ہٹی وچ کیتی وکری گناہواں دی
 نہ دو سکے دی عملاں دے وٹپچے یارسول اللہ ﷺ
 بڑے اوہ بھاگاں والے نیں جو اس واری وی جاوون گے
 جہاں دے نکٹ طیبہ دے کٹپچے یارسول اللہ ﷺ
 دھاڑے حشر دے اپنے نظامی نوں دا بھرم رکھنا
 ایہدے عملاں دے جد کھاتے پٹپچے یارسول اللہ ﷺ

عبدالحمید نظامی

ﷺ

التجا میری ہوگئی بڑی دیری جھولی خیر پاؤ یا رسول اللہ ﷺ
 گم سم دماغ تے دل ہو یا کاری ضرب لاؤ یا رسول اللہ ﷺ
 بنے دل سمندر دریا دردی پردے سب چاؤ یا رسول اللہ ﷺ
 تن من چائن جائے بن حنفی یا بلاؤ یا آؤ یا رسول اللہ ﷺ

محمد حنیف حنفی

ایہ چومصرعہ لکھ کے میں اقبال زخمی ہو راں نوں لکھاری دے
 نعت نمبر ۵ ”یا رسول اللہ“ نمبر لئی کھل دتا۔ حالے ایہ نمبر چھپیا
 دی نہیں سی جے سرکار ﷺ نے مدینہ پاک بلا لیا تے میں عمرا
 کر کے آ گیا

(حنیف حنفی)

صلی اللہ علیہ وسلم

بلاؤ تے میں در تیرے تے آواں یارسول اللہ ﷺ
ترے در دے میں ککڑے فیر کھاواں یارسول اللہ ﷺ

تساڈے جہاں تھاواں تے قدم سرکار لگے سن
میں ویکھاں گا اوہ تھاواں نال چاواں یارسول اللہ ﷺ

اوہ جیہڑی غار دے اندر سی، ڈنگ صدیق نے کھاوے
وکھا دیوو میٹوں وی تے اوہ تھاواں یارسول اللہ ﷺ

ترے در تے مرے آقا میں دی ہن آونا چاہواں
میں روضے سامنے نعتاں سناواں یارسول اللہ ﷺ

ترے در مہر علیؑ آیا کدے غوثِ جلیؑ آیا
مقدر وچ مرے ہون اوہ تھاواں یارسول اللہ ﷺ

کرو صابر دی پوری آرزو آقا ، کرو پوری
دنے راتیں ایہ دیندا اے صداواں یارسول اللہ ﷺ

محمد حنیف صابر

ﷺ

تیرے صدقے ترے جاواں میں داری یا رسول اللہ ﷺ
 میں بیکس ہاں تیرے در دا بھکاری یا رسول اللہ ﷺ
 مریاں ایہو دعاواں نہیں تے ایہو التجاواں نہیں
 عمر گزرے ذکر تیرے چ ساری یا رسول اللہ ﷺ
 حلیمہ گود وچ لے کے پئی سوہنے نوں کہندی سی
 میں داری یا رسول اللہ ﷺ میں داری یا رسول اللہ ﷺ
 اوہ راہواں بن گئیاں جنت اوہ تھاواں لگ پیاں مہکن
 تری جتھوں وی گزری اے سواری یا رسول اللہ ﷺ
 ادب دینال جگا کے تے کرے جبریل پیا عرضاں
 کرو عرشاں ولے جلدی تیاری یا رسول اللہ ﷺ
 نظارے سبز گنبد دے نصیماں وچ جے ہو جاوَن
 میں دیواں نال پلکاں دے بہاری یا رسول اللہ ﷺ
 ہجر اند پیا تڑنے نمانا قادری آقا
 ہری کرنا امیدیاں دی کیاری یا رسول اللہ ﷺ

حنیف قادری

ﷺ

غماں فکراں دی نہیری فیر جھلی یا رسول اللہ ﷺ
 بچا لینا مری آساں دی کلی یا رسول اللہ ﷺ
 مری جند پھس کے دنیا دے بکھیریں آکھدی پئی اے
 میں بھلی یا رسول اللہ ﷺ میں بھلی یا رسول اللہ ﷺ
 سنوارو آپ ایہناں نوں نکھارو آپ ایہناں نوں
 نہ لگ جاوے مرے بختاں نوں الی یا رسول اللہ ﷺ
 سائی وائسا سارے جہان وچ خیر و برکت دی
 تری وائیل دی جد زلف کھلی یا رسول اللہ ﷺ
 مدینے پاک دے صدقے مری قسمت دیوچ کرنا
 مدینے دی ہوا پانی تے گلی یا رسول اللہ ﷺ
 کرم فرماونا تے دید دی خیرات دے جانا
 جدوں سرہیوں مری اکھیاں چ بھلی یا رسول اللہ ﷺ
 قیامت تیک دی نیندر جدوں سوویں ترا نازش
 بقیع دی خاک دی مل جائے جلی یا رسول اللہ ﷺ

محمد حنیف نازش

صلی اللہ علیہ وسلم

میں تیرا ہاں میں تیرا ہاں میں تیرا یا رسول اللہ ﷺ
مرے ولے کدی پاؤ ہاں پھیرا یا رسول اللہ ﷺ

ابو ایوب دے وانگوں مینوں دی ناز ہووے گا
مری کٹیا جج ہو جائے جے ڈیرا یا رسول اللہ ﷺ

ترے چانن دی مینوں تے بڑی ہی لوڑ رہندی اے
تسیں بخشو تے مک جاندا ہمیرا یا رسول اللہ ﷺ

نہ ملیا اے مینوں آقا تیرے جیسا زمانے تے
چویں کوٹیں میں پھر ڈٹھا پھیرا یا رسول اللہ ﷺ

میرے مرشد دی نسبت دا میرے اتے کرم ہویا
قلم کردا ثنا خوانی ہے میرا یا رسول اللہ ﷺ

تری رحمت دا اک قطرہ جے مل جاوے کمینے نوں
تاں پھر خاکی دا ہر پاسا چنگیرا یا رسول اللہ ﷺ
خالد جاوید خاکی

ﷺ

کرو ہن دور دکھاں دے ہنیرے یا رسول اللہ ﷺ
 تے دیکھاں میں وی خشاں دے سویرے یا رسول اللہ ﷺ
 تیری فرقت جدائیاں وچ میں اپنا حال کیہ دساں
 گلے رو رو کے اکھیاں دے ہنیرے یا رسول اللہ ﷺ
 بنا کے پیر پلکاں دے میں اوتھوں دی گذر جاواں
 جہاں تھاواں میں چھے پیر تیرے یا رسول اللہ ﷺ
 مقدر والڑے نہیں اوہ تے بختاں دے سکندر نہیں
 جہاں لائے نہیں تہاڑے کول ڈیرے یا رسول اللہ ﷺ
 کھلو کے آپ دے پچھے نبی کہندے سی اقصیٰ وچ
 تسیں او سارے نبیاں توں اکیرے یا رسول اللہ ﷺ
 چمک دے نہیں ذوالے فلک دے بن کے ستارے اوہ
 جیہڑے اتھرو تاں غاراں وچ کیرے یا رسول اللہ ﷺ
 تہاڑے نور دی جاوے نہ جھلی تاب جن توں وی
 کرم کہتے تاں جن تے جھیرے یا رسول اللہ ﷺ

حاجی دلشاد جن



ﷺ

کرم اپنے تھیں بھر دے میری جھولی یا رسول اللہ ﷺ
ترے قدماں توں جند اپنی میں گھولی یا رسول اللہ ﷺ

ایہ سارے جگ دے اپنے پرانے توڑ کے رشتے
اج آئی تیرے در تے تیری گولی یا رسول اللہ ﷺ

نہ کوئی وی محبت و نڈا ڈٹھا ترے باجھوں
میں اک اک جوہ زمانے دی پھرولی یا رسول اللہ ﷺ

ترے مٹھوے تے پیارے بول موہ لیندے دلاں تائیں
ہے سبھناں تھیں نیاری تیری بولی یا رسول اللہ ﷺ

کرم دی اک نظر آقا مدینے دے مسافر تے
بھراں میں آکے پنڈ تیرے گھڑولی یا رسول اللہ ﷺ

نظر تیری دے صدقے بیڑی راجے دے مقدر دی
غماں دے بحر اندر دی نہ ڈولی یا رسول اللہ ﷺ
راجا رسالو

صلی اللہ علیہ وسلم

تہاڈے درتے چھاں رحمت دی سسنگھنی یا رسول اللہ ﷺ
 گناہواں دی اے راہ وچ ریت تتی یا رسول اللہ
 تہاڈے ذکر وچ سدہ دی منزل رہ گئی پچھے
 جے میرے خیال نے ماری اڈاری یا رسول اللہ ﷺ
 تسیں ممدوح یوسف دے تہاڈا مدح خواں میں وی
 ہے میرے کول ایہ نعتان ای ائی یا رسول اللہ ﷺ
 کدے مونہہ دا سواد اپنائے کوڑا ہو نہیں سکدا
 تہاڈی نعت دی سچی اے مشری یا رسول اللہ ﷺ
 محبت دی نظر سی کیرہ سی قلب میرے دا!
 تہاڈے لطف دی تصویر کھچی یا رسول اللہ ﷺ
 حدیثاں وچ تے ڈلھکاں مار دا اے سچ دا ہیرا
 تہاڈی بات حکمت وچ پرچی یا رسول اللہ ﷺ
 راجا رشید محمود



ﷺ

کرم ہووے مدینے میں وی آواں یا رسول اللہ ﷺ
 کراں میں رات دن ایہو دعاواں یا رسول اللہ ﷺ
 کدوں در تے بلاؤ گے کدوں کھڑا کھاؤ گے
 کتے ویکھن توں پہلوں مر نہ جاواں یا رسول اللہ ﷺ
 جہاں راہواں توں محبوب خدا آندے تے جانے سن
 اوہ خوشبو دیندیاں نیں اج وی راہواں یا رسول اللہ ﷺ
 بڑا دل کردا اے آواں کدی اک وار روضے تے
 میں چم روضے دی جالی سینے لاواں یا رسول اللہ ﷺ
 تسمیں محبوب رب دے او تسمیں مطلوب سب دے او
 تہاڈا چھوڑ کے در کس تے جاواں یا رسول اللہ ﷺ
 میرے دل دی تمنا اے بڑی حسرت اے ویکھن دی
 میرے گھر آؤ تے پلکاں وچھاواں یا رسول اللہ ﷺ
 شہ بغداد دا صدقہ مینوں وی ہن عطا ہووے
 میں خالی جھولی لے کے تے نہ جاواں یا رسول اللہ ﷺ
 تہاڈا ذکر کرنا اے فقط مقصد حیاتی دا
 کدی رحمت دیاں ہوون نگاہواں یا رسول اللہ ﷺ

حاجی رحمت علی رحمت

صلی اللہ علیہ وسلم

تساں دے روئے تے آواں بلالو یا رسول اللہ ﷺ
ترسدا ای نہ مر جاواں بلالو یا رسول اللہ ﷺ

تساں دے کرم دے باجھوں نہ گل کوئی دی بن دی اے
مرے پلے تے کجھ وی نہیں نہ گل کجھ میرے وس دی اے
کرو منظور ہن عرضاں بلالو یا رسول اللہ ﷺ
ترسدا ای نہ مر جاواں بلالو یا رسول اللہ ﷺ

خطا کار ہاں بڑا آقا تے ڈاہڑا ای گنہگار ہاں
تساں دی رحمتاں دا میں میرے آقا طلبگار ہاں
بھردے وج سدا ہنجو دگاواں یا رسول اللہ ﷺ
ڈاکٹر رشید احمد ارشد

.....☆☆.....

ﷺ

جیہڑے ہندے نیں سچے جاوندے تل یا رسول اللہ ﷺ
میں کھوٹا ہاں مرا کوڈی نہیں تل یا رسول اللہ ﷺ

جے اک واری کرو نظراں تے میں انمول ہو جاواں
کرو نظر کرم جاواں نہ میں تل یا رسول اللہ ﷺ

میں ہاں بے آسرا آقا ترے پینڈے بڑے اوکھے
لنگھاوے کون تده باجھوں مینوں تل یا رسول اللہ ﷺ

کرو حل مشکلاں سائیاں ترے دربار میں آئی آں
گناہواں والڑے ورقے نہ دینا تھل یا رسول اللہ ﷺ

ترسدیاں میریاں اکھاں ہجر دی اک پئی بلدی
مرے ہنجواں نوں وگنوں پا دیہو تھل یا رسول اللہ ﷺ

ایہ ملتان تے منگتا تے نالے آل دا چاکر
خطاواں معاف کر دیو ہوئی بھل یا رسول اللہ ﷺ

محمد رشید ملتان

صلی اللہ علیہ وسلم

میں اوگنہار تے عاصی وچارا یارسول اللہ ﷺ
بناں تیرے نہیں ہو سکدا گزارا یارسول اللہ ﷺ

اگر عاشق نوں کلی جے ملے آقا دی چوکھٹ تے
اوہ کیوں مگے گا جنت دا چوبارا یارسول اللہ ﷺ

بڑے نیں ہور لوکاں دے، سہارے ایس دنیا تے
تری رحمت اے بس میثرا سہارا یارسول اللہ ﷺ

میںوں وی جیوندیاں آقا بلاؤ اپنے روضے تے
کئی جاندے نیں دوبارا سہارا یارسول اللہ ﷺ

تری رحمت دی حد ناہیں کرم میرے تے ہو جاوے
میں ہاں بیکار سب نالوں نکارا یارسول اللہ ﷺ

مری ہو جائیگی بخشش مرا ایمان پکا اے
جے ہو جاوے رفاقت نوں نظارا یارسول اللہ ﷺ
رفاقت علی رفاقت سعیدی

ﷺ

تساں تے آکے مکی اے نبوت یا رسول اللہ ﷺ
 تساں ونڈی زمانے تے محبت یا رسول اللہ ﷺ
 اوہ تہاڈی ذات اے ونڈے گی جیہڑی حشر تک جان
 نبی دیندے رہے ایہو بشارت یا رسول اللہ ﷺ
 نرا اسلام نہیں من دا تہاڈی اج کرداری نوں
 قسم کھاندی اے دنیا دی شرافت یا رسول اللہ ﷺ
 تساں اگے ادب پاروں جھکائے سر درختاں نے
 تہاڈی پتھراں دتی شہادت یا رسول اللہ ﷺ
 فرق گورے تے کالے وچ مٹا دتا تساں آکے
 نیاں ہویا جدوں لگی عدالت یا رسول اللہ ﷺ
 لیا بوسہ بڑی واری انہاں متھے مبارک دا
 ملی غاراں دے پتھراں نوں سعادت یا رسول اللہ ﷺ
 خدا دی وحدانیت دا درس دتا تساں جگ نوں
 کسے دوجے دی مکی اے شراکت یا رسول اللہ ﷺ
 ہجر مہنڈیا مرا جشہ مرے دل نوں نہ چین آوے
 ملے مینوں حضوری دی اجازت یا رسول اللہ ﷺ
 کسے کولوں وی خوف اوہنوں نہیں ہو سکدا زمانے تے
 تسیں او رؤف دے سرتے سلامت یا رسول اللہ ﷺ
 رؤف شیخ

ﷺ

سجائے ہیں اکھاں تے ستارے یا رسول اللہ ﷺ
 ملن ایہناں نوں طیبہ دے نظارے یا رسول اللہ ﷺ
 پھسی اے ظلمتاں دے جھکھڑاں تے کھوبیاں اندر
 لگے امت دی ایہ بیڑی کنارے یا رسول اللہ ﷺ
 تہاڈے نام دے صدقے ملے تسکین دکھیاں نوں
 تسلیں بے کس دے ہو واحد بہارے یا رسول اللہ ﷺ
 جو رلدے پے نیں نا قدری دی دھرتی تے زمانے دی
 ملن اوہناں نوں عرشاں دے ہلارے یا رسول اللہ ﷺ
 جو عاشق دور بیٹھے تڑندے رہندے جدائی وچ
 بلاؤ اوہناں نوں اپنے دوارے یا رسول اللہ ﷺ
 دیہو خیرات اک نظر کرم دی منگتیاں نوں وی
 پکارن رات دن درداں دے مارے یا رسول اللہ ﷺ
 تہاڈی نعت دے اندر ایہدے سب رات دن گزرن
 ریاض ایہ جند تہاڈے ناں توں وارے یا رسول اللہ ﷺ
 ریاض احمد قادری

ﷺ

ترے در جہا نہیں کوئی دوارا یا رسول اللہ ﷺ
بناں دیدار دے ہن نہیں گزارا یا رسول اللہ ﷺ

نہ تاج و تخت دی خواہش 'دعاواں منگ دا رہناں
نظر آوے سبز گنبد پیارا یا رسول اللہ ﷺ

ترے دربار تے پڑھدے ملائک تیریاں نعمتاں
تری تعریف کردا ہر سپارا یا رسول اللہ ﷺ

دیاں پلکاں دے سنگ جھاڑو تری گلیاں دے وچ آقا
مدینے مینوں وی سد لو خدا را یا رسول اللہ ﷺ

نہ پائی پیسہ پلے وے ترا توقیر بے بس اے
کراں کیویں میں روضے دا نظارا یا رسول اللہ ﷺ
ریاض توقیر



ﷺ

توں محسن دو جہاناں دا تے والی یا رسول اللہ ﷺ
 زمانہ اے ترے در دا سوا لی یا رسول اللہ ﷺ
 الم نشرح ترا سینہ تے وت وائل زلفاں ہن
 ترا رتبہ اے سب نبیاں توں عالی یا رسول اللہ ﷺ
 مٹایا آ جہالت نوں تری رحمت نورانی نے
 توں آ توحید دی شمع چا بالی یا رسول اللہ ﷺ
 ترے پاروں زمیں بن، گئی زماں بنیا مکاں بنیا
 خدا گلشن دا وارث ہے توں مالی یا رسول اللہ ﷺ
 سبق دنیا نوں آ دتا شرافت دا صداقت دا
 تری ہر اک ادا ہے پئی نرالی یا رسول اللہ ﷺ
 نبی سوہنا، ترا ایہ امتی دیدار دا طالب
 مری آساں بھری جھولی کیوں خالی یا رسول اللہ ﷺ
 کدی اپنے مدینہ وچ بلا سوہنا بلا سوہنا
 ارم چمسی ترے روضے دی جالی یا رسول اللہ ﷺ
 ریاض حسین ارم



ﷺ

میں اک واری مدینے پہنچ جاواں یا رسول اللہ ﷺ
بنے شک فیر مک جاوَن ایہ ساہواں یا رسول اللہ ﷺ

تیرے قدماں دی آقا دھوڑ جے کر مینوں مل جاوے
میں اکھیاں واسطے سرمہ بناواں یا رسول اللہ ﷺ

میرے ورگا زمانے تے نہ کوئی دوسرا ہووے
جے مل جاوَن تیرے قدماں ج تھاواں یا رسول اللہ ﷺ

میرا ایمان ہے کامل تسیں محفل وچ آؤندے او
میں تاہیوں نعت دی محفل سجاواں یا رسول اللہ ﷺ

ترے آقا غلاماں دے غلاماں دے غلاماں وچ
کدے آ جاوے میرا وی تے ناواں یا رسول اللہ ﷺ

بہت ہی پیاریاں تے سوہنیاں نعتاں لکھے زاہد
بلاؤ روضے تے آکے سناواں یا رسول اللہ ﷺ
زاہد صدیقی

ﷺ

تھاڑی شان کل نبیاں توں عالی یارسول اللہ ﷺ
مرا ایمان ہے دو جگ دے والی یارسول اللہ ﷺ

مراداں پوریاں سکھے ای اوہدے دل دیاں ہوئیاں
جھڑا وی بن کے آیا اے سواہی یارسول اللہ ﷺ

ہمیرے کفر دے دنیا دے اندر چھائے ہوئے سن
تساں توحید دی شمع اپنے بانی یارسول اللہ ﷺ

مرے دل دی تمنا اے بڑے چر دی مرے مولا
کدوں پچھاں گا روضے دی میں جالی یارسول اللہ ﷺ

جسے جو منگیا اے سر جھکا کے مل گیا اوہنوں
گیا کوئی نہ تھاڑے در توں خالی یارسول اللہ ﷺ

میں تھاڑے نام توں قربان سو سو واری ہو جاواں
دیہو ساغر نوں وی جذبہ بلالی یارسول اللہ ﷺ
ساغر بت

ﷺ

تھاڑے در تے جس گردن جھکائی یا رسول اللہ ﷺ
 ملی اوہنوں زمانے وچ بڑائی یا رسول اللہ ﷺ
 کدی ٹریا نہیں جو آپ دے سمجھائے رستے تے
 اس اپنی زندگی ایویں گوائی یا رسول اللہ ﷺ
 تساں پاکیزگی دے نال عمر ایسی گزاری اے
 کسے اج تک نہیں انگل اٹھائی یا رسول اللہ ﷺ
 گواہی دے رہے نیں اج وی تاریخ دے ورے
 تساں ای راہ تے مخلوق لائی یا رسول اللہ ﷺ
 قیامت نوں وی ہونی ختم ناہیں اوس دی رونق
 تساں خلقاں دی جو محفل سجائی یا رسول اللہ ﷺ
 پئی دسدی اے صاف انبر تے سانوں دھوڑ نورانی
 تساں سب توں اجیری شان پائی یا رسول اللہ ﷺ
 کدی خالی رہے ساقی دا پلا ہو نہیں سکا
 تھاڑی نعت اے ایہدی کمائی یا رسول اللہ ﷺ

ساقی کجراتی

.....☆☆.....

صلی اللہ علیہ وسلم

بھراں گھبرا کے غم توں جدوی ہاواں یا رسول اللہ ﷺ
 تری رحمت دیاں برسن گھٹاواں یا رسول اللہ ﷺ
 ترے گلزار دی خوشبو وسا کے اپنے ساہواں وچ
 میں اپنے دل نوں گلہستہ بناواں یا رسول اللہ ﷺ
 دنے راتیں جدائی دے پئے نہیں ساڑدے لبو
 کوں سینے دی میں آتش بجھاواں یا رسول اللہ ﷺ
 نہ مینوں تخت دی خواہش نہ مینوں تاج دی حسرت
 دو عالم وچ ترا بردہ سداواں یا رسول اللہ ﷺ
 تری رحمت دے رکھ تھلے ملے تھاں غم دی ماری نوں
 ظن تیزی دیاں سمجھ بلاواں یا رسول اللہ ﷺ
 خدا مینوں جے پچھے دس توں دنیا تے کمایا کیہ
 میں تیری نعت اس ویلے سداواں یا رسول اللہ ﷺ
 کریں کملی دا سایا حشر وچ سجاد مرزا تے
 کرے سجاد مرزا التجاواں یا رسول اللہ ﷺ

سجاد مرزا

ﷺ

مری برباد مگر می نوں وساؤ یا رسول اللہ ﷺ
 کنارے تے مری کشتی وی لاؤ یا رسول اللہ ﷺ
 کھاں نے کھا لیا دل نوں جی غم دی مہیری اے
 خدا دے واسطے مینوں بچاؤ یا رسول اللہ ﷺ
 تسیں آؤ تے میری زندگی پر نور ہو جائے
 کدی وچ خواب دی جلوہ دکھاؤ یا رسول اللہ ﷺ
 کرم دی جے نظر ہووے میری بگڑی وی بن جائے
 مری تقدیر نوں آکے جگاؤ یا رسول اللہ ﷺ
 ہو یا برباد گھر میرا مقدر مار یا مینوں
 محبت غیر دی میتھوں چھڑاؤ یا رسول اللہ ﷺ
 مرے تاریک دل تے نور دی برسات ہو جائے
 مری اکھیاں توں وی پردہ اٹھاؤ یا رسول اللہ ﷺ
 مرا دل وی ایہ چاہندا اے دینے پہنچ جاواں میں
 کدی دربار تے مینوں بلاؤ یا رسول اللہ ﷺ

حافظ سردار احمد ساجد



ﷺ

جتنے ٹریوں کدی دیکھاں اوہ تھاواں یارسول اللہ ﷺ
 میں چم چم خاک سر اپنے چ پاواں یارسول اللہ ﷺ
 نظارے گنبد خضریٰ دے دیکھے جیہڑیاں لوکاں
 انہاں دے بخت توں صدقے میں جاواں یارسول اللہ ﷺ
 میں ویلے اوکھڑے جد وی تساں دا ذکر کرناواں
 دریڈے نس دیاں میتھوں بلاواں یارسول اللہ ﷺ
 جہاں نے پا لیا درشن سدا اوہ تیریاں بنیاں
 پچھانہ نہ پرت کے مڑیاں لگا ہواں یارسول اللہ ﷺ
 مکاؤ دوریاں در تے بلاؤ میتھوں عاجز نوں
 نہ جھلیاں جان میتھوں ایہ سزاواں یارسول اللہ ﷺ
 ہنھیرا نیا ایتھوں تے چائن چھا گیا جگ تے
 عرب چوں چڑھ پیاں نوری گھٹاواں یارسول اللہ ﷺ
 کراں دیدار چوکت دا مرن توں پہلاں میں سرور
 ڈراں پیا موت توں کنج میں دلاواں یارسول اللہ ﷺ

سرور رندھاوا

.....☆☆.....

ﷺ

کدی مینوں وی اپنے در بلاؤ یا رسول اللہ ﷺ
مرے تے نصیبیاں نوں جگاؤ یا رسول اللہ ﷺ

کھلے میری وی قسمت میں وی ٹر جاواں مدینے نوں
مرے دل وی ایہ حسرت چا مٹاؤ یا رسول اللہ ﷺ

میں کوجھی ہاں نہ زر پلے بھر دے وچ نہ مر جاواں
نظر اپنے کرم دی میں تے پاؤ یا رسول اللہ ﷺ

میں کنج آواں دوارے تے نہ زر پلے نہ پر آقا
وسیلہ میرے آون دا بناؤ یا رسول اللہ ﷺ

سلمیٰ ناز

☆☆.....

ﷺ

تساوی شان اے کیڑی نرالی یا رسول اللہ ﷺ
تساؤں در دے میں سارے سوالی یا رسول اللہ ﷺ

اجازت جے کدے ہووے تاں دے درتے آون دی
میں چھاں آن کے روئے دی جالی یا رسول اللہ ﷺ

زمانے دا ولی ہووے عیا ہووے شہنشاہ کوئی
تھاڑے درتے ہووے اے سوالی یا رسول اللہ ﷺ

ستارے جن سورج سب تھاہوں روشنی منکن
شفق منگے تھاڑے کھ دی لالی یا رسول اللہ ﷺ

میں ڈٹھا اے سلیم ہر طرف کوئی وی نہیں تاں جیا
حیاتی اے تاں دی بس مثالی یا رسول اللہ ﷺ
سلیم آفتاب سلیم

.....☆☆.....

ﷺ

تساں بن کون میرا اے سہارا یا رسول اللہ ﷺ
نہ ہندا دور رہ کے ہن گزارا یا رسول اللہ ﷺ

زمانے دی ملی شاہی سدا اوہناں ملنگاں نوں
ترا ملیا اے جہاں نے دوارا یا رسول اللہ ﷺ

بڑے ارمان دل دے نیں بڑی اکھیاں دی رتجھا اے
کراں واللیل زلفاں دا نظارا یا رسول اللہ ﷺ

ہجر دی رات مکدی نہیں وچھوڑا جان کھاندا اے
حضورى دا اذن ہووے خدارا یا رسول اللہ ﷺ

قبر اندر حشر اندر بچاوے گا بھلا کیہڑا
بناں تیرے تیرا شاکر نکارا یا رسول اللہ ﷺ
شاکر ملھی

ﷺ

حیاتی میں مدینے وچ لنگھاواں یارسول اللہ ﷺ
ہراک ساء نال کرناں دھاواں یارسول اللہ ﷺ

مری اکھیاں دے ہنجو وی پڑھن صلّ علیٰ رو رو
میں سینے نال جد جالی نوں لاواں یارسول اللہ ﷺ

کدے تاں ایس کملے نوں ملو موقع زیامت دا
میں ایسے آس تے لیناوالی ساہواں یارسول اللہ ﷺ

انہاں گلیاں دا ککھ ہواں میں ککھ ہواں نہ وکھ ہواں
وگن جس تھاں کرم بھیریاں ہواں یارسول اللہ ﷺ

ایہو نازش دی خواہش اے ایہو خواہش اے سرمایا
میں منگتا آپ دے در دا سداواں یارسول اللہ ﷺ
شبیر نازش





تیرے بن کون دنیا نوں سنوارے یا رسول اللہ ﷺ
 بجھے جانے نیں امیدیں دے تارے یا رسول اللہ ﷺ
 روانہی خون دے ہنجو تیری امت دی بد حالی
 ہوئے بے آسرا درداں دے مارے یا رسول اللہ ﷺ
 ایہ شاہیں طوطیاں دے وانگ بن گئے چھریاں کھانے
 دلاں نوں بہادری شای منارے یا رسول اللہ ﷺ
 ہے لیرو لیر دامن قوم دے صبر و قناعت دا
 تے لالچ لوبھ نے کٹھے کھلارے یا رسول اللہ ﷺ
 نصاریٰ تے یہودی نال پکی سانجھ ہے ساڈی
 تے ویری جا پدے مومن دھارے یا رسول اللہ ﷺ
 جہادی قافلے اپنے اساں ہمیں تباہ کیے
 تے ماری جانے آں پھو کے ای نعرے یا رسول اللہ ﷺ
 کوئی آوے مجاہد عمر بن خطاب دے ورکا
 دکھاوے جو کفر نوں دن ج تارے یا رسول اللہ ﷺ
 بڑی ای تانہک انجم نوں کوئی مرو جری آوے
 جیہڑا بلدے ہوئے سینے نوں ٹھارے یا رسول اللہ ﷺ

محمد شریف انجم

ﷺ

تسین لوکاں نوں وٹ دے او خزانے یا رسول اللہ ﷺ
 بلاو مینوں وی ایسے بہانے یا رسول اللہ ﷺ
 کوں آکھاں کنہوں آکھاں نہ سن دا کوئی گل میری
 ہوئے میتھوں نے اپنے وی بیگانے یا رسول اللہ ﷺ
 کہہدی گل تے فخر کرلاں کوئی نہیں گن مرے پے
 مینوں ٹھکرا دتا سارے زمانے یا رسول اللہ ﷺ
 بنایا کن کہہ کے عتے دکھائی جد تری صورت
 لگا سی تیر عمتے دا نشانے یا رسول اللہ ﷺ
 ترے لئی جو وی کجھ لکھاں برابر اک ذرے دے
 تری عظمت نوں اللہ پاک جانے یا رسول اللہ ﷺ
 میرے جہجے عاصیاں نوں پھڑ کے جنت واڑ دینا ایں
 تری رحمت تے لہدی اے بہانے یا رسول اللہ ﷺ
 میں عمراں دا تہاڑا ہاں اجے ٹھوٹھا مرا خالی
 تسین ساجد دے بھر دیو پیمانے یا رسول اللہ ﷺ

محمد شریف ساجد

ﷺ

کرم ہووے تے میں بھی فیر آواں یا رسول اللہ ﷺ
 میں رو رو ساریاں عرضاں سناواں یا رسول اللہ ﷺ
 ہر اک ذرہ تے ہر پتا تہاڑی نعت پڑھدا اے
 تہاڑے گیت ہر ویلے میں گاواں یا رسول اللہ ﷺ
 مدینے پاک ول نوں قافلے دن رات جاندے نیں
 ترسدا دید نوں میں مر نہ جاواں یا رسول اللہ ﷺ
 میں مجرم ہاں لقب ہے رحمت اللعالمیں تیرا
 ملے بخشش جے در تیرے تے آواں یا رسول اللہ ﷺ
 میں ہاں ادنیٰ جہیا خادم تیرے در دے غلاماں دا
 تیری رحمت تھیں کیوں حصہ نہ پاواں یا رسول اللہ ﷺ
 تہاڑی دید نوں اکھیاں وی ترسن دل وی روند اے
 میں استغھے کس طرح ہن دل نوں لاواں یا رسول اللہ ﷺ
 شریف عاجز کدوں طیبہ دے سوہنے باغ دیکھے گا
 جہاں دیاں ٹھنڈیاں جنت تھیں چھاواں یا رسول اللہ ﷺ
 شریف مشتاق

☆☆.....

ﷺ

تھاڑی سک مرے دل دا خزینہ یارسول اللہ ﷺ
مری اکھیاں جچ وسدا اے مدینہ یارسول اللہ ﷺ

سدا چارا بڑا لایا مرا دل اے ابج پتر
کرو نظر کرم ہووے نگینہ یارسول اللہ ﷺ

دکھاں دے ڈوگھ پانی وچ بیا ڈبدا مرے آقا
کنارے لا دوو میرا سفینہ یارسول اللہ ﷺ

بڑی بے چج حیاتی اے سلیقہ نہ طریقہ اے
دو مینوں ذرا جیون قرینہ یارسول اللہ ﷺ

قمر آقا دے کھڑے تھیں سدا روشن زمانہ اے
مہکدا اے بیا پھل وچ پسینہ یارسول اللہ ﷺ
ڈاکٹر شوکت علی قمر

.....☆☆.....

ﷺ

مرے گھر دے بنجے ویٹھے سجاؤ یا رسول اللہ ﷺ
میں جاں صدقے مرے گھروں تے آؤ یا رسول اللہ ﷺ

مری آساں دے دیوے بجھ نہ جاون سوہنیا کدھرے
مرے اس حال تے وی ترس کھاؤ یا رسول اللہ ﷺ

تھاؤ ائی سہارا اے کتے وی ڈھو نہیں مینوں
مرے بختاں دی وگڑی نوں بناؤ یا رسول اللہ ﷺ

میں در در تے صدا کیتی پر آقا ٹھوکراں ملیاں
کرم حسینؑ دا صدقہ کماؤ یا رسول اللہ ﷺ

میں ہنجواں دے سمندر وچ کدی ڈیا کدی تریا
ہے اجڑی جھوک شاہد دی وساؤ یا رسول اللہ ﷺ
شہزاد احمد شاہد

.....☆☆.....

صلی اللہ علیہ وسلم

دیو چا آسرا مینوں خدارا یا رسول اللہ ﷺ
 میں کدھرے مر نہ جاواں بے سہارا یا رسول اللہ ﷺ
 تہاڑی چاہ بناں مینوں پئی اے زندگی مہنگی
 بڑا کھادا اے ہن تھیکر خسارا یا رسول اللہ ﷺ
 تسیں جے روز اول توں کدی خادم بنا لیندے
 تے ہن تھیکن نہ میں پھر دا آوارا یا رسول اللہ ﷺ
 تہاڑے نام توں میں زندگی قربان کر چھڈاں
 تسیں کر کے تے ویکھو سہی اشارا یا رسول اللہ ﷺ
 میں کدھرے جھک نہیں سکدا تہاڑے آستانے بن
 میری روح تے تہاڑا اے اجارا یا رسول اللہ ﷺ
 میری فریاد وی اے رحمت اللعالمین سن لو
 دکھا دیو تسیں اپنا دوارا یا رسول اللہ ﷺ
 بڑا بے چین بیٹھاواں علی مولا دی سونہ مینوں
 جدائی ہن تہاڑی نہیں گوارا یا رسول اللہ ﷺ
 فلک توں ڈگ کے دھرتی تے مٹی دے وچ رلیا اے
 تہاڑے چاہن والے دا ستارا یا رسول اللہ ﷺ
 شہ کر بل دے صدقے ای عطا خیرات کر چھڈو
 مرا ہندا نہ بھکھیاں ہن گزارا یا رسول اللہ ﷺ
 تہاڑے ہوندیاں جے ڈب گئی بیڑی تے سمجھاں گا
 مری تقدیر وچ نہیں سی کنارا یا رسول اللہ ﷺ
 صابر نوید

ﷺ

مدینہ شہر اے میرے توں اوہلے یا رسول اللہ ﷺ
 ہوئے نیں خالی اکھیاں دے بھڑولے یا رسول اللہ ﷺ
 کئی جنتاں وی اوہدے تول وچ نہ پوریاں اترن
 فرشتہ جد تہاڈی نعت تولے یا رسول اللہ ﷺ
 تہاڈے در تے دیندا اے سلامی آ کے سورج وی
 تہاڈے در دے سارے شاہ نیں گولے یا رسول اللہ ﷺ
 کرم دی اک نظر آقا میرے عملاں دی پہلی تے
 بھکاٹ اگدا اے جد بیجاں میں چھولے یا رسول اللہ ﷺ
 مکمل ہو نہیں سکدے تہاڈے نام دے باجھوں
 میرے سبھ گیت سبھ ماسیہ تے ڈھولے یا رسول اللہ ﷺ
 مرے لہجہ آقا اوس دی امداد نوں اپڑن
 کوئی وی شخص جد اوکڑ چ بولے یا رسول اللہ ﷺ
 جمیل ایہو دعا منگے گواچن نہ قیامت تک
 میری بیٹی دے گڈیاں تے پٹولے یا رسول اللہ ﷺ
 صادق جمیل



ﷺ

تیری بندہ نوازی نوں نہ بھلاں رسول اللہ ﷺ
کرم تیرا ہو یا ہر طرف کھلاں یا رسول اللہ ﷺ

عشق دی کھڑی وٹے پے نیں ڈاہڈی اوکھت دے
حشر نوں تیرا چاکر ہو میں تھلاں یا رسول اللہ ﷺ

تیرے عاشق تیری ہر اک ادا تے جان دیندے نیں
لہائیاں عاشقاں نے اسجھے کھلاں یا رسول اللہ ﷺ

مرے ہتھ وچ تیرا پلا مرا حامی تے بس اللہ
میں تر دا جا رہیاواں غم دی چھلاں یا رسول اللہ ﷺ

چڑھے خبیث سولی تے پیاں بلاں نوں ماراں
ذکر چھڈیا نہ تیرا اوہناں بلھاں یا رسول اللہ ﷺ

ترا دیدار جے ہووے ترے مسکین صادق نوں
قبر وچ دی پیا صلوٰۃ کھلاں یا رسول اللہ ﷺ
صوفی محمد صادق صابری

ﷺ

تسیں لہجہاں تے میں ہاں بے لہجی یا رسول اللہ ﷺ
 تساؤے نال ہے دنیا ایہ کجی یا رسول اللہ ﷺ
 تصور آپ دا میرے خیالاں وچ سدا رہندا
 ایہ منیاں ہاں میں کوجھی تے کچجی یا رسول اللہ ﷺ
 نہ دل نوں چین آیا اے نہ اکھاں رون توں رکیاں
 کٹاری ہجر دی جد توں اے وجی یا رسول اللہ ﷺ
 غبار اڈا دا اے پر نہیں آپ دی ناقہ نظر آئی
 میں لکھے واہ ہاں ہر پاسے نوں بھجی یا رسول اللہ ﷺ
 مری ہر معصیت ' ہر اک خطا ' ہر دور دے اندر
 تری رحمت دی چادر نے ہے کجی یا رسول اللہ ﷺ
 نہیں اوہنوں حشر تیکر بکھک زمانے دی ستا سگدی
 جو روضہ دیکھ کے تیرا اے رچی یا رسول اللہ ﷺ
 جو ہو جامدی نظر منظور ہے تیرے غلاماں دے
 ہے اوہو ای سہاگن تے کجی یا رسول اللہ ﷺ

صائم چشتی

صلی اللہ علیہ وسلم

پے ودھدے چارے پاسے میں ہنیرے یار رسول اللہ ﷺ
کدوں لیکھاں چ ہون گے سویرے یار رسول اللہ ﷺ

اوہ کیڈی شان والے میں اوہ کیڈے بخت والے میں
جہاں طیبہ چ کیتے میں بسیرے یار رسول اللہ ﷺ

کدوں دیدار دیو گے میں عاجز نوں نماں نوں
خدا جانے کدوں دن پھرنے میرے یار رسول اللہ ﷺ

خدا نے آپ وڈایا ہے سوہنے پاک قرآن وچ
تھاڈے عرش توں رتے اچیرے یار رسول اللہ ﷺ

ترے تاثیر نے مدت توں ٹکيا نہیں خوشی دا مونہہ
ہے غم ای غم میں بس اس دے پھیرے یار رسول اللہ ﷺ
صدقہ تاثیر

.....☆☆.....

ﷺ

تسیں آئے تے آئیاں نیں بہاراں یا رسول اللہ ﷺ
تساں توں جان سو واری میں واراں یا رسول اللہ ﷺ

جہاں وچ قیام کیتا سی میں سچ کہناں خدا شاہد
اوہ ودھ کے طور دے کولوں نیں غاراں یا رسول اللہ ﷺ

میں اپنی مشکلاں تائیں تے لیکھاں وگڑیاں تائیں
تساں دا نام لے لے کے سنواراں یا رسول اللہ ﷺ

نہ مینوں آسرا کوئی تساں دے باجھ یا مولا
تساں نوں میں جے لکھاں ہزاراں یا رسول اللہ ﷺ

مدینہ میں وی دیکھاں گا بلاوا آؤن والا اے
میں ایسے آس وچ زندگی گزاراں یا رسول اللہ ﷺ

تسیں والی صبر دے ہو اتے سرتاج نبیاں دے
تساں دے باجھ میں کس نوں پکاراں یا رسول اللہ ﷺ
محمد صدیق صبر قادری

ﷺ

کدوں پہنچاں گا میں دارلکینے یا رسول اللہ ﷺ
کدوں پٹنی ایں ٹھنڈے میرے وی سینے یا رسول اللہ ﷺ

دعاواں منگ دے درتے ترے شاہواں دے شاہ دیکھے
کدوں میرے لئی کھلنے خزینے یا رسول اللہ ﷺ

کملی والیا لنگھے غماں دی جھوندیاں چکی
کئی گھڑیاں کئی دن تے مینے یا رسول اللہ ﷺ

کدوں پھیرا تیرا ہونا مرے دیران ویہڑے دا
کدوں پھل کھڑن گے دل دی زمینے یا رسول اللہ ﷺ

کرم تیرا جدوں ہووے گناہ گاراں نوں سد بھیجیں
ٹرے آون مرے جے وی کینے یا رسول اللہ ﷺ

مری اکھاں توں ہنجو دل توں ہاواں پھٹ پیاں نیں
سفینے جاوندے دیکھے مدینے یا رسول اللہ ﷺ

اڈیکاں نال چاہواں دے میں قمری اوس ویلے نوں
دفن ہواں مدینے دی زمینے یا رسول اللہ ﷺ
ڈاکٹر طارق قمری

ﷺ

ایہو منگاں دعاواں یارسول اللہ ﷺ
ترے درشن میں پاواں یارسول اللہ ﷺ

جے پچھی وانگ پر لگ جان کدے مینوں
ترے درتے میں آواں یارسول اللہ ﷺ

مرے اتے کرم دی اک نظر ہووے
مری بخشو خطاواں یارسول اللہ ﷺ

تساں دی یاد وچ آقا میں کنج ترڈاں
ایہ کس نوں جا سداواں یارسول اللہ ﷺ

تسیں ہر شے دے قاسم او خدا آکھے
تسیں دیندے میں کھاواں یارسول اللہ ﷺ

ظفر ساقی

.....☆☆.....

ﷺ

کراں دن رات میں ایہو ای باتاں یا رسول اللہ ﷺ
 کدے پاؤ اسوں ول وی تے جھاتاں یا رسول اللہ ﷺ
 مرے دکھاں نے سکھاں دے کدوں بانے بدلنے نیں
 کدوں بدلن گیاں فجر اں چ راتاں یا رسول اللہ ﷺ
 مری نیت دا ثمرہ اے کہ یا عملاں دی شامت اے
 پھیرے دشمنوں ملیاں نیں گھاتاں یا رسول اللہ ﷺ
 کدوں رحمت بلاوے مگی مدینے چوں مرے آقا
 کدوں میریاں لوو گے آپ واتاں یا رسول اللہ ﷺ
 ستارہ گردشوں لکھے گا خورے کس سے میرا
 کدوں چمکن گیاں میریاں براتاں یا رسول اللہ ﷺ
 بلاؤ جے کدی روضے تے پلکاں بھار میں آواں
 سداں بیٹھ کے نعتاں سوغاتاں یا رسول اللہ ﷺ
 سخن دی ڈالیوں ودھ ہوو ناہیں کول کجھ میرے
 ظفر اے امتی چاہوے نجاتاں یا رسول اللہ ﷺ

میاں ظفر مقبول

ﷺ

تری ہستی دا پرچھاواں خدائی یا رسول اللہ ﷺ
 خدا نے آپؐ دی خاطر بنائی یا رسول اللہ ﷺ
 کسے نوں مال دی الفت کتے جنت دی خواہش اے
 مرا دل آپؐ دی دیوے دہائی یا رسول اللہ ﷺ
 قبر اندر میں کہہ داں گا جے کچھ پرتیت ہوئی تے
 مری طیبہ دے وچ ہے آشنائی یا رسول اللہ ﷺ
 زمانے دی محبت دا اوہ دل محتاج نہیں رہندا
 محبت آپؐ دی جیوں وچ سمائی یا رسول اللہ ﷺ
 رضا تے ہر گھڑی ہر دم خدا نے آپؐ دی چاہی
 خدا کولوں تساں اپنی منائی یا رسول اللہ ﷺ
 میں بیمار محبت ہاں ہجر دا روگ ہے مینوں
 مدینہ آپؐ دا میری دوائی یا رسول اللہ ﷺ
 بڑی ڈاڈی ہے عارف توں کدے جھلی نہیں جانی
 تیرے سوہنے مدینے دی جدائی یا رسول اللہ ﷺ
 ڈاکٹر عارف محمود عارف

صلی اللہ علیہ وسلم

در اقدس تے میں اک وار آواں یا رسول اللہ ﷺ
 مرادواں دل دیاں اپنے میں پاواں یا رسول اللہ ﷺ
 نصیبیاں نال مل جاوے اجازت جے حضوری دی
 میں دل دا حال رو رو کے سناواں یا رسول اللہ ﷺ
 تہاڈے چاہن والے در بدر کیوں پھر دے رہندے نیں
 انہاں نوں کاہدیاں ملیاں ہزاواں یا رسول اللہ ﷺ
 گھٹن دا دور اے زندگی، اساڈی کنج گزرے گی
 مدینے والیاں گھلو ہواواں یا رسول اللہ ﷺ
 تہاڈی اک نظر ہووے تے بیڑا پار ہو جاوے
 کہ ات چکی ہوئی اے ناخداواں یا رسول اللہ ﷺ
 تہاڈی یاد دے پھل روح نوں اک تازگی دیون
 وفا دا ایسراں گلشن سجاواں یا رسول اللہ ﷺ
 رحیل اک وار جے اپڑاں مدینے مڑ نہ میں آواں
 لبیاں تے ہر گھڑی اپنے لیاواں یا رسول اللہ ﷺ
 عاشق رحیل



ﷺ

کوئی دکھیا جو در تیرے تے آوے یا رسول اللہ ﷺ
 ترے اوہ کرم توں خالی نہ جاوے یا رسول اللہ ﷺ
 خدا دی ذات اوں اتے ہزاراں کرم کر دی اے
 ترا میلاد جو گھر وچ منادے یا رسول اللہ ﷺ
 ترے دلوں تے مومن تے عطاواں ای عطاواں نیں
 بشرطیکہ ترا بردا کھاوے یا رسول اللہ ﷺ
 تسیں اول تسیں آخر تسیں ظاہر تسیں باطن
 تسیں ایمان دی دولت جو پاوے یا رسول اللہ ﷺ
 مری زندگی دا محور وی تری ہی ذات ہے آقا
 تری ہستی بناں تے ساہ نہ آوے یا رسول اللہ ﷺ
 مری اکو ریاضت اے ذکر تیرا عبادت اے
 عمل چنگا جو تیرے من نوں بھاوے یا رسول اللہ ﷺ
 اوہو کافر جو تیری شان دا انکار کر دا اے
 اوہو مومن جو تیرے گیت گاوے یا رسول اللہ ﷺ
 تینوں آکھاں تے کیہ آکھاں کیوں گزری اے سالک دی
 میری تے قلم وی اقمرد وگاوے یا رسول اللہ ﷺ

عثمان سالک

ﷺ

گلاں کس نوں سناواں یا رسول اللہ ﷺ
ہجر وچ مردا جاواں یا رسول اللہ ﷺ

مرے مقصد تے آساں پوریاں ہوں
ترا درشن جے پاواں یا رسول اللہ ﷺ

مدینے آن کے روضے دی جالی نوں
میں چم اکھاں نوں لاواں یا رسول اللہ ﷺ

مراں جس دم تے ہواں وچ مدینے میں
ایہو سنگناں دعاواں یا رسول اللہ ﷺ

قدم تیرا سی آقا جس جگہ محسن
میں دیکھاں جا اوہ تھاواں یا رسول اللہ ﷺ

عبدالرزاق محسن



ﷺ

سنو مگتے دیاں وی جے پکاراں یا رسول اللہ ﷺ
 مرے وی باغ وچ آون بہاراں یا رسول اللہ ﷺ
 بناں دیدار دے دل نوں قرار آوے نہ چین آوے
 کوں جیون میں وکھ رہ کے گزاراں یا رسول اللہ ﷺ
 مرے من وچ وی بلدی عشق دی آگ ہے دے راتی
 میں آ کے قدماں وچ سینے نوں ٹھاراں یا رسول اللہ ﷺ
 کرو آقا عطا مینوں وی یار غار دا صدقہ
 ہر اک شے آپ توں میں وی تے واراں یا رسول اللہ ﷺ
 مری ڈبدی ہوئی بیڑی نوں بنے لا دیو آقا
 میں دیواں واسطہ پنجاں تے باراں یا رسول اللہ ﷺ
 خدا ای جائدا اے بس مقام لی مع اللہ نوں
 پیماں سوچاں دے وچ سوچاں وچاراں یا رسول اللہ ﷺ
 مہک نال آپ دی شافی دا سینہ وی مہک جاوے
 ایہ جھوٹے وچ مدینے دے بزاراں یا رسول اللہ ﷺ
 حکیم عبدالستار شافی



ﷺ

غماں نے کیا اے دلگیر یا رسول اللہ ﷺ
کرم دی کر دیو تنویر یا رسول اللہ ﷺ

بچے نہ ہو کچھ میری نگاہوں وچ
رہوے بس روئے دی تصویر یا رسول اللہ ﷺ

جے رب بخشے سد تیری غلامی دی
سنور جائے مری تقدیر یا رسول اللہ ﷺ

بڑی حسرت اے جاواں فرمائیے نوں
چلے نہ کوئی دی تدبیر یا رسول اللہ ﷺ

ترے قدماں وچ سر رکھ کے سناواں گا
مے خاباں نوں تعبیر یا رسول اللہ ﷺ

عبدالقدوس کیفی

ﷺ

مدینے دی فضا ویکھاں سدا میں یا رسول اللہ ﷺ
دعاواں دی جزا ویکھاں سدا میں یا رسول اللہ ﷺ

مدینے تے خدا دی رحمتاں دا نور وسدا اے
اوہ منظر جانفرا ویکھاں سدا میں یا رسول اللہ ﷺ

جتنے آقا نے لک لک کے بہائے خون دے ہنجو
پھر اوہ غارِ حرا ویکھاں سدا میں یا رسول اللہ ﷺ

ہرے روضے دے گنبد توں کراں قربان چاہواں نوں
مقدر وچ عطا ویکھاں سدا میں یا رسول اللہ ﷺ

مدینے دل کوئی جاوے مدینے توں کوئی آوے
کھڑا اوہناں دی راہ ویکھاں سدا میں یا رسول اللہ ﷺ

مری اکھاں نوں ملنی ایں شفا اس خاک توں قاضی
اوہو خاکِ شفا ویکھاں سدا میں یا رسول اللہ ﷺ
عبداللہ قاضی

ﷺ

کدوں ہووے گی پوری دل دی حسرت یا رسول اللہ ﷺ
 کدوں ہووے گی روضے دی زیارت یا رسول اللہ ﷺ
 تہاڑے خلق نے تعلیم نے تہاڑی شرافت نے
 زمانے چوں مٹا دتی جہالت یا رسول اللہ ﷺ
 جہاں لوکاں نے سچے دل تھیں کلمہ پڑھ لیا تہاڑا
 انہاں لوکاں دے پیراں بیٹھ جنت یا رسول اللہ ﷺ
 فرشتے رات دن پڑھ دے درود پاک تہاڑے تے
 تہاڑی جن و بشر کردے عبادت یا رسول اللہ ﷺ
 تسیں تے شہنشاہ کر چھڈیا اپنے فقیراں نوں
 میری وی کم دیو بیدار قسمت یا رسول اللہ ﷺ
 شکایت کیوں کراں فرقت دے اتے کیہ گلہ میرا
 مزا مینوں بڑا دیندی اے فرقت یا رسول اللہ ﷺ
 خدا دا شکر شافی حشر توڑی میں رہواں کردا
 تہاڑے قدماں وچ ہووے جے تربت یا رسول اللہ ﷺ

عقل شافی

صلی اللہ علیہ وسلم

رہوے یاداں دا ایہ مسکن مرا دل یا رسول اللہ ﷺ
 قدم رکھو بنے غارِ حرا دل یا رسول اللہ ﷺ
 جدوں دو سوہنیاں میماں ملاون میرے بلھاں نوں
 پڑھے صلِ علیٰ صلِ علیٰ دل یا رسول اللہ ﷺ
 اوووں دا سبز گنبد میریاں اکھاں ج رہندا اے
 جدوں دا ہو گیا اے آشنا دل یا رسول اللہ ﷺ
 جے موت آوے تے آوے شہر تیرے وچ مرے آقا
 کرے پیا التجا تے التجا دل یا رسول اللہ ﷺ
 کراں آخر دے ساہواں تے زیارت سوہنیا تیری
 ایہو بس منکدا رہندا دعا دل یا رسول اللہ ﷺ
 مری سوچاں دی ایہ کفنی کتے میلی نہ ہو جاوے
 قبر اندر کرے صفت و ثنا دل یا رسول اللہ ﷺ
 مدینے پاک دی چاہت لئی نت وکدا رہندا
 نہ کدھرے چین پاؤند اے مرا دل یا رسول اللہ ﷺ
 کدی جے اس ملوک اتے کرم دی جہات پے جاوے
 سناوے ہجر دا سبھ ماجرا دل یا رسول اللہ ﷺ
 علی محمد ملوک

ﷺ

وچھوڑے دے میں صدے روز جھلاں یا رسول اللہ ﷺ
کراں میں تیریاں دن رات گلاں یا رسول اللہ ﷺ

جدوں دیکھاں کوئی جاندا مسافر شہر تیرے نوں
رکویں وگدے ہوئے ہنجواں نوں ٹھلاں یا رسول اللہ ﷺ

ہوئے وگدیئے لے جا مدینے اتھرو میرے
تے آکھیں ہور کیہ میں نذر گھلاں یا رسول اللہ ﷺ

جہاں نوں تیری الفت دا کدی پانی نہیں ملیا
دلاں دیاں سکدیاں نیں اوہو دلاں یا رسول اللہ ﷺ

ظہوری نوں ملے قطرہ تیرے وگدے سمندر چوں
تری رحمت دیاں ہر پاسے چھلاں یا رسول اللہ ﷺ

محمد علی ظہوری

صلی اللہ علیہ وسلم

دنے راتیں کریندا ہاں دعاواں یا رسول اللہ ﷺ
ہوون منظور جے کرتے میں آواں یا رسول اللہ ﷺ

ملے مینوں اجازت جے مدینے دل آون دی
تے دلدے کھول کے دکھڑے سناواں یا رسول اللہ ﷺ

ہوئی بنجر اے کھیتی آس تے امید دی مولا
چڑھن طیبہ دے ولوں ہن گھٹاواں یا رسول اللہ ﷺ

نہیں سن دا نہیں سن دا کوئی تیرے بناں مولا
سناواں کس نوں میں ہن التجاواں یا رسول اللہ ﷺ

لکھے نعتاں ترا نقوی کدوں ایہ سن ایہدے
ایہ سکھے تیریاں ای نہیں عطاواں یا رسول اللہ ﷺ
عمران نقوی

.....☆☆.....

ﷺ

تھاڈا در جو ہر دکھ دی دوا ہے یا رسول اللہ ﷺ
گناہگاراں دا ایہو آسرا ہے یا رسول اللہ ﷺ

ہے ہر نعمت پئی لہدی سخاوت بے مثل صدقے
نہ مانگت کوئی وی خالی گیا ہے یا رسول اللہ ﷺ

گھلو تحفے دروداں دے مرے سوہنے نبی ولے
خدا ایہ بندیاں نوں آکھدا ہے یا رسول اللہ ﷺ

مدینہ مہکدا ہر سو میرے اکوار پھر ہودے
کدوکا میرا من انج لوچدا ہے یا رسول اللہ ﷺ

بڑا ای مان ہے مینوں خدا جانے مقدر تے
کرم تھاڈے سدا ہی گھیریا ہے یا رسول اللہ ﷺ

عمر غنی

ﷺ

ازل توں میریاں سوچاں دا محور یا رسول اللہ ﷺ
 تساڈا بنام شافعی روزِ محشر یا رسول اللہ ﷺ
 خدا نے آپؐ نوں گھلیا جہاں دی راہنمائی لئی
 بنایا آپؐ نوں سمھناں دا رہبر یا رسول اللہ ﷺ
 نبیؐ دے آن توں پہلاں سی ایہ کعبہ صنم خانہ
 تہاں اس نوں بنایا ربؐ دا گھر یا رسول اللہ ﷺ
 حبیب کبریا دے لئی بنائے نہیں جہاں سارے
 بنایا آپؐ نوں سمھناں توں بہتر یا رسول اللہ ﷺ
 عبادت ربؐ دی انج کیتی خدا نے آپؐ فرمایا
 میرے پیارے تھوڑا آرام دی کر یا رسول اللہ ﷺ
 بھرم رکھنا ثنا خواں دا قبر تے حشر وچ مولا
 ڈراؤندا خواب وچ مینوں ادھ منظر یا رسول اللہ ﷺ
 دے راتیں تہاڈے شہر آون لئی دعا کرتاں
 ثنا خواں آپؐ دا ساتی اے مضطر یا رسول اللہ ﷺ
 غلام رسول ساتی



ﷺ

میں چاہندا ہاں مدینے میں وی آواں یارسول اللہ ﷺ
 حرم وچ بیٹھ کے نعتاں سناواں یارسول اللہ ﷺ
 میں غارِ ثور وچ جا کے نمازاں نت پڑھاں اوتھے
 کرو منظور جے میریاں دعاواں یارسول اللہ ﷺ
 حرا بدر و احد نالے میں طائف نوں وی جا دیکھاں
 مرے اتے جے ہو جاون عطاواں یارسول اللہ ﷺ
 غماں وی دھپ دے وچ سڑدے ہوئے بوئے بچاؤ چا
 مری دھرتی تے چھا جاون گھٹاواں یارسول اللہ ﷺ
 نبی دے دین لئی جے ایہ حیاتی کم آ جاوے
 میں سب کجھ وار کے کجھ نہ بچاواں یارسول اللہ ﷺ
 مرے اندر بلائی روح پیدا کر دیہو آقا
 مینوں مل جان سلمانی وفاواں یارسول اللہ ﷺ
 تباہی ذات اقدس ہی وسیلہ اے شفاعت دا
 تساں ای بخشاؤ گے خطاواں یارسول اللہ ﷺ
 میں خیر جا کے دیکھاں گا جتھے آقا دے پینڈے سن
 انہاں راہواں دے وچ اکھیاں وچھاواں یارسول اللہ ﷺ
 جہاں تھاواں تے آقا نے خدا دا دین پھیلایا
 مدینے جا کے میں دیکھاں اوہ تھاواں یارسول اللہ ﷺ
 مدینے مینوں بلواؤ میرا ویلا آخری اے
 اڈیکاں وچ اکھر گھیاں نیں ساہواں یارسول اللہ ﷺ
 ڈاکٹر غلام شبیر رانا

صلی اللہ علیہ وسلم

ترے سوہنے نگر چوں ہو کے آئی یا رسول اللہ ﷺ
 صبا خوشبو نوں کٹھیاں کر لیائی یا رسول اللہ ﷺ
 دلاں دے گملیاں وچ حب تری نے نال رتجھاں دے
 پنیری نور دے پھلاں دی لائی یا رسول اللہ ﷺ
 سہیڑی چاکری جینے تری اوہ بھاگ والا اے
 جھب اوہدی دور ہووے بے نوائی یا رسول اللہ ﷺ
 عقیدت تھیں وضو کر کے جدو کا نعت لکھنا ہاں
 ہوئی اکھراں دی حرمت دی سوائی یا رسول اللہ ﷺ
 دے راتیں کراں صلی علیٰ دا ورد میں شوقوں
 ہے کبھڑی ایس توں ودھ کے کمائی یا رسول اللہ ﷺ
 کوئی وی قبر وچ دھڑکو نہیں رہنا کسے ویلے
 جے دل اندر تری الفت سمائی یا رسول اللہ ﷺ
 ترے اس ذکر پیارے نے مری سنسار دے اندر
 اچیجھی شان تے شوکت ودھائی یا رسول اللہ ﷺ
 ملک غلام فرید شوکت

ﷺ

تسین او سارے عالم دا ای حملا یا رسول اللہ ﷺ
میں کیوں نہ آپ دا منگاں ویلا یا رسول اللہ ﷺ

ہے سارے دا ای سارا آپ دا اخلاق ایہ قرآن
تساں پائے نیں اوصاف جمیلا یا رسول اللہ ﷺ

نہ ہویا اے نہ ہونا این کدے کوئی ہاشمی ورگا
ہے افضل آپ دا جگ تے قبیلا یا رسول اللہ ﷺ

جدوں توں ایہناں مرکز نوں تے مقصد نوں بھلایا اے
مسلمان ہو گئے نیں تیل تیل یا رسول اللہ ﷺ

عمر ساری کٹی اے وج گناہاں ایہناں فکراں توں
تیرے بدل دا ہویا رنگ پیلا یا رسول اللہ ﷺ

ندامہ مصطفیٰ رسول

ﷺ

غربی آن نہیں دیندی بہاراں یا رسول اللہ ﷺ
 میں اٹھدے بیٹھدے سوچاں وچاراں یا رسول اللہ ﷺ
 تہاڑی یاد دے دیوے جلا کے تارے گن گن کے
 غماں دی رات اکھیاں وچ گزاراں یا رسول اللہ ﷺ
 کتے رحمت دا سایہ تان دے میری حیاتی تے
 کلیجا ساڑوے دکھڑے ہزاراں یا رسول اللہ ﷺ
 اسیں تانہنگاں اڈیکاں لا کے راہواں وچ کھلوتے آں
 کدی موڑو گے ایدھر وی مہاراں یا رسول اللہ ﷺ
 کتے میرے جے بے بس دی قسمت وی چمک اٹھے
 مدینے وچ کتے مل جان ٹھاہراں یا رسول اللہ ﷺ
 تسیں مشکل کشا میرے تسیں حاجت روا میرے
 تساڈا ہو کے کیوں دنیا چ ہاراں یا رسول اللہ ﷺ
 کسے کہڑے نوں لے جاوے صبا شاید مدینے ول
 میں موتی ہنجواں دے پیا کھلاراں یا رسول اللہ ﷺ
 غلام مصطفیٰ ہاں آپ دا ادنیٰ سوالی ہاں
 تساں دے پیار تھیں گھر نوں سنواراں یا رسول اللہ ﷺ

غلام مصطفیٰ زار

ﷺ

کوئی دکھیاں دیاں لیدا نہ ساراں یا رسول اللہ ﷺ
 تساں بن کون اے جنہوں پکاراں یا رسول اللہ ﷺ
 کدوں ہا سے سی انج آؤندے کسے ذی روح دے بلھاں تے
 تسیں آئے تے آئیاں نیں بہاراں یا رسول اللہ ﷺ
 زمانہ سہکدا سی ظلم دی بے درد مٹھی وچ
 تساں دتیاں نیں ہر ظالم نوں ہاراں یا رسول اللہ ﷺ
 بڑی سخی پئی لگدی اے وادی روح دی مولا!
 اکھاں وچ وس گیاں رتجھاں ہزاراں یا رسول اللہ ﷺ
 خدا بخشے کدی توفیق جے مینوں حضوری دی
 ایہ سڑیا ہجر تھیں سینہ میں ٹھاراں یا رسول اللہ ﷺ
 جتھوں ملیا زمانے نوں خزانہ علم و حکمت دا
 میں اوتھے فکر اپنی جا نکھاراں یا رسول اللہ ﷺ
 قمر دے دل نگاہ لطف ہن سرکار ہو جاوے
 نذر نعتاں دی ڈالی نت گزاراں یا رسول اللہ ﷺ
 غلام مصطفیٰ قمر

.....☆☆.....

ﷺ

مینوں دربار اپنے وچ بلانا یار رسول اللہ ﷺ
جناب اپنی دے وچوں خیر پانا یار رسول اللہ ﷺ

زباں صفتاں نہ کر سکی قلم نعتاں نہ لکھ سکی
توئیں کونین وچ میرا مہانا یار رسول اللہ ﷺ

کدی وچ خواب دے دیہو لقا اپنا پیا میرے
طفیل فاطمہ زیارت کرانا یار رسول اللہ ﷺ

جے ہوون پر اڈاری مار جاواں ول مدینے میں
مینوں اللہ روضہ چا دکھانا یار رسول اللہ ﷺ

میں مرغیاں نال جھاڑو کر اثھاواں فیض مصطفوی
طواف روضہ اقدس کرانا یار رسول اللہ ﷺ

اگرچہ ساہیال اندر ہے نوشاہی تیرا عاشق
مزار اس دی مدینے وچ بنانا یار رسول اللہ ﷺ
مولانا سید غلام مصطفیٰ نوشاہی

صلی اللہ علیہ وسلم

مرے بلھاں تے رہندا ایہو نعرہ یارسول اللہ ﷺ
 تساں ہو دین و دنیا دا سہارا یارسول اللہ ﷺ
 تسیں رحمت جہانں دی تسیں سرور رسولاں دے
 تساں لئی رب نے کیتا اے پھارا یارسول اللہ ﷺ
 غریباں بیکساں نالے یتیمیاں دے تسیں وارث
 انہاں نے ملیا تہاڈا دوارا یارسول اللہ ﷺ
 جھڑی راہواں توں لنگھ جانڈے اوہ رستے مہکدے رہندے
 چمکدا اوہناں دی قسمت دا تارا یارسول اللہ ﷺ
 رکھو ماں باپ توں ودھ کے محبت آپ دی لوکو
 بنے گی ساڈی بخشش دا ایہ چارا یارسول اللہ ﷺ
 خدا نوں کلیاں منو کدی نہ شرک وچ پینا
 وجایا ہے تساں ایہو نقارہ یارسول اللہ ﷺ
 محبت آپ دی دوہیں جہانیں سرخرو کردی
 ایہو گل آکھدا گلشن وچارا یارسول اللہ ﷺ
 فضل حق گلشن

ﷺ

تری خاطر بنی ایہ سب خدائی یا رسول اللہ ﷺ
 تے ہر شے وچ تری جلوہ نمائی یا رسول اللہ ﷺ
 ایہ سورج جن ستارے جو دنے راتیں چمک دے نیں
 چمک سب نے تیرے نوروں ہی پائی یا رسول اللہ ﷺ
 نبی جنے وی آئے حضرت آدم توں عیسیٰؑ تک
 بیاں کر دے گئے تیری بڑائی یا رسول اللہ ﷺ
 ایہ جا کے لا مکاں اتے خدا نوں دیکھنا رج کے
 کسے نے ہو نہیں ایہ شان پائی یا رسول اللہ ﷺ
 میں ٹھوکر مار دے دیکھے جہاں دی کج کلاہی نوں
 جہاں پائی ترے در دی گدائی یا رسول اللہ ﷺ
 گنہگاروں تے سنیا ایں کہ دن محشر دا بھارا اے
 دُہائی یا رسول اللہ دُہائی یا رسول اللہ ﷺ
 بلاؤ فیض نوں قدماں چ صدقہ اپنے یاراں دا
 جہاں تے توڑ تک یاری نبھائی یا رسول اللہ ﷺ
 فیض چشتی



ﷺ

جہدے لب تے تہاڑی نعت ہوندی یا رسول اللہ ﷺ
 کرم دی اوس تے برسات ہوندی یا رسول اللہ ﷺ
 اوہ مونہہ دلشاد رہندے نیں اوہ گھر آباد رہندے نیں
 جتھے بس آپ دی گل بات ہوندی یا رسول اللہ ﷺ
 گدا تے فر گدا نیں جہاں نوں ممکن دا جج ناہیں
 عطا اوہناں نوں وی خیرات ہوندی یا رسول اللہ ﷺ
 میں کاہنوں ڈکو ڈولے کھاؤندا جیون دے پینڈے وچ
 کدی میں دل وی جے اک جہات ہوندی یا رسول اللہ ﷺ
 جیویں دن چڑھ پیا اے ایویں ای محسوس ہوندا اے
 مدینے وچ جدوں وی رات ہوندی یا رسول اللہ ﷺ
 نہ کوئی شے بنانی سی نہ ظاہر ہوتا سی رب نے
 جے پیدا نہ تہاڑی ذات ہوندی یا رسول اللہ ﷺ
 وسیلہ آپ دے ناں دا جے کم نہ آؤندا میرے
 دکھاں درداں نوں کیویں مات ہوندی یا رسول اللہ ﷺ

تھاڑا ذکر کر کر کے تھاڑا نام لے لے کے
 غلاماں دی گزر اوقات ہوندی یا رسول اللہ ﷺ
 بلند اللہ نے کیتا آپ لئی ذکر آپ دا بے شک
 ثناء سرکار دی دن رات ہوندی یا رسول اللہ ﷺ
 جیہڑی بن جاوندی میرے لئی بخشش دا سرتاواں
 کوئی ایسی وی میتھوں نعت ہوندی یا رسول اللہ ﷺ
 جے امت آپ دے اسوے توں نہ مونہہ موڑ دی آقا
 نہ اج ایہ صورت حالات ہوندی یا رسول اللہ ﷺ
 ادب تے شوق نال فیضان کر دا پیش خدمت وچ
 کدی پلے کوئی سوغات ہوندی یا رسول اللہ ﷺ
 فیض رسول فیضان

ﷺ

تمنا اے ترے درتے میں آواں یا رسول اللہ ﷺ
کدی مڑ دیں نوں واپس نہ جاواں یا رسول اللہ ﷺ

نمانا دل مرا عرصے توں ایہو تاہنگ رکھدا اے
ترے روضے تے میں نعتاں سناواں یا رسول اللہ ﷺ

دروود پاک دے صدقے ہمیشہ دور ہو جاواں
مسلماناں دے سرتوں سب بلاواں یا رسول اللہ ﷺ

تہاڈے جتھے جتھے دی قدم لگے مرے آقا
مبارک تے مقدس نیں اوہ تھاواں یا رسول اللہ ﷺ

خدا نے اک نمونہ آکھیا اے تیری سیرت نوں
میں لہنوں کیوں نہ پھر رہبر بناواں یا رسول اللہ ﷺ

قمر دی موت ویلے نام تیرا ہووے بلھاں تے
میں منگاں رات دن ایہو دعاواں یا رسول اللہ ﷺ

قمرجازی

ﷺ

تمنا حاضری دی ایہ مرے دل وچ درینہ یا رسول اللہ ﷺ
اجازت دیو تے آ ویکھاں مدینہ یا رسول اللہ ﷺ

مدینے ورھدیاں دم دم خدائی رحمتاں چھم چھم
مدینہ اے عطاواں دا خزینہ یا رسول اللہ ﷺ

جے میرے سرتے وی پے جائے آقا دھول طیبہ دی
مری مٹی وی بن جاوے گمبہ یا رسول اللہ ﷺ

جدوں سوہنے مدینے شہر نوں زائر چلے جانے
نہ آوے اشک روکن دا قرینہ یا رسول اللہ ﷺ

غماں دے بحر وچ امت نمائی ڈبڈی جاندی اے
کنارے تیک پونچاؤ سفینہ یا رسول اللہ ﷺ

کرم دی اک نظر کاشف تے جے سرکار فرماؤ
ایہدا سینہ وی ہو جاوے مدینہ یا رسول اللہ ﷺ
رانا کاشف کھیل کاشف

ﷺ

کے راتی جے ہو جاوے عنایت یا رسول اللہ ﷺ
 شرف پاوے مرا شوق زیارت یا رسول اللہ ﷺ
 مری ایہ چشم دی دیکھے تہاڈا حسن لا فانی
 جوئیں ہے ام معبد توں روایت یا رسول اللہ ﷺ
 تہاڈی اک تے پرانوار صحب دا ملے حصہ
 تے نطق خاص دی ہوئے سماعت یا رسول اللہ ﷺ
 بنا دتے ابو بکرؓ و عمرؓ جس فیض تھیں آقاؐ
 کدی آوے اساتے دی اوہ سماعت یا رسول اللہ ﷺ
 جمع اسمائے مولا دی ملے تعلیم و تربیت
 تے بخشو طاقت بار امانت یا رسول اللہ ﷺ
 تیں شاہ نبوت او تے ہر اک دور دے اندر
 رواں اے آپ دا بحر سخاوت یا رسول اللہ ﷺ
 نگاہ لطف ہو جاوے زوالِ محبت امت تے
 خدا بخشے برے عملاں دی شامت یا رسول اللہ ﷺ

زمانہ کھا کے گردش مڑ کے ایسی نہج تے آوے
 کہ پھر آوے تہاڈا دور طاعت یا رسول اللہ ﷺ
 تہاڈا کوڑ دانش جہاں نوں زندگی بخشے
 کہ ہوراں دانشاں وچ ہے ہلاکت یا رسول اللہ ﷺ
 تہاڈے اسوۂ حسنہ دا پھر شعثان ہو جاوے
 ہمیرا پا کے بیٹھی اے جہالت یا رسول اللہ ﷺ
 جدوں تک آپ دے فیضان دا جھنڈا اے دنیا تے
 زمیں آسمان نیں تہ تک سلامت یا رسول اللہ ﷺ
 دیہاڑے حشر دے شاہا! غلامی دی سند بخشو
 بہ لطف خاص فرماؤ شفاعت یا رسول اللہ ﷺ
 خدا جنت جتھاں دیوے تے اوتھے وی عطا ہووے
 تہاڈی بزم اعلیٰ دی رفاقت یا رسول اللہ ﷺ
 سدا روشن رہوے مظہر دے باطن دے جہان اندر
 تہاڈے رخ دا خورشید ہدایت یا رسول اللہ ﷺ

سید محمد کبیر احمد مظہر



صلی اللہ علیہ وسلم

تری چوکھٹ دے نیس سب نوں سہارے یا رسول اللہ ﷺ
 ایہ بگڑی کون بن تیرے سنوارے یا رسول اللہ ﷺ
 ترے روضے دی جانی چوں پئے دوروں ای دسدے نیس
 خدا دے نور دے جلوئے نظارے یا رسول اللہ ﷺ
 مری ساری حیاتی دا نیس سرمایہ اوہو لمحے
 ترے گنبد دی چھاویں جو گزارے یا رسول اللہ ﷺ
 گناہواں دی ہنھیری توں بچا لینا مرے آقا
 میں ڈگدا آ گیا تیرے دوارے یا رسول اللہ ﷺ
 نگاہواں تیریاں وگڑی کروڑاں دی بنائی اے
 مرے ولے وی رحمت دے اشارے یا رسول اللہ ﷺ
 نہ ہو کے مکدے میرے نہ ہنجو سکدے میرے
 گناہواں دے بڑے نیس بھار بھارے یا رسول اللہ ﷺ
 جدوں دیکھاں مدینے دل جاندا قافلہ کوئی
 مرے دل تے بڑے چلدے نیس آ رہے یا رسول اللہ ﷺ
 کلیجے ٹھنڈ پے جاندی ' نظر نوں چین مل جاندا
 جدوں پہنچے کوئی تیرے دوارے یا رسول اللہ ﷺ

اودہ ذرے پاک جہاں نوں مدینے نال نسبت اے
 انہاں تے رشک کروے چن تارے یا رسول اللہ ﷺ
 ترا فرمان غیا بدلاں ' روڑاں تے چن سب نے
 جدھے ولے وی کیجے نیں اشارے یا رسول اللہ ﷺ
 نماں تے کرو نظراں ' بلا لو پاک روضے تے
 بڑے روندے غماندے نیں مارے یا رسول اللہ ﷺ
 ترے دربار عالی توں جدا میں کس طرح ہوواں
 پئے آؤندے نیں جنت دے ہلارے یا رسول اللہ ﷺ
 کریمی شان تیری توں میں ازلوں آس رکھی اے
 کدی دیدار ہو جاوے ' پیارے یا رسول اللہ ﷺ
 مرے ساہواں دی تسبیح تے ترا ای ورد جاری اے
 میں تیرے نام توں دل جان وارے یا رسول اللہ ﷺ
 جنہوں اک گھٹ وی ملیا تری نظراں دی مستی دا
 انہوں کوڑ دے آ جاندے ہلارے یا رسول اللہ ﷺ
 مرا دم آخری نکلے کلیم اس پاک روضے تے
 مرا دل ہر گھڑی ایہو پکارے یا رسول اللہ ﷺ

کلیم شہزاد

ﷺ

مرے غم دا وی سن تے لے فسانہ یا رسول اللہ ﷺ
ترے در تے ہے جھکدا سبھ زمانہ یا رسول اللہ ﷺ

نظر آوے جیہڑی ٹہنی توں مینوں گنبد خضریٰ
اوبا ٹہنی بنالال آشیانہ یا رسول اللہ ﷺ

ترے در تے جیہڑا آوے اوہ خالی جا نہیں سکدا
اتھاں لھدا اے رحمت دا خزانہ یا رسول اللہ ﷺ

میں تیرا نام لیناواں تے بیڑا پار ہو جائے
جدوں وی غم دا بنیا میں نشانہ یا رسول اللہ ﷺ
گل شیر اختر شبیر

.....☆☆.....

ﷺ

ترے در و اسواں ہاں سدا میں یا رسول اللہ ﷺ
مینوں ہے ناز ہاں تیرا گدا میں یا رسول اللہ ﷺ

میں اس امید تے شاہد کدی وی بھٹیا جاواں
تاں تیری ہی کردا ہاں ثناء میں یا رسول اللہ ﷺ

ایہا حسرت پئی کھاندی مدینہ پاک جا دیکھاں
تری گلیاں دی چھو لاں بس ہوا میں یا رسول اللہ ﷺ

ترے قدماں دے وچ آقا ہووے جے موت محسن دی
ایہا تاں آخری منگناں دعا میں یا رسول اللہ ﷺ
محسن عباس محسن



صلی اللہ علیہ وسلم

تمنا اے میں در تے فیر آواں یارسول اللہ ﷺ
 ہجر دے زخم میں تینوں دکھاواں یارسول اللہ ﷺ
 جدوں روئے توں ہو یا دور کیہ دساں کہ کیہ گزری
 مرے لوں لوں چوں نکلن فیر ہاواں یارسول اللہ ﷺ
 مری دنیا ایہ دنیا نہیں مری جنت حرم تیرا
 ہجر دے رات دن میں گیت گاواں یارسول اللہ ﷺ
 کرم تیرا کینے تے جو ہو یا پھر کرم کر دے
 سبز گنبد تے پھر نظراں جماواں یارسول اللہ ﷺ
 تری چوکت تے بیٹھا ساں اٹھایا میرے بختاں نیں
 کرو نظر کرم سو پر نے آواں یارسول اللہ ﷺ
 ترے باجھوں وسیلہ نہ مرا دنیا تے عقبی وج
 وسیلہ تیرے عاشق دا میں پاواں یارسول اللہ ﷺ
 کدی دیکھو تے صوفی نوں وی دسو حاضر و ناظر
 کیوں باقی حیاتی نوں لنگھاواں یارسول اللہ ﷺ
 صوفی محمد الدین چشتی نظامی

ﷺ

کدے درتے بلاؤ تے میں آواں یا رسول اللہ ﷺ
 سڑے ستے نصییاں نوں جگاواں یا رسول اللہ ﷺ
 تری محفل دے وچ آقا ترے حسان وی ہوں
 علیؑ بوکر و عمر فاروق تے عثمانؑ وی ہوں
 بھری محفل دے وچ نعتاں سناواں یا رسول اللہ ﷺ
 سڑے ستے نصییاں نوں جگاواں یا رسول اللہ ﷺ
 زمین و آسماں جھک کے جیہدی تعظیم کردے نیں
 نبی وی جیہیں دی عظمت نوں پئے تسلیم کر دے نیں
 ترے ای گیت تھاں تھاں تے میں گاواں یا رسول اللہ ﷺ
 سڑے ستے نصییاں نوں جگاواں یا رسول اللہ ﷺ
 مدینہ میری قسمت وچ کدے اک وار ہو جائے
 غماں دے بحر چوں میری وی بیڑی پار ہو جائے
 میں منگاں ہر گھڑی ایہو دعاواں یا رسول اللہ ﷺ
 سڑے ستے نصییاں نوں جگاواں یا رسول اللہ ﷺ
 مدینے جے بلاؤ تے میں ویکھاں سوہنیاں گلیاں
 بھلے میرے وی دن ہوں تے بھلیاں ہوں وی راتاں
 مدینے ای مکن باقی جے ساہواں یا رسول اللہ ﷺ
 سڑے ستے نصییاں نوں جگاواں یا رسول اللہ ﷺ
 سید محمود ساقی

ﷺ

کدی خواباں دے وچ صورت دکھاؤ یا رسول اللہ ﷺ
میرے گھر وی قدم رکھو تے آؤ یا رسول اللہ ﷺ

تھاڑے دم قدم نال ساری دنیاوی بہاراں نیں
مرے دل وچ وی اپنا نور پاؤ یا رسول اللہ ﷺ

خدا فر اپنے بندیاں تون بڑا ناراض لگدا اے
سماناں تے خدا نوں فر مناؤ یا رسول اللہ ﷺ

زمانے وچ تے دھوکے بازاں دا مڑ زور چڑھیا اے
تفکر تے شکدر تون بچاؤ یا رسول اللہ ﷺ

میں خواباں وچ پھلاں دے نال راہواں سوہنیاں کرساں
مری مرضی اے اکھاں وچ سماؤ یا رسول اللہ ﷺ
مسعود ہاشمی

.....☆☆.....

میں اللہ علیہ

دراڑے رہ کے نہیں ہندا گزارا یا رسول اللہ ﷺ
 بلا لو کول مینوں وی خدارا یا رسول اللہ ﷺ
 بھلیکھے پندھ دے نے کھا لیا عمراں دے پینڈے نوں
 کوئی لبھا نہ نشیاں دا دیہاڑا یا رسول اللہ ﷺ
 غماں دے وچ دریا دے پئی ہستی مری ڈولے
 تہاڑے تنکیاں لہدا کنارا یا رسول اللہ ﷺ
 کسے جوگا تے نہیں چھڈیا مینوں میری حیاتی نے
 کراں تے کیہ کراں بختاں دا مارا یا رسول اللہ ﷺ
 کرم دی جہات پاؤ تے ہمیرے دور ہو جاوَن
 چمک جاوے مقدر دا ستارا یا رسول اللہ ﷺ
 عطا ہمت کرو مینوں کراں سر بندھ آون دا
 کراں جی بھر کے روضے دا نظارا یا رسول اللہ ﷺ
 بڑے چرتوں معراج آسی اے سوہنے درنوں ویکھن دا
 کدوں آدے گا درشن دا بلارا یا رسول اللہ ﷺ
 معراج انصاری

.....☆☆.....

ﷺ

میں ہر ویلے کریندا ہاں دعاواں یا رسول اللہ ﷺ
بلا لو جے مدینے میں دی آواں یا رسول اللہ ﷺ

نہ جھاکاں میں کدے دی غیر دے ولے حیاتی بھر
محبت آپ دی ہر دم ہنڈاواں یا رسول اللہ ﷺ

تساقھوں دور ہو کے ہو گئی اے زندگی اوکھی
پھیرا گھیر کھڑیاں نیں بلاواں یا رسول اللہ ﷺ

تساڈے در توں نہ منگاں تے منگاں ہوو میں کتھوں
گدا ہاں میں کیوں خالی پرت جاواں یا رسول اللہ ﷺ

چتر نہ حال میرے تے تسیں کجھ رحم فرماؤ
میں دکھاں توں کوں پلا چھڈاواں یا رسول اللہ ﷺ

عطا رحمت دی چادر ہووے جے حسان دے وانگوں
بصیری وانگراں مقصود پاواں یا رسول اللہ ﷺ
مقصود ناصر چودھری

ﷺ

مد فرماؤ نا ساڈی خدا را یار رسول اللہ ﷺ
 بناں ایہدے نہیں ساڈا گزارا یار رسول اللہ ﷺ
 کدی آساں دے باغاں وچ بہاراں دا گزر ہووے
 کدی کریئے مدینے دا نظارا یار رسول اللہ ﷺ
 اک ایسا انقلاب آوے جے من موجاں دی وتی وچ
 نظر آوے تہاڈا عکس پیارا یار رسول اللہ ﷺ
 تہاڈی مہربانی جے اسانوں اذن دے دیندی
 بدل دیندے زمانے دا ایہ دھارا یار رسول اللہ ﷺ
 اسان سووے جو کہتے نیں ایہ ہے افسوس اوہناں وچ
 خسارا ای خسارا اے خسارا یار رسول اللہ ﷺ
 اسیں وی دھون اچی کر کے ٹریئے فیر اک واری
 ملے قوماں دے وچ عزت دوبارا یار رسول اللہ ﷺ
 دعا خالد دی اے جنہوں گرا دتا اے خود غرضی
 بنے مڑ کے وفا دا اوہ چبارا یار رسول اللہ ﷺ

پروفیسر سید منصور احمد خالد

ﷺ

نہیں بھل دا مدینے دا نظارا یارسول اللہ ﷺ
 اچے اکھاں دے وچ روضہ اے پیارا یارسول اللہ ﷺ
 ہزاراں شہر دنیا تے نرالے توں نرالے نیں
 مگر رتبہ مدینے دا نیارا یارسول اللہ ﷺ
 جو زائر نیں اوہ بخشے جان گے مَن زَار وچ آیا
 شفاعت دا ہے واضح ایہ اشارا یارسول اللہ ﷺ
 کدوں رج رج کے دیکھاں گا اوہ جلوے تیری مگری دے
 کدوں آوے گی پھر ذاری دوبارا یارسول اللہ ﷺ
 کدوں ہن پھر بلاؤ گے کدوں حسرت مٹاؤ گے
 کرو نظر کرم جلدی خدارا یارسول اللہ ﷺ
 میں ہاں منگتا تیرے در تے نہیں واقف کسے در دا
 دو جگ اندر توں ای میرا سہارا یارسول اللہ ﷺ
 خدا جاؤک کہہ کے تیرا در سانوں دکھاندا اے
 کہ بخشش لئی اے کافی ایہ دوارا یارسول اللہ ﷺ
 بناں تیری محبت دے عبادت راگیاں ساری
 بناں تیرے جہاں برباد سارا یارسول اللہ ﷺ
 بھرم منظور نوری دا رہوے میدان محشر وچ
 نہ کھاوے ٹھوکراں در در دا مارا یارسول اللہ ﷺ
 مولانا منظور احمد نوری

ﷺ

عمر بھر تیریاں نعتاں سناواں یا رسول اللہ ﷺ
جشن میلاد میں ہر دم مناواں یا رسول اللہ ﷺ

ایہ نعتاں تیریاں دے نال ہے قرآن سب بھریا
میں چم چم کے تے سینے نال لاواں یا رسول اللہ ﷺ

کدی آوے جے مینوں وی بلاوا شہر طیبہ چوں
ترا در چھوڑ کے نہ دور جاواں یا رسول اللہ ﷺ

مرے دل وانگراں ساڑے مرے لیکھاں دی مجبوری
بھر دی اگ نوں کیوں بجھاواں یا رسول اللہ ﷺ

کدی خواہاں چ آ جاؤ مری قسمت جگا جاؤ
کرے منظور بغدادی صداواں یا رسول اللہ ﷺ
منظور الحسن بغدادی



ﷺ

کتے ڈب جان نہ آساں دے ایہ تارے یارسول اللہ ﷺ
تری رحمت مدینے دل پکارے یارسول اللہ ﷺ

تخیل نے نظارے آپ دے دیدار دے کیجے
ترسدے رہ گئے دیدے وچارے یارسول اللہ ﷺ

ایہ دل دی شاخ تے سدھراں دی بلبل کوکدی ہر دم
کدوں باناں گے طیبہ دے نظارے یارسول اللہ ﷺ

میری اکھیاں نوں ہر پاسے اوہی دلبر نظر آوے
چڑھاں کجھ عشق دے ایسے چوبارے یارسول اللہ ﷺ

جدوں دی اکھ میٹاں آپ دے قدماں جج سر ہووے
لواں میں ایسی نیندر دے ہلارے یارسول اللہ ﷺ

منور اوہ حیاتی ہے جو تیری تانگھ وچ گذرے
مرن توں بعد مٹی دی پکارے یارسول اللہ ﷺ

پروفیسر منور غنی

ﷺ

کراں میں کس طرح تیرا نظارا یا رسول اللہ ﷺ
 گیا واں ہار میں کر کے چارا یا رسول اللہ ﷺ
 بڑا اے شوق مینوں وی مدینے دا کدے دیکھاں
 تساں دا شہر شہراں چوں پیارا یا رسول اللہ ﷺ
 جگا دے لیکھ میرے وی کرم دی اک نگاہ کر کے
 کرو کوئی کدے مینوں اشارا یا رسول اللہ ﷺ
 لواں میں ناں جدوں تیرا خوشی وچ غم بدلے نیں
 ہے میرے واسطے کافی سہارا یا رسول اللہ ﷺ
 تساں دی یاد سینے نوں کبرے روشن جدوں آوے
 چمک دا اے نصیباں دا ستارا یا رسول اللہ ﷺ
 جدوں میں نعت کہناواں تے ایہ محسوس ہوندا اے
 کھڑا ہاں آپ دا مل کے دوارا یا رسول اللہ ﷺ
 غلامی آپ دی جیکر عطا مینوں منیر ہووے
 لٹاواں آپ توں گھر بار سارا یا رسول اللہ ﷺ
 منیر احمد کمال



ﷺ

جگر دے زخم کس کس نوں دکھاواں یا رسول اللہ ﷺ
غصاں دا حال کس کس نوں سناواں یا رسول اللہ ﷺ

میرے ہو کے مینوں رسوا نہ کر جاؤں کدے آقا
دبا رکھاں گا کد تیکر میں ہاواں یا رسول اللہ ﷺ

میں جتھوں تک نظر پاناواں اک ظالم ہمیرا اے
میں نومیدی دے صحرا وچ کھڑا ہاں یا رسول اللہ ﷺ

محبت دور دریا دے کنارے تے کھلوتی اے
اج انساں دی نفرت توں پریشاں یا رسول اللہ ﷺ

خدا دے حکم توں مونہہ موڑ کے آوارہ پھرنے آں
تے ہن منزل دا نہیں کوئی وی امکاں یا رسول اللہ ﷺ
پروفیسر منیر الحق کعبی

.....☆☆.....

ﷺ

مری وگڑی بناویں یا رسول اللہ ﷺ
تے کول اپنے بلاویں یا رسول اللہ ﷺ

تینوں لجاں تے شرماں ساریاں ای نیں
بیڑی بنے توں لاویں یا رسول اللہ ﷺ

کرم تیرے دیاں چھاواں نیں سب اتے
کرم میتھے کماویں یا رسول اللہ ﷺ

توں ہر مگتے نوں ہر ویلے پیا دیویں
مینوں وی خیر پاویں یا رسول اللہ ﷺ

خطاواں معاف شاہد دیاں کر دے
مدینے ول بلاویں یا رسول اللہ ﷺ

ڈکڑ مہر الدین شاہد

.....☆☆.....

ﷺ

کدی میری دی سن لو آہ و زاری یارسول اللہ ﷺ
ترسدی بیت چلی عمر ساری یارسول اللہ ﷺ

خدارا آخری دیدار مینوں آکے دے جانا
نزع دا وقت جو ہو جائے طاری یارسول اللہ ﷺ

تساں دا آسرا امٹ دے آخر کم آؤنا ایں
جدوں محشر دا ہوسی وقت بھاری یارسول اللہ ﷺ

میں سنیا اے غریباں دل سواری آپ دی ہوندی
مرے گھر وی کدے آوے سواری یارسول اللہ ﷺ

میں حسرت نال نادر ویکھدا رہندا ہاں راہیاں نوں
مدینے دی جدوں کردے تیاری یارسول اللہ ﷺ

نادر جاجوی

ﷺ

دیاں میں رات دن تیری دُہائی یا رسول اللہ ﷺ
 مدینے جان دی واری نہ آئی یا رسول اللہ ﷺ
 میں پچھلی رات نوں اٹھ کے پروواں ہار ہنجواں دے
 جدوں سکھ نال سوں جاندی خدائی یا رسول اللہ ﷺ
 جو تک لیندا اے اک واری کسے ول فیر نہیں نکدا
 تری صورت خدا نے انج بنائی یا رسول اللہ ﷺ
 فرشتے جھوم اٹھے آسماناں تے قسم تیری
 غلاماں نے جدوں محفل سبائی یا رسول اللہ ﷺ
 کدی تے آپ خود آ کے میری کلی سجاؤ گے
 کدی تے گھر چوں لکھے گی جدائی یا رسول اللہ ﷺ
 ستارے آسماناں تے چھپاون لگ پئے چہرے
 نگاہ اپنی تیاں جس دم اٹھائی یا رسول اللہ ﷺ
 ثناء خوانی دا ملیا اے جدوں دا شرف ناصر نوں
 کدی لب تے نہ آئی گل پرانی یا رسول اللہ ﷺ

سید ناصر چشتی

ﷺ

نہ جنت دا اے چاء مینوں نہ حوراں یا رسول اللہ ﷺ
 پر ہر تھاں تیریاں سانوں نیں لوڑاں یا رسول اللہ ﷺ
 جہاں تکیا تسانوں مال جاں قربان کر دتے
 بناں تکیاں فدا نیں لکھ کروڑاں یا رسول اللہ ﷺ
 جتھے پئے نیں قدم تیرے اوہ دھوڑاں ہو گئیاں روشن
 قدوسی روز پئے چمن اوہ دھوڑاں یا رسول اللہ ﷺ
 نہ ایہ دنیا نہ اوہ دنیا عمری جنت مدحت تیری
 کراں میں ذکر تیرا ای نہ چھوڑاں یا رسول اللہ ﷺ
 زمانے دے سبھی سوہنے ترے دربار تے بیٹھے
 میں تیرے در بناں دیکھاں نہ ہوراں یا رسول اللہ ﷺ
 مری اس جان کلی تے ہووے بارش بے دکھاں دی
 کدی وی تیرے دلوں مونہہ نہ موڑاں یا رسول اللہ ﷺ
 تیرے ای پیار دی قتیل چمکی اے قتیل اندر
 مدینے پاک دیاں کھا کے کھجوراں یا رسول اللہ ﷺ
 محمد نثار قتیل

.....☆☆.....

ﷺ

سنو اک داری دکھیاں دی کہانی یار رسول اللہ ﷺ
ہے روندی پئی میری جندڑی نمائی یار رسول اللہ ﷺ

تیرے باجھوں سہارا کون دے آکے گناہیاں نوں
تیرے روضے دے جلوے نیں نورانی یار رسول اللہ ﷺ

مدینے پاک دی گلیاں نوں دیکھن میریاں اکھاں
ہو جاوے آس پوری ایہ پرانی یار رسول اللہ ﷺ

بڑے ای معجزے بخشے نیں تیری ذات اقدس نوں
کرو ہن عاصیاں تے مہربانی یار رسول اللہ ﷺ

سنور جاندے مقدر جے کرم دی جہات پا دیو
دیہاڑے حشر صابر نوں سہانی یار رسول اللہ ﷺ
نصر اللہ خاں صابر

.....☆☆.....

ﷺ

سنو معصوم ہونٹاں دے ہلارے یار رسول اللہ ﷺ
 بڑی ہی دیر توں روندے وچارے یار رسول اللہ ﷺ
 کدی بغداد تے کابل کدی کشمیر روندی اے
 انہاں نوں دے دیہو اپنے سہارے یار رسول اللہ ﷺ
 جدوں چادر کے دی چوک وچ نیلام ہوندی اے
 اودوں حوا دی روح رو رو پکارے یار رسول اللہ ﷺ
 کدی بیت المقدس تے دی اپنی جہات پا دیو
 جتھے لاشاں دے پیندے نیں کھلارے یار رسول اللہ ﷺ
 میرے ساہواں نوں پی جاندی اے اڈی دھوڑ بمباں دی
 میرے سینے وچ بھندنے نیں انگارے یار رسول اللہ ﷺ
 ایہ ایٹم بمب آقا جی بڑے بھکھے تے شوہدے نیں
 ایہ کھا جانڈے نیں کلیاں تے چوبارے یار رسول اللہ ﷺ
 ثمر کچا ہے ایس نوں وی سنبالا دے دیہو آقا
 بڑے شہنی نوں لگدے نیں ہلارے یار رسول اللہ ﷺ
 نعیم ارشد ثمر



ﷺ

تری رحمت دا مینوں ہے سہارا یار رسول اللہ ﷺ
ہو جائے دید تیری دا نظارا یار رسول اللہ ﷺ

آواں روضے تے لاواں نال سینے سنہری جالی نوں
نہ رہ کے دور ہندا اے گزارا یار رسول اللہ ﷺ

گناہواں میریاں دی ڈولدی کشتی بھنور دے وچ
کرو نظر کرم مل جائے کنارا یار رسول اللہ ﷺ

کرم کیتا جیویں رومی تے جامی تے تساں آقا
تے چمکے نور آسی دا ستارا یار رسول اللہ ﷺ
میاں نور احمد ریحانوی



ﷺ

نظر تک تک کے راہ تیرا اے ہاری یا رسول اللہ ﷺ
 کدوں آؤنی تساڑی اے سواری یا رسول اللہ ﷺ
 کوئی سوہنا اودھی نظراں دے وج نہیں فیر بچ سکا
 جسے دیکھی تری صورت پیاری یا رسول اللہ ﷺ
 سمجھ لیتا ہاں میں فوراً تساں گیسو سوارے میں
 چمن وج جد وگے باو بہاری یا رسول اللہ ﷺ
 میں ہولا ہو گیاں لکھاں دے نالوی وی ہاں رل رل کے
 ہجردی ہے مصیبت سب توں بھاری یا رسول اللہ ﷺ
 میں مہسیا دانگ بلبل نفس تے شیطان دے گھیرے وج
 ہے اتے باز تے پٹھاں شکاری یا رسول اللہ ﷺ
 قبر تے حشر دی سختی وی سب آسان ہو جاوے
 چڑھا دے عشق اپنے بی ناری یا رسول اللہ ﷺ
 ترا در چھوڑ کے جاوے تے کتھے ہوو دس جاوے
 ترے دربار دا یوسف بھکاری یا رسول اللہ ﷺ
 محمد یوسف مکنہ

ﷺ

سنو جے عرض میری تے سناواں یا رسول اللہ
 بلاوو جے مدینے تے میں آواں یا رسول اللہ
 دنے راتیں تہاڈی یاد وچ ہنجو وگاتاواں
 عطا ہون سبز گنبد دیاں چھاواں یا رسول اللہ
 تہاڈے شہر ولوں آوندے جد قافلے دیکھاں
 مرے سینے چوں نکلن فیر ہاواں یا رسول اللہ
 ترے در دی گدائی جے ملے عاجز نماںے نوں
 زمانے بھر دے سکھ اس توں میں واراں یا رسول اللہ
 مری دولت مری پونجی ایہ چند سکے نیں ساہواں دے
 تہاڈے رب توں ایہ وی لٹاواں یا رسول اللہ
 ترا یوسف سیہ کار اے خطار اے گناہ گار اے
 تہاڈے در توں مل جاوے پناہواں یا رسول اللہ
 محمد یوسف ورک

ﷺ

تری رحمت دے بدل بے بے یا رسول اللہ ﷺ
 ترے صدقے پیا ایہ نغم چلے یا رسول اللہ ﷺ
 خدائی ذات اے اک جیہڑی بس تیرے توں اتے اے
 ہے باقی جوئی ہے تیرے توں تھلے یا رسول اللہ ﷺ
 مدد دے واسطے فریاد اے مظلوم امت دی
 نہ جاوے ظالماں دے ظلم جھلے یا رسول اللہ ﷺ
 کتوں وی قاسمی کردار دی کوئی واج نہیں آؤندی
 نہیں ہر پاسے توں قذاقاں دے بے یا رسول اللہ ﷺ
 قیادت دے قصوروں قافلے گمراہ ہو گئے نیں
 نہ ہن ہنجو نہ بے جان ٹھلے یا رسول اللہ ﷺ
 قبیلے قوم قومیں فیر توں ملت بنا دیو
 اسیں ہر تھاں تے رہ گئے ہو کے کھلے یا رسول اللہ ﷺ
 قلعے کردار دے ساں پر اسیں سہار ہو گئے آں
 ندامت دے سوا کجھ وی نہیں پلے یا رسول اللہ ﷺ
 شفا اپنے کرم تے فیض دے پاروں عطا کر دے
 نیں طالب مرہاں دے زخم الے یا رسول اللہ ﷺ
 دعاواں کرن پئے کجے دلاں دے رات دن احقر
 خدا لشکر ابابلاں دے گھلے یا رسول اللہ ﷺ

ڈاکٹر محمد یونس احقر

ﷺ

تھاڑے ہجر وچ اکھاں نیں پر غم یا رسول اللہ ﷺ
مٹا دیہو وچھوڑے دا ہراک غم یا رسول اللہ ﷺ

تصور وچ میں روئے پاک دیاں جالیاں چم کے
بڑا خوش ہو کے پنجاواں دما دم یا رسول اللہ ﷺ

مرے اس دل دے بیڑے دے بنو خاں ناخدا آقا
مرے ہر پاسے نیں غم دے مظلوم یا رسول اللہ ﷺ

میں جد اکھاں نوں بند کرناں مدینے پہنچ جاناواں
تھاڑا ورد کرناواں میں ہر دم یا رسول اللہ ﷺ

مری حسرت اے بس ایہو تھاڑے در تے بیٹھا رہاں
نگاہواں نیویاں تے سرنوں کر خم یا رسول اللہ ﷺ
یونس حسرت امرتسری

ﷺ

جے مل جاوے ترا مینوں دوارا یارسول اللہ ﷺ
 فقیری وچ پیا ہووے گزارا یارسول اللہ ﷺ
 تری رحمت تری شفقت تری الفت دا قائل ہاں
 کرم دی اک نظر ہووے خدا را یارسول اللہ ﷺ
 نہ حوراں دی حرص مینوں نہ جنت دی طلب مینوں
 نظر آوے جے طیبہ دا نظارا یارسول اللہ ﷺ
 توں ہیں یسین توں ہیں طہ منزل توں مبشر توں
 وچارے عاصیاں دا توں ای چارا یارسول اللہ ﷺ
 مرے پلے تے کجھ وی نہیں جو توں دیویں جو توں بخشیں
 ترے ناں تے لبنا دیواں اوہ سارا یارسول اللہ ﷺ
 تساڈے کرم تھیں ہر بار آجاناں دوارے تے
 بلاو ہن بلاو فر دوبارا یارسول اللہ ﷺ
 حشر دا خوف نہیں زخمی نہ ڈر کوئی حساباں دا
 جدوں توں ایں نمانے دا سہارا یا رسول اللہ ﷺ
 اقبال زخمی

.....☆☆.....

ﷺ

تساڑے ہجر نے کیا اے گھائل یا رسول اللہ ﷺ
 میں کج آواں نہ ملدے میں مسائل یا رسول اللہ ﷺ
 بھیرا ایس نوں کہناں نہ دولت اے نہ زر پلے
 ایہ دل جھلا نہ من دا اے دلائل یا رسول اللہ ﷺ
 کرم ہووے کرم ہووے مرے اتے کرم ہووے
 تساڑے کرم دا ہاں میں تے قائل یا رسول اللہ ﷺ
 تسیں طے ، تسیں یسیں ، منزل او مدثر او
 گناواں آپ دے کیہ کیہ شامل یا رسول اللہ ﷺ
 گزر ہووے مدینے چوں تے میرا وی سلام آکھے
 صبا نوں کر رہیاں اس گل تے مائل یا رسول اللہ ﷺ
 بلا یوؤ بلا یوؤ مدینے فر بلا یوؤ
 غریبی راہ دے وچ ہوئی اے حائل یا رسول اللہ ﷺ
 کرو زخمی دے ولے وی نظر اک مہر دی آقا
 ترے درتوں نہ پرتے کوئی سائل یا رسول اللہ ﷺ
 اقبال زخمی

☆☆

ﷺ

ہجر وچ نین میرے وی نہیں روندے یا رسول اللہ ﷺ
 کدے وی نیندراں بھر کے نہ سوندے یا رسول اللہ ﷺ
 دنے راتیں بناں رونے دے کم نہ ہوو سجدا اے
 سدا نہیں ہار ہنجواں دے پروندے یا رسول اللہ ﷺ
 جہاں دے بھاگ چنگے نیں مدینے نوں اوہ جانڈے نیں
 اوہ چم کے جالیاں اکھیاں نوں لاؤندے یا رسول اللہ ﷺ
 تیرے دیوانیاں نوں لوک پاگل آکھدے آتھے
 سدا پاگل نیں اپنے غم لکاؤندے یا رسول اللہ ﷺ
 جہاں نوں تیرے دیکھن وی طلب تڑپاوندی رہندی
 اوہ راہی زستیاں وچ نہیں کھلونڈے یا رسول اللہ ﷺ
 تساڈا کرم ہووے تے مدینے آوندے اوہو
 تسیں او آپ جہاں نوں بلاؤندے یا رسول اللہ ﷺ
 رلا لیندے مینوں وی نال اپنے قافلے والے
 میرے زخمی نصیب ایڈے جے ہوندے یا رسول اللہ ﷺ
 اقبال زخمی

صلی اللہ علیہ وسلم

کدوں مکن گیاں خورے جدائیاں یا رسول اللہ ﷺ
 مرے ناں تے اہے چٹھیاں نہ آئیاں یا رسول اللہ ﷺ
 تہاڈا جے اذن ہووے مدینہ فیر دیکھاں میں
 جو منزل دل جاندا اے اوہ زینہ فیر دیکھاں میں
 گھٹاواں رحمتاں دیاں جدوی چھائیاں یا رسول اللہ ﷺ
 تہاڈے کرم دی آقاؐ نظر ہوئی سوتی جے
 بلاوا فیر آوے گا میرے دل نوں تسلی جے
 اڈیکاں ہوندیاں جاون سوائیاں یا رسول اللہ ﷺ
 تصور وچ ہرے گنبد دا منظر دیکھدا رہناں
 مدینے دے کلی کوچے میں اکثر دیکھدا رہناں
 میں آساں حاضری لئی فیر لائیاں یا رسول اللہ ﷺ
 مرے ناں تے اہے چٹھیاں نہ آئیاں یا رسول اللہ ﷺ
 اقبال رنجی



ﷺ

نہ جھلی جاوندی میتھوں جدائی یا رسول اللہ ﷺ
دہائی اے دہائی اے دہائی یا رسول اللہ ﷺ

ٹرے جانے مدینے قافلہ در قافلہ لوکیں
مری واری اے تیکر نہ آئی یا رسول اللہ ﷺ

تساڑے در توں کھاندے نیں زمانے دے گدا آقا
تے شاہواں دی تہاں وگڑی بنائی یا رسول اللہ ﷺ

خدا خود آکھدا میں جرم اوہدے معاف کر دیاں
تساڑے تیک کر لے جو رسائی یا رسول اللہ ﷺ

صبا جاویں مدینے استعائے نال لے جاویں
تے آکھیں نذر زخمی نے گھلائی یا رسول اللہ ﷺ
اقبال زخمی

مصاحف الجمال

من جملة المنير - فدا القدر

لا يمكن لنا أن نذكرنا كما كان

فداوند بزرگ تو فیض

[illegible]